

Deshe Bideshe by Syed Mujtoba Ali **[Part.3]**



For More Books & Music Visit www.MurchOna.com
MurchOna Forum : <http://www.murchona.com/forum>
suman_ahm@yahoo.com

ਪੰਜ ਪੰਜ

ਪੰਜ ਪੰਜ ਪੰਜ



দিয়ে উপজাতিদের কাছে পৌঁছত, সে-সব পয়ঃপ্রণালী দশ বংশরের অনাদরে জঞ্জালাবদ্ধ। এখন বন্যা ভিন্ন উপায় নেই।

অনেক-ভেবে-চিন্তে আমানউল্লা তাঁর ভাগিনীপতি আলী আহমদ খানকে জলালাবাদে পাঠালেন। শিনওয়ারীদের টাকার বানে ভাসিয়ে দেবার জন্য সঙ্গে দেওয়া হয়েছিল, কেউ বলে দশ লাখ, কেউ বলে বিশ লাখ।

শাস্ত্রের তর্কে, দর্শনের লড়াইয়ে দিশেহারা হলে ওমর খৈয়াম মৃৎপাত্র ভরে সুদূর পান করতেন। সেই মাটির ভাঁড়ই নাকি তখন তাঁকে গভীরতম সত্যের সন্ধান দিত।

আমার মৃৎপাত্র আবদুর রহমান। তাঁকে সব খুঁলে বলে তার মতামত জানতে চাইলুম। গোড়ার দিকে সে আমাকে রাজনৈতিক আলোচনা করতে বারণ করত, কিন্তু শিনওয়ারী বিদ্রোহের পাকাপাকি খবর শহরে পৌঁছানোর সঙ্গে সঙ্গে রাজার গল্প গল্পের রাজা হয়ে দাঁড়িয়েছিল। আবদুর রহমান বরফের জহুরী, আর সেই বরফই তার মাপকাঠি। সে বলল, 'নানা লোকে নানা কথা কয়, তার হিসেব-নিকেশ আমি করব কি করে? কিন্তু একটা কথা ভুলবেন না, হুজুর, এই বরফ ভেঙে শিনওয়ারীরা কিছতেই কাবুল পৌঁছতে পারবে না। ওদের শীতের জামা নেই। বরফ গলুক, তারপর দেখা যাবে।' আমি জিজ্ঞেস করলুম, 'তাই বর্দা প্রবাদ, কাবুল সর্গহীন হোক আপত্তি নেই, কিন্তু বরফহীন যেন না হয়!'

ভেবে দেখলুম আবদুর রহমান কিছ, অন্যায় বলেনি। ইতিহাসে দেখেছি, বর্ষা নামার সঙ্গে সঙ্গে বাঙলাদেশের বিদ্রোহবিপ্লবও ছেঁড়া কাঁথা গায়ে টেনে নিয়ে 'নিদ্রা যায় মনের হরিষে।'

চৌত্রিশ

এমন সময় যা ঘটল তার জন্য কেউ তৈরী ছিলেন না; প্রবীণ অর্বাচীন কারো কোনো আলোচনায় আমি এ ব্যাপারের কোনো আভাস ইঙ্গিত পাইনি।

বেলা তখন চারটে হবে দোস্ত মুহম্মদের বাড়ি থেকে বেরিয়ে দেখি রাস্তায় তুমুল কান্ড। দোকানীরা দুন্দাড় করে দরজাজানলা বন্ধ করেছে, লোকজন দিগ্বিদিকজ্ঞানশূন্য হয়ে ছুটোছুটি করছে, চতুর্দিকে চিৎকার, 'ও ভাই কোথায় গেলি', 'ও মামা শিগগির এসো।' লোকজনের ভিড়ের উপর দিয়ে টাঙ্গাওয়ালারা খালি গাড়ি, বোঝাই গাড়ি এমনি কান্ডজ্ঞান

হারিয়ে চাଲিয়েছে যে, আমার চোখের সামনে একখানা গাড়ি হুড়মুড়িয়ে কাবুল নদীর বরফের উপর গিয়ে পড়ল, কেউ ফিরে পর্ষস্ত তাকাল না।

সব কিছুর ছাপিয়ে মাঝেমাঝে কানে চিৎকার পেঁছর, 'বাচ্চায়ে সকাও আসছে, বাচ্চায়ে সকাও এসে পড়ল।' এমন সময় গুড়ুম করে রাইফেলের শব্দ হল। লক্ষ্য করলুম শব্দটা শহরের উত্তর দিক থেকে এল। সঙ্গে সঙ্গে দিগ্বিদিকজ্ঞানশূন্য জনতা যেন বন্ধ উম্মাদ হয়ে গেল। যাদের হাতে কাঁধে বোঁচকা-বুঁচকি ছিল তারা সেগুলো ফেলে দিয়ে ছুটলো, একদল রাস্তার পাশে নয়ানজুলিতে নেমে গেছে, অন্য দল কাবুল নদীতে জমে-যাওয়া জলের উপর ছুটতে গিয়ে বারে বারে পিছলে পড়ছে। রাস্তার পাশে যে অন্ধ ভিখারী বসতো সে দেখি উঠে দাঁড়িয়েছে, ভিড়ের ঠেলায় এদিক ওদিক টাল খাচ্ছে আর দুহাত শূন্য তুলে সেখানে যেন পথ খুঁজছে।

আমি কোনো গতিকে রাস্তা থেকে নেমে, নয়ানজুলি পেরিয়ে এক দোকানের বারান্দায় গিয়ে দাঁড়ালুম। স্থির করলুম, বিদ্রোহ বিপ্লবের সময় পাগলা-ধোড়ার চাট খেয়ে অথবা ভিড়ের চাপে দম বন্ধ হয়ে মরব না; মরতে হয় মরব আমার হিস্যার গুলী খেয়ে।

এক মিনিট যেতে না যেতে আরেক ব্যক্তি এসে জুটলেন। ইনি ইটালিয়ান 'কলোনেল্লো' অর্থাৎ কর্নেল। বয়স ষাটের কাছাকাছি, লম্বা করোগেটেড দাড়ি।

এই প্রথম লোক পেলুম যাকে ধীরেসুস্থে কিছুর জিজ্ঞাসা করা যায়। বললুম, 'আমি তো শূন্যে ছিলাম ডাকাত-সর্দার বাচ্চায়ে সকাও আসবে আমানউল্লার হয়ে শিনওয়ারীদের সঙ্গে লড়বার জন্য। কিন্তু এ কী কান্ড?'

কলোনেল্লো বললেন, 'মনে হচ্ছে ভুল খবর। এ তো আসছে শহর দখল করবার জন্য।'

তাই যদি হয় তবে আমানউল্লার সৈন্যেরা এখনো শহরের উত্তরের দিকে যাচ্ছে না কেন, এ রকম অতিক্রমে বাচ্চায়ে সকাও এসে পেঁছসই বা কি করে, তার দলে কি পরিমাণ লোকজন, শব্দ, বন্দুক না কামান-টাঁমান তাদের সঙ্গে আছে—এ সব অন্য কোনো প্রশ্নের উত্তর কলোনেল্লো দিতে পারলেন না। মাঝে মাঝে শব্দ বললেন, 'কী অদ্ভুত অভিজ্ঞতা!'

আমি বললুম, সাধারণ কাবুলী যে ভয় পেয়েছে সে তো স্পষ্টই বোঝা যাচ্ছে, কিন্তু ইয়োরোপীয়নরা এদের সঙ্গে জুটল কেন? এরা যাচ্ছে কোথায়?'

কলোনেল্লো বললেন, 'আপন আপন রাজদুতাবাসে আশ্রয়ের সন্ধানে।'

ততক্ষণে বন্দুকের আওয়াজ বেশ গরম হয়ে উঠেছে—ভিড়ও দেখলুম
চেউয়ে চেউয়ে য়েছে, একটানা সের্ভোস্তোর মত নয়। দুই চেউয়ের মাঝখানে
আমি কলোনোল্লোকে বললুম, 'চলুন ঝাড়ু যাই।' তিনি বললেন যে, শেষ
পযন্ত না দেখে তিনি ঝাড়ু যাবেন না। মিলিটারি খেয়াল, তর্ক করা
বখা।

ঝাড়ুর দোরের গোড়ায় দেখি আবদুর রহমান। আমাকে দেখে তার
দুশ্চিন্তা কেটে গেল। ঝাড়ু ঢুকতেই সে সদর দরজা বন্ধ করে তার গায়ে
এক গাদা ভারী ভারী পাথর চাপাল। বিচক্ষণ লোক, ইতিমধ্যে দুর্গ
রক্ষা করার যে বন্দোবস্তের প্রয়োজন সেটুকু সে করে নিয়েছে। আমি
জিজ্ঞাসা করলুম, বেনওয়া সাহেব কোথায়? বললো, তিনি মাত্র একটি
সুটকেস নিয়ে টাঙ্গায় করে ফ্রেণ্ড লিগেশনে চলে গিয়েছেন।

ততক্ষণে বন্দুকের শব্দের সঙ্গে মেশিনগানের একটানা ক্যাট্‌ক্যাট্‌
ধোপ দিচ্ছে। আবদুর রহমান চা নিয়ে এসেছিল। কান পেতে শুনে
বলল, 'বাদশার সৈন্যরা গুলী আরম্ভ করেছে। বাচ্চা মেশিনগান পাবে
কোথায়?'

আমি জিজ্ঞেস করলুম, 'বাদশার সৈন্যরা কি এতক্ষণে বাচ্চার
মুখোমুখি হল? তবে কি সে বিনা বাধায় কাবুলে পৌঁছল?'

আবদুর রহমান বলল, 'দোরের গোড়ায় দাঁড়িয়ে অনেককেই তো
জিজ্ঞেস করলুম, কেউ কিছ, বলতে পারল না। বোধ হচ্ছে বাচ্চা বিনা
বাধায়ই এসেছে। ওর দেশ হল কাবুলের উত্তর দিকে, আমার দেশ
পানশির—তারও উত্তরে। ওদিকে কোনো বাদশাহী সৈন্যের আনাগোনা
হলে আমি দেশের লোকের কাছ থেকে বাজারে খবর পেতুম। বাদশাহী
সৈন্যরা সবাই তো এখন পূর্বদিকে শিনওয়ারীর বিরুদ্ধে লড়তে
গিয়েছে আলী আহমদ খানের ভাবেতে।'

গোলাগুলী চলল। সন্ধ্যা হল। আবদুর রহমান আমাকে তাড়াতাড়ি
খাইয়ে দাইয়ে আগুনের তদারকিতে বসল। তার চোখমুখ থেকে আন্দাজ
করলুম, সে কাবুলীদের মত ভয় পায়নি। কথাবার্তা থেকে বুঝতে
পারলুম, বাচ্চা যদি জেতে তবে লুটতরাজ নিশ্চয়ই হবে এইং তাই নিয়ে
আমার মঙ্গলাম ল সম্বন্ধে সে ঈষৎ দুশ্চিন্তাগ্রস্থ। কিন্তু এ সব ছাপিয়ে
উঠেছে তার কৌতুহল আর উত্তেজনা—শহরে সার্কাস ঢুকলে ছেলে-
পিলেদের যে রকম হয়।

কিন্তু এই বাচ্চায়ে সকাওটি কে? আবদুর রহমানকে জিজ্ঞেস করতে
হল না, সে নিজের থেকেই অনেক কিছ, বলল এবং তার থেকে বুঝলুম
যে, আবদুর রহমান বরফের জহুরী, ফ্রস্ট-বাইটের ওঝা, রক্তনে ভীমসেন,

ইন্ধনে নলরাজ, সব কিছই হতে পারেন, কিন্তু বসওয়েল হতে এখনো তার ঢের দেরী। বাচ্চায়ে সকাও সমদন্ধে সে যা বলল তার উপরে উত্তম রবিন হুড খাড়া করা যায়, কিন্তু সে বহু জ্বলজ্বাস্ত মানুষের জীবনী বলে চালানো অসম্ভব।

চোন্দ আনা বাদ দেওয়ার পরও যেইকু রইল তার থেকে বাচ্চার জীবনের এইটুকু পরিচয় পাওয়া গেল যে, সে প্রায় শ'তিনেক ডাকাতের সর্দার, বাসস্থান কাবুলের উত্তরদিকে কুহিস্তানে, ধনীকে লুটে গরীবকে পয়সা বিলোয়, আমানউল্লা যখন ইয়োরোপে ছিলেন তার পরাক্রম তখন এমনি বেড়ে গিয়েছিল যে, কাবুল-কুহিস্তানের পণ্য বাহিনীর কাছ থেকে সে রীতিমত ট্যাক্স আদায় করত। আমানউল্লা ফিরে এসে কুহিস্তানের হাটে-বাজারে নোটিশ লাগান, “ডাকাত বাচ্চায়ে সকাওয়ের মাথা চাই, পুরস্কার পাঁচ শ' টাকা”; বাচ্চা স্বেগলো সরিয়ে পাণ্টা নোটিশ লাগায়, “কাফির আমানউল্লার মাথা চাই, পুরস্কার এক হাজার টাকা।”

আবদুর রহমান জিজ্ঞেস করল, ‘কর্নেলের ছেলে আমাকে শূধালো যে, আমি যদি আমানউল্লার মন্ডটা কাটি, আর আমার ভাই যদি বাচ্চায়ে সকাওয়ের মন্ডটা কাটে তবে আমরা দু'জনে মিলে কত টাকা পাব। আমি বললুম, ‘দেড় হাজার টাকা।’ সে হেসে লুটোপুটি; বলল, ‘এক পয়সাও নাকি পাব না। বুদ্ধিয়ে বলুন তো, হুজুর, কেন পাব না?’

আমি সাত্বনা দিয়ে বললুম, ‘কেউ জ্যাস্ত নেই বলে তোমাদের টাকাটা মারা যাবে বটে, কিন্তু কর্নেলের ছেলেকে বলে যে, তখন আফগানিস্তানের তখৎ তোমাদের পরিবারে যাবে।’

আরো শুনলুম, বাচ্চায়ে সকাও নাকি দিন দশেক আগে হঠাৎ জ্বলুস সিরাজের সরকারী বড় কতীর কাছে উপস্থিত হয়ে কোরান ছুয়ে কসম খেয়েছিল যে, আমানউল্লার হয়ে শিনওয়ারীদের সঙ্গে লড়বে এবং সেই কসমের জোরে শ'খানেক রাইফেল তাঁর কাছ থেকে বাগিয়ে নিয়ে ফের উধাও হয়ে গিয়েছিল।

তবে কি সেই বন্দুকগুলো নিয়েই বাচ্চার দল আমানউল্লাকে আক্রমণ করেছে? আশ্চর্য হবার কি আছে? আমানউল্লা যখন উপজাতিদের কাছ থেকে তোলা ট্যাক্সের পয়সায় ফৌজ পুষে তাদের কাঁবুতে রাখেন, তখন বাচ্চাই বা আমানউল্লার কাছ থেকে বন্দুক বাগিয়ে তাঁকে আক্রমণ করবে না কেন?

রাত তখন বারোটা। আবদুর রহমান বলল, ‘আজ আমি আপনার বসবার ঘরে শোব।’

আমি বললুম, ‘তুমি তো ঠান্ডা ঘর না হলে ঘুমোতে পারো না। আমার প্রাণ রক্ষার জন্য তোমাকে এত দুর্ভাবনা করতে হবে না।’

আবদুর রহমান বলল, 'কিন্তু আমি অন্য ঘরে শুলে আমার বিপদ-আপদের খবর আপনি পাবেন কি করে? আমার জ্ঞান বাবা আপনার হাতে সপে দিয়ে যাননি?'

কথাটা সত্যি। আবদুর রহমান আমার চাকরীতে ঢুকেছে খবর পেয়ে তার বড় বাপ গাঁ থেকে এসে আমাকে তার জ্ঞানের মালিক, স্বভাবচরিত্রের তদারকদার এবং চটে গেলে খুন করবার হুক দিয়ে গিয়েছিল। আমি বড়াকে খুশী করবার জন্য 'সিংহ ও মৃষিকের' গল্প বলেছিলাম।

কিন্তু আবদুর রহমানের ফন্দিটা দেখে অবাক হলাম। সাক্ষাৎ নিউটন। এদিকে বায়ে দুটো ফুটো করে দুটো বেরালের জন্য, অন্য দিকে মাধ্যাকর্ষণতত্ত্বও আবিষ্কার করতে পারে—একদিকে কনের ছেলের ধাঁধায় বোকা বনে যায়, অন্য দিকে তকে বাঙালীকেও কাবু করে আনে।

আবদুর রহমান শূয়ে শূয়ে 'কতলে-আম্' অর্থাৎ পাইকারী খুন-খারাবি লুটতরাজের যে বর্ণনা দিল তার থেকে বুদ্ধলাম বাচ্চায়ে সকাও যদি শহর দখল করতে পারে তবে তার কোনোটাই বাদ যাবে না। চের্সিস, নাদির রাজা-বাদশা হয়ে যখন এ সব করতে পেরেছেন তখন বাচ্চা ডাকাত হয়ে এ সব করবে না সে আশা দিদিমার রূপকথাতেও করা যায় না।

ইরান আফগানিস্থান চীন প্রভৃতি সভ্য দেশে সাজা দেওয়ার নানারকম বিদগ্ধ পদ্ধতি প্রচলিত আছে। কামানের মুখে বেঁধে উড়িয়ে দেওয়া, কোমর অবধি মাটিতে পুতে চতুর্দিক থেকে পাথর ছুড়ে ছুড়ে ক্ষতিবিক্ষত করে মারা, পেট কেটে চোখের সামনে নাড়িভুড়ি বের করে মারা, জ্যান্ত অবস্থায় চামড়া তুলে মারা ইত্যাদি বহুতর কাল্পনিক অনেক চাক্ষুষ বর্ণনা আমি শুনছি। তার মধ্যে একটা হচ্ছে দেয়ালের গায়ে দাঁড় করিয়ে লম্বা পেরেক দিয়ে দু'কান দেয়ালের সঙ্গে গেঁথে দেওয়া। আবদুর রহমানের কাছ থেকে শোনা, সে অবস্থায়ও নাকি মানুষের ঘুম যায় আর মাথা বার বার ঝুলে পড়ে। তার তুলনায় রাইফেল-মেশিনগানের শব্দ, আর চের্সিস নাদিরের কাহিনীস্মরণ ধূলি পরিমাণ। কাজেই সেই অবস্থায় ঘুমিয়ে পড়াটা বীর অথবা কাপুরুষ কোনো কিছুরই লক্ষণ নয়।

সকালবেলা দেউড়ি খুলে দেখি শহরে মেলার ভিড়। কাবুল শহরের আশপাশের গাঁ থেকে নানা রকম লোক এসে জড়ো হয়েছে, সবুগ-সুবুধে পেলে লুটে ধোগ দেবে বলে। অনেকের কাঁধেই বন্দুক, শীতের ভারী ভারী জামার ভিতর যে ছোরা পিস্তলও আছে সেটাও অনায়াসে

বোঝা গেল। আবদুর রহমানের বাধা সত্ত্বেও বেরিয়ে পড়লুম ব্যাপারটার তদারকতদস্ত করবার জন্য।

আর্ক কাবুল শহরের ভিতরকার বড় দুর্গ—হুমায়েনের জন্ম এই আর্কের ভিতরেই হয়েছিল। আর্ক থেকে বড় রাস্তা বেরিয়ে এসে কাবুল নদীর পারে ঠেকেছে তাকেই কাবুলের চৌরঙ্গী বলা যেতে পারে। সেখানে দেখি একটা বড় রকমের ভিড় জমেছে। কাছে গিয়ে বুঝলুম কোনো এক বড় রাজকর্মচারী—অফিসারও হতে পারেন—কাবুল শহরের লোকজনকে বাচ্চার বিরুদ্ধে লড়বার জন্য সলা-মন্ত্রণা দিচ্ছেন।

“ওজাম সিতোআইরা”—“ধরো হাতিয়ার, ফ্রান্সের লোক, বাধো দল, বাধো দল” ধরনের ওজস্বিনী ফরাসিনী বক্তৃতা নয়—ভদ্রলোকের মুখ শুকনো, ফ্যাকাশে ঠোঁট কাঁপছে আর বিড় বিড় করে যা বলছেন দশ হাত দূর থেকে তা শোনা যাচ্ছে না।

টিমের ক্যাপ্তান যে রকম প্র্যাট্টিসের পূর্বে আঁটা আঁটা হার্কিস্টিক বিলোয় তেমনি গাদা গাদা দামী দামী ঝকঝকে রাইফেল বিলোনো হচ্ছে। বলা নেই কওয়া নেই, যার যা ইচ্ছে এক একখানা রাইফেল কাঁধে ঝুলিয়ে এদিক ওদিক চলে যাচ্ছে। শুধু লক্ষ্য করলুম উত্তর দিকে কেউই গেল না—অথচ লড়াই হচ্ছে সেই দিকেই!

রাইফেল বিলোনো শেষ হতেই ভদ্রলোক তড়িৎ গতিতে চলে গেলেন। বিপজ্জনক অবশ্যকর্তব্যকর্ম অর্ধসম্পাদন করে মানুষ যে রকম তড়িঘড়ি অকুস্থান থেকে সরে পড়ে। তখন চোখে পড়ল তার পরনে পাজামা-কুর্তা-জুঙ্গা-পাগড়ি—দেরেশি নয়। তারপর চারদিকে তাকিয়ে দেখি কারো পরনেই দেরেশি নয়, আর সঙ্কলের মাথায়ই পাগড়ি। আমার পরনে স্ট্রট, মাথায় হ্যাট—অস্বস্তি বোধ হতে লাগল।

এমন সময় দেখি ভিড় ঠেলে হন্ হন্ করে এগিয়ে আসছেন মীর আসলাম। কোনো কথা না কয়ে আমার কাঁধে হাত দিয়ে আমাক বাড়ির দিকে টেনে নিয়ে চললেন—আমার কোনো প্রশ্নের উত্তরে মুখ না খুলে, কোনো কথায় কান না দিয়ে। বাড়ি পেঁছতেই আমাদের দুজনকে দেখে আবদুর রহমান কি একটা বলে তিন লম্ফে বাড়ি থেকে রাস্তায় বেরোল।

মীর আসলাম আমাকে বলতে আরম্ভ করলেন। এ কি তামাশা দেখার সময়, না ইয়ার্কি করে ঘুরে বেড়াবার মোকা। তাও আবার দেরেশি পরে।

আমি শুধু বললুম, ‘কি করে জানব বলুন যে, দেরেশি পরার আইন মকুব হলে গিয়েছে।’

মীর আসলাম বললেন, ‘মকুব বাতিলের প্রশ্ন এখন কে শুধায় বাপ! বে কোনো মদহুতে বাচ্চায়ে সকাও শহরে ঢুকতে পারে। কাবুলীরা

তাই দেৱেশি ফেলে ফের 'মুসলমান' হয়েছে। দেখলে না ইস্তক সর্দার—
খান জোব্বা পরে রাইফেল বিলোলেন ?'

আমি আশ্চর্য হয়ে বললুম, 'সে কি কথা, রাজপরিবার পর্যন্ত ভয়
পেয়ে দেৱেশি ছেড়েছেন ?'

মীর আসলাম বললেন, 'উপায় কি বলো ? বাদশাহী ফৌজ থেকে
সৈন্যেরা সব পালিয়েছে। এখন আমানউল্লাহ একমাত্র ভরসা যদি কাবুল
শহরের লোক রাইফেল বন্দুক নিয়ে বাচ্চাকে ঠেকাতে পারে। তাদের
খুশী করার জন্য দেৱেশি বর্জন করা হয়েছে।'

আমি জিজ্ঞাসা করলুম, কিন্তু আপনিই তো বলেছিলেন রাজধানীর
সৈন্যেরা কখনো বিদ্রোহ করে না।'

'বিদ্রোহ তারা করেনি। তারা সব পালিয়েছে। যাদের বাড়ি বহু
দূরে, বরফ ভেঙে এখন যে সব জায়গায় পৌঁছনো যায় না, তারা এখনো
শহরে গা-ঢাকা দিয়ে আছে। যারা নিতান্ত গা-ঢাকাও দিতে পারেনি,
তরাই লড়তে গেছে, অন্ততঃ আমানউল্লাহ বিশ্বাস তাই। আসলে তারা
দেহ-আফগানানের পাহাড়ের গায়ে বসে চন্দ্রসূর্য ত্যাগ করে গুলী
ছুঁড়েছে। বাচ্চাকে এখনো ঠেকিয়ে রেখেছে আমানউল্লাহ দেহরক্ষী খাস
সৈন্যদল।'

আমি ব্যস্ত হয়ে বললুম, 'কিন্তু মৌলানার বাসা তো দেহ-আফগানানের
পাহাড়ের গায়ে। চলুন, তাঁর খবর নিয়ে আসি।'

মীর আসলাম বললেন, 'শান্ত হও। আমি সকালে সে দিকেই
গিয়েছিলুম, কিন্তু মৌলানার বাড়ি পর্যন্ত পৌঁছতে পারিনি। সেখানে
লড়াই হচ্ছে। আমি মৌলানা মানুষ—কাবুল শহর আমাকে চেনে। আমি
যখন সেখানে পৌঁছতে পারিনি, তুমি যাবে কি করে ?'

এ সংবাদ শুনে আমার মন থেকে অন্য সব প্রশ্ন মূছে গেল। চুপ
করে বসে বসে ভাবতে লাগলুম, কিন্তু করার উপায় আছে কিনা। মীর
আসলাম আমাকে বাড়ি থেকে বেরতে পই পই করে বারণ করে চলে
গেলেন। ইতিমধ্যে আবদুর রহমান একখানা নতুন রাইফেল নিয়ে
উপস্থিত। চোখেমুখে খুশী উপছে পড়ছে। বলল, 'হুজুর, চট করে
একখানা কাগজে লিখে দিন আপনার রাইফেল নেই। আমি আর একটা
নিয়ে আসি।' আমি তখন মৌলানার কথা ভাবছি—আমার কাছ থেকে
কোনো সাড়া না পেয়ে আবদুর রহমান চলে গেল।

লুটপাট আরম্ভ হয়নি সত্য, কিন্তু হতে কতক্ষণ ? সকালবেলা যখন
বেরিয়েছিলুম তখন কোথাও কোনো পুঁলিশ দেখতে পাইনি। রাজার
দেহরক্ষীরা পর্যন্ত বাচ্চাকে ঠেকাতে গিয়েছে, এখন শহর রক্ষা করবে

কে? আর এ-পরিস্থিতি আফগান ইতিহাসে কিছ, অভিনব বস্তু নয়। বাবুর বাদশাহ তাঁর আত্মজীবনীতে লিখেছেন, কাবুল শহরে কোনো প্রকার অশান্তির উদ্ভব হলেই আশেপাশের চোর-ডাকাত শহরের আনাচে-কানাচে শিকারের সন্ধানে ঘোরাঘুরি করত। মীর আসলাম আবার আরেকটা সুখবর দিলেন যে, বাবুরের আমলে কাবুল আজকের চেয়ে অনেক বেশী সভ্য ছিল। অসম্ভব নয়, কারণ বাবুর লিখেছেন, অশান্তির পূর্বাভাস দেখতে পেলেই তিনি রাস্তায় রাস্তায় সেপাই মোতায়ন করতেন; আমানউল্লা যে পারেননি সে তো স্পষ্ট দেখতে পাচ্ছি।

অবশ্য একটা সান্ত্বনার কথা হচ্ছে এই যে, কাবুলের বসতবাড়ি লুট করা সহজ ব্যাপার নয়। প্রত্যেক বাড়ি দুর্গের মত করে বানানো—চারিদিকে উঁচু পাঁচিল, সেও আবার খানিকটা উঠে ভিতরের দিকে বেঁকে গিয়েছে—তাতে সুবিধে এই যে, মই লাগিয়ে ভিতরে লাফিয়ে পড়ার উপায় নেই। দেয়ালের গায়ে আবার এক সারি ছেঁদা; বাড়ির ছাতে দাঁড়িয়ে দেয়ালের আড়াল থেকে সে ছেঁদা দিয়ে রাইফেল গুলিয়ে নির্বিঘ্নে বাইরে গুলী চালানো যায়। বাড়িতে ঢোকানোর জন্য মাত্র একখানা বড় দরজা—সেই দরজা আবার শক্ত ঝুনো কাঠে তৈরী, তার গায়ে আবার ফালি ফালি লোহার পাত পেরেক দিয়ে সেঁটে দেওয়া হয়েছে।

মোক্‌ম বন্দোবস্ত। দুখানা রাইফেল দিয়ে পঞ্চাশজন ডাকাতকে অনায়াসে ঠেকিয়ে রাখা যায়। কারণ যারা রাস্তা থেকে হামলা করবে তাদের কোনো আচ্ছাদন আবরণ নেই যার তলা থেকে রাইফেলের গুলী বাঁচিয়ে দেয়াল ভাঙবার বা দরজা পোড়বার চেষ্টা করতে পারে।

কিন্তু প্রশ্ন, এই ডিসেম্বরের শীতে সমস্ত রাত ছাদের উপর টহল দিয়ে নজর রাখবে কে? বড় পরিবার হলে কথা নেই; পালা দিয়ে পাহারা দেওয়া যায়, কিন্তু এ স্থলে সেই প্রাচীন সমস্যা 'কাকা আর আমি একা, চোর আর লাঠি দু'জন।' বরণ তার চেয়েও খারাপ। চোর না হয়ে এরা হবে ডাকাত, হাতে লাঠি নয় বন্দুক—আর সংখ্যায় এদের নারায়ণী সেনা হতেও আপত্তি নেই।

এ অবস্থায় মোঁলানা আর তাঁর তরুণী ভার্যাকে ডেকে আনি কোন বুদ্ধিতে? কিন্তু ওদিকে তাঁরা হয়তো রয়েছেন 'আন্ডার দি ফায়ার' দুই ফোঁজের মাঝখানে। স্থির করলুম, বেশী ভেবে কোনো লাভ নেই। মোঁলানার পাড়ায় ঢুকবার সুযোগ পেলেই তাঁকে সব কথা বুদ্ধি বলে নির্বাচনের ভারটা তাঁরই হাতে ছেড়ে দেব।

আবদুর রহমান খবর দিল, বাচ্চার ডাকুরা আরোড্রোম দখল করে ফেলেছে বলে আমানউল্লা হাওয়াই জাহাজ উঠতে পারছে না।

আমি শুধালুম, 'কিন্তু আমানউল্লা বিদেশ থেকে যে সব ট্যাঙ্ক সাজিয়ে গাড়ি এনেছিলেন সে সব কি হল ?'

নিরন্তর।

'কাবুল বাসিন্দাদের যে রাইফেল দেওয়া হল তারা লড়তে যারনি ?'

আবদুর রহমান যা বললো তার হুবহু তর্জমা বাংলা প্রবাদে আছে। শুধু এ স্থলে উল্লেখের দুখানা পা আছে বলে দু'রাজার মাঝখানে সে যেতে রাজী হচ্ছে না। আমি বললুম, 'তাজবের কথা বলছ আবদুর রহমান, বাচ্চায়ে সকাও ডাকাত, সে আবার রাজা হল কি করে ?' আবদুর রহমান যা বললো তার অর্থ, বাচ্চা শঙ্করবার দিন মোল্লাদের হাত থেকে তাজ পেয়েছে, খুতবায় (আনুষ্ঠানিক পদ্ধতিতে) তার নাম বাদশা হিসেবে পড়া হয়েছে, আমানউল্লা কাফির সে ফতোয়া প্রচারিত হয়েছে ও বাচ্চায়ে সকাও বাদশাহ হবীবউল্লা খান নাম ধারণ করে কাবুল শহর থেকে 'কাফির' আমানউল্লাকে বিতাড়িত করার জন্য জিহাদ ঘোষণা করেছেন।

অদৃষ্টের পরিহাস ! আমানউল্লার পিতার নাম হবীবউল্লা। আত-তায়ীর হস্তে নিহত হবীবউল্লার অতৃপ্ত প্রেতাত্মা কি সদীয় নামেই প্রতি-হিংসার রক্ত অনুসন্ধান করছে !

সন্ধ্যার দিকে আবদুর রহমান তার শেষ বুলেটিন দিয়ে গেল ; আমান-উল্লার হাওয়াই জাহাজ কোনো গতিক উঠতে পারায় বোমা ফেলেছে। বাচ্চার দল পালিয়ে গিয়ে মাইল খানেক দূরে থানা গেড়েছে।

পঁয়ত্রিশ

জনমানবহীন রাস্তা। অথচ শান্তির সময় এ-রাস্তা গমগম করে। আমার গা ছমছম করতে লাগল।

দুর্দিকের দোকান-পাট বন্ধ। বসতবাড়ির দেউড়ী বন্ধ। বাসিন্দারা সব পালিয়েছে না ঘাপটি মেরে দেয়ালের সঙ্গে মিশে গিয়েছে, বোঝবার উপায় নেই। যে-কুকুর-বেড়াল বাদ দিয়ে কাবুলের রাস্তার কল্পনা করা যায় না, তারা সব গেল কোথায় ? যেখানে গলি এসে বড় রাস্তায় মিশেছে, সেখানে ডাইনে-বাঁয়ে উর্কি মেরে দেখি একই নিজ'নতা। এসব গলি শীতের দিনেও কাচাবাচ্চার চিংকারে গরম থাকে, মানুষের কানের তো কথাই নেই, বরফের গাদা পর্যন্ত ফুটো হয়ে যায়। এখন সব নিরুদ্ভূম, নীরব। গলিগুলোর চেহারা এমনিতেই নোংরা থাকে, এখন জনমানবের

আবরণ উঠে যাওয়াতে যেন সম্পূর্ণ উলঙ্গ হয়ে সর্বাস্থে ঘা-পাঁচড়া দেখাতে আরম্ভ করেছে।

শহরের উত্তরপ্রান্ত। পর্বতের সান্দ্রদেশ। মৌলানার বাড়ি এখনো বেশ দূরে। বাচ্চার একদল ডাকাত এদিকে আক্রমণ করেছিল। তারা সব পালিয়েছে, না আড়ালে বসে শিকারের অপেক্ষা করছে, কে জানে?

হঠাৎ দৌঁধি দূরে এক রাইফেলধারী। আমার দিকে এগিয়ে আসছে। ডাইনে বাঁয়ে গলি নেই যে চুকে পড়ব। দাঁড়িয়ে অথবা পিছনে ফিরে লাভ নেই—আমি তখন মামুলী পাখী-মারা বন্দুকের পাল্লার ভিতরে। এগিয়ে চললুম। মনে হল রাইফেলধারীও আমাকে দেখতে পেয়েছে, কিন্তু আমাকে হাতিয়ারহীন দেখে কাঁধে ঝোলানো রাইফেল হাতে তোলার প্রয়োজন বোধ করেনি। দু'জনে মুখোমুখি হলুম, সে একবার আমার মুখের দিকে তাকালোও না। চেহারা দেখে বুঝলুম, সে গভীর চিন্তায় মগ্ন। তবে কি আমারই মত কারো সন্ধানে গিয়েছিল, নিরাশ হয়ে ফিরছে? কে জানে, কি?

মৌলানার বাড়ি গলির ভিতরে। সেখানে পেঁছনো পর্যন্ত দ্বিতীয় প্রাণীর সঙ্গে সাক্ষাৎ হল না। কিন্তু এবারে নতুন বিপদ; দরজার কড়া নেড়ে নেড়ে হাতে কড়া পড়ে গেল—কোনো সাড়াশব্দ নেই। তবে কি মৌলানারা কেউ নেই? অথবা সে শীতে দরজা-জানলা সব কিছুর বন্ধ বলে কড়া নাড়া, আমার চিৎকার, কিছুই তাঁদের কানে পেঁছচ্ছে না। কতক্ষণ ধরে চেঁচামেচি করেছিলুম বলতে পারব না, হঠাৎ আমার মনে আরেক চিন্তার উদয় হল। মৌলানা যদি গুম হয়ে গিয়ে থাকেন, আর তার বউ বাড়িতে খিল দিয়ে বসে আছেন, সদামীর গলা না শুনলে দরজা খুলবেন না; অথবা একা থেকে থেকে ভয়ে মূর্ছা গেছেন? আমার গলা থেকে বিকৃত চিৎকার বেরতে লাগল। নিজের নাম ধরে পরিচয় দিয়ে চেঁচাচ্ছি, মনে হচ্ছে, এ আমার গলা নয়, আমার নাম নয়।

হঠাৎ শব্দ মেরাও; জিরাউদ্দীনের বেড়াল। আর সঙ্গে সঙ্গে দরজা খুলে গেল। মৌলানা। চোখ ফোলা, গলা এমনিতে ভাঙ্গা—আরো বসে গিয়েছে। দু'দিনে দশ বছর বৃদ্ধিয়ে গিয়েছেন।

বললেন, পরশুদিন প্রথম গোলমাল শুরুর হতেই চাকরকে টাঙ্গা আনতে পাঠিয়েছিলেন, সে এখনো ফেরেনি। পাড়ার আর সবাই পালিয়েছে। ইতিমধ্যে বাচ্চার সেপাই দু'বার এ-রাস্তা দিয়ে নেমে এসে দু'বার হটে গিয়েছে। সদামী-ত্বী আল্লার হাতে জান সপে দিয়ে ডাকাতের হানার অপেক্ষা করছিলেন।

সে ভো হল। কিন্তু এখন চল। এই নিজের ভদুড়ে পাড়ায় আর এক

মুহূর্ত' থাকি নয়। তখন মৌলানা যা বললেন, তা শুনে বুদ্ধলুম, এ সহজ বিপদ নয়। তার স্ত্রী আসন্নপ্রসবা। আমার বাড়ি পর্যন্ত হেঁটে যাবার মত অবস্থা হলে তিনি বহু পূর্বেই চলে আসতেন।

বললুম, 'তাহলে আর বসব না। টাঙ্গার সন্ধ্যানে চললুম।'

শহরে ফিরে এসে পাকা দু'ঘন্টা এ আশ্রয়ল, সে-বাগগীথানা অনুসন্ধান করলুম। একটা ঘোড়া দেখতে পেলুম না; শুনলুম, ডাকাত এবং রেকুইজিশনের ভয়ে সবাই গাড়ি ফেলে ঘোড়া নিয়ে পালিয়েছে।

এখন উপায়? একমাত্র উপায় আবদুর রহমানের গায়ের জোর। সে মৌলানার বউকে কোলে-কাঁধে করে বাড়ি নিয়ে আসতে পারবে নিশ্চয়ই কিন্তু—। নাঃ, এতে কোনো কিন্তু নেই। রাজী করাতেই হবে।

কিন্তু বাড়ি ফিরে যে নয়নাভিরাম দৃশ্য দেখলুম, তেমনটা জীবনে আর কখনো দেখিনি। আমার আঙ্গিনা যেন শান্তিনিকেতনের লাইব্রেরি সামনের গৌরপ্রাঙ্গণ; বেনওয়া সায়েব আর মৌলানা নির্ভীকার মত দাঁড়িয়ে দাঁড়িয়ে গল্প করছেন। আবদুর রহমানও সসম্ভ্রম গলা-খাঁকারি দিয়ে বোঝালো, 'পূরা বাঁধকে,—জনানা হ্যায়।'

জিয়াউদ্দীন বললেন যে, আমি চলে আসার ঘন্টাখানেক পরেই নাকি তাঁর চাকর টাঙ্গা নিয়ে উপস্থিত হয়। আনন্দের আতিশয্যে প্রশ্ন পর্যন্ত জিজ্ঞেস করলুম না, এ-দুর্দিনে সে টাঙ্গা পেল কোথায়।

তারপর তাকিয়ে দেখি, বেনওয়া সায়েবের গালে দু'দিনের দাড়ি, কোট-পাতলুন দুমড়ানো, চেহারা অধৌত। ভদ্রলোক ফরাসী, হামেশাই ফিটফাট থাকেন—শান্তিনিকেতনের সবাই জানে যে, বিদেশীদের মধ্যে একমাত্র তিনিই বাঙালী ফিট বাবুর মত ধূতি কুঁচিয়ে পরতে জানতেন, শুধু তাই নয়, বাঁ-হাত দিয়ে কোঁচাটি টেনে নিয়ে খানিকটা উঁচুতে তুলে দরকার হলে হনহন করে হাঁটতেও পারতেন।

বললেন, পরশুদিন টাঙ্গা ফরাসী লিগেশনে পের্ণাছতে পারিনি—লিগেশন শহরের উত্তরদিকে বলে পাগলা-জনতা উজিয়ে গাড়ি খানিকটে চলার পর গাড়ি-গাড়োয়ান দু'জন দিশেহারা হয়ে যায়; শেষটার গাড়োয়ান সায়েবের কথায় কান না দিয়ে সোজা গ্রামের রাস্তা ধরে পূর্বদিকে তিন মাইল দূরে নিজের গায়ে উপস্থিত হয়। সায়েব দু'রাতির একদিন গরীব চাষার গোয়াল-ঘরে না আর কোথাও লুকিয়ে কাটিয়েছেন। দু'চার ঘন্টা অন্তর অন্তর নাকি গাড়োয়ান আর তার ভাই-বেরাদর গলার উপর হাত চালিয়ে সায়েবকে বুদ্ধিয়েছে যে, কাবুল শহরের সব ফিরিজীকে জবাই করা হচ্ছে। বেনওয়া সায়েব ভালো সাহিত্যিক, কাজেই বর্ণনাটা দিলেন বেশ রসিয়ে রসিয়ে, আপন দু'শিচল্লা-উদেগটা ঢেকে চেপে, কিন্তু চেহারা দেখে বুঝতে পারলুম যে, ১৯১৪—১৮

সালের লড়াইয়ের অভিজ্ঞতার তুলনায় এ-অভিজ্ঞতার মূল্য তিনি কিছু কম দেননি।

মৌলানা বললেন, 'সারোব, বড় বে'চে গেছেন; গাঁয়ের লোক যে আপনার গলা কেটে 'গাজী' হবার লোভ সম্বরণ করতে পেরেছে, সেই আমাদের পরম সৌভাগ্য।'

বেনওয়া বললেন, 'চেষ্টা হয়নি কিনা বলতে পারব না। যখন দেখেছি দূ'তিন-জন মিলে ফিসফাস করছে, তখনই সন্দেহ করেছি, আমাকে নিয়ে বদ্বি কথাবার্তা হচ্ছে। কিন্তু আমার বিশ্বাস বাড়িওয়ালা আমাকে অতিথি হিসেবে ধরে নিয়ে আমার প্রাণ বাঁচানো নিজের কর্তব্য বিবেচনা করে আর পাঁচজনকে ঠেকিয়ে রেখেছিল।'

আমি বললুম, 'আমি কাবুলের গাঁয়ে এক বছর কাটিয়েছি, আমার বিশ্বাস, কাবুল উপত্যকার সাধারণ চাষা অভ্যস্ত নিরীহ। পারতপক্ষে খুন-খারাবি করতে চায় না।'

বেনওয়া সাহেব বেশভূষা পরিবর্তন করে আপন লিগেশনে চলে গেলেন।

আমি মৌলানাকে বললুম, 'দেখলে? ফরাসী, জার্মান, রুশ, তুর্ক, ইরানী, ইতালী সবাই আপন আপন লিগেশনে গিয়ে আশ্রয় নিচ্ছে। শব্দ, তোমার আমার কোথাও যাবার জায়গা নেই।'

মৌলানা বললেন, 'বৃটিশ লিগেশন বৃটিশের জন্য—বাঙলা কথা। যদিও লিগেশন তৈরী ভারতীয় অর্থে, চলে ভারতের পয়সায়, ইস্তক হিজ ব্রিটানিক ম্যাজেস্টিস মিনিস্টার লেফটেন্যান্ট কর্নেল স্যার ফ্রান্সিস হার্মফ্রিস নূন খান ভারত সরকারের।'

আমি বললুম, 'বিস্তর নূন; মাসে তিন চার হাজার টাকা।'

দূ'জনেই একবাক্যে স্বীকার করলুম যে, পরাধীন দেশের অবমাননা লাঞ্ছনা বিদেশ না গেলে সম্যক হৃদয়ঙ্গম হয় না।

জার্মান কবি গ্যাটে বলেছেন, যে বিদেশে যাননি, সে স্বদেশের স্বরূপ চিনতে পারেনি।

ছত্রিশ

চারদিন অরাজকতার ভিতর দিয়ে কাটল। কনফুসিয়স বলেছেন, 'বাঘ হতে ভয়ংকর অরাজক দেশ', আমি মনে মনে বললুম, 'তারও বাড়া হবে ডাকু পরে রাজবেশ।'

আমানউল্লা বসে আছেন আকের ভিতরে। তাঁর চেলা-চামুন্ডারা

শহরের লোককে সাধ-সাধনা করছে বাচ্চার সঙ্গে লড়াই করবার জন্য। কেউ কান দিচ্ছে না। শহর চোরডাকাতে ভর্তি। যেসব বাড়ি পাকাপোক্ত মাল দিয়ে তৈরী নয়, সেগুলো লুট হচ্ছে। একটুখানি নির্জন রাস্তায় যাবার ঘো নেই—ওভারকোটের লোভে শীত-কাতুরে ফিচকে ডাকাত সব কিছুর করতে প্রস্তুত। টাকার চেয়েও ডাকাতে লোভ ঐ জিনিসের উপর— কারণ টাকা দিয়েও কোনো কিছুর কেনার উপায় নেই। হাট বসছে না বলে দুধ, মাংস, আলু, পেঁয়াজ কিছুরই কেনা যাচ্ছে না। গম-ডালের মদীও গ্যাট হয়ে বসে আছে, দাম চড়বার আশায়—কাবুল শহর বাকী দুনিয়া থেকে সম্পূর্ণ বিচ্ছিন্ন।

শেতাঙ্গরা রাস্তায় বেরচ্ছে না; একমাত্র রুশ পাইলটরা নির্ভয়ে শহরের মাঝখান দিয়ে ভিড় ঠেলে বিমানঘাঁটিতে যাওয়া-আসা করছে। হাতে রাইফেল পর্যন্ত নেই, কোমরে মাত্র একটি পিস্তল।

কিন্তু সবচেয়ে আশ্চর্য হলুম খাস কাবুল বাসিন্দাদের ব্যবহার দেখে। রাইফেল বার্লিয়েছে কাঁধে, বুলেটের বেগ্ট বেঁধেছে কোমরে, কেউ পরেছে আড়াআড়ি করে পৈতের মত বুকুর উপরে, কেউ-বা বাবুবক্ক বানিয়ে বাহুতে, কেউ কাঁকন করে কব্জীতে, দু'একজন মল করে পায়ের।

যে অস্ত্র বিদ্রোহী, নরঘাতক, দস্যুর বিরুদ্ধে ব্যবহার করার জন্য দাঁন আফগানিস্থান নিরস্ত্র থেকে ফরাস করেছিল, সে আজ অলঙ্কাররূপে ব্যবহৃত হল।

কিন্তু আশ্চর্য, নগরী রক্ষা করাতে এদের কোনো উৎসাহ নেই? দস্যু জয়লাভ করলে লুণ্ঠিত হবার ভয় নেই, প্রিয়জনদের অপমৃত্যুর আশঙ্কা সম্বন্ধে এরা সম্পূর্ণ উদাসীন, সর্বব্যাপী অনিশ্চয়তা এদের বিন্দুমাত্র বিচলিত করতে পারেনি?

মীর আসলাম কানে কানে বললেন, তিনি খবর পেয়েছেন, কাবুলের বড় বড় মহল্লার সর্দার আর বাচ্চার ভিতরে গোপনে বোম্বাপড়া হচ্ছে গিয়েছে যে, কাবুলীরা যদি আমানউল্লাহ হয়ে না লড়ে, তবে বাচ্চা শহর লুট করবে না।

কথাগুলো যীশুখীশেটের করাঙ্গুলি হয়ে আমার অঙ্কুর ঘুঁচিয়ে দিল। মীর আসলামের খবর সত্য বলে ধরে নিলে কাবুলবাসীর নির্বিকল্প সমাধির চূড়ান্ত সমাধান হয়ে যায়। কিন্তু হায়, অস্ত্রবলে হীন অর্থসামর্থ্যে দীন যে রাজা শূদ্ধ সাহসের বলে বিশ্বরাজ ইংরেজকে পরাজিত করে দেশের স্বাধীনতা অর্জন করলেন, অনর্বার অনর্ন্ত দেশকে যে রাজা শূদ্ধ সাহসের বলে বিশ্বরাজ ইংরেজকে পরাজিত করে দেশের স্বাধীনতা অর্জন করলেন, অনর্বার অনর্ন্ত দেশকে যে রাজা প্রগতিপথে চালিত

করবার জন্য আপন সুখশান্তি বিসর্জন দিলেন, বিশ্বের সম্মুখে যে নরপতি আপন দেশের মুখোজ্জ্বল করলেন, তাঁকে বর্জন করে কাবুলের লোক বরণ করল ঘৃণ্য নীচ দস্যুকে? একেই কি বলে কৃতজ্ঞতা, নিমকহালালি? তবে কি আমানউল্লা 'কাফির'?

মীর আসলাম গর্জন করে বললেন, 'আলবৎ না; যে-রাজা প্রজার ধর্মকর্মে হস্তক্ষেপ করেন না, নমাজ, রোজা যিনি বরণ করেননি, হজে যেতে জকাত দিতে যিনি বাধা দেননি, তাঁর বিরুদ্ধে বিদ্রোহ করা মহাপাপ, তাঁর শত্রুর সঙ্গে যোগ দেওয়া তেমনি পাপ। পক্ষান্তরে বাচ্চায়ে সকাও খুদনী ডাকাত—ওয়াজিব-উল-কৎল, কতলের উপযুক্ত। সে কস্মিনকালেও আমীর-উল-মুমিনীন (বাদশা) হতে পারে না।'

মীর আসলাম বহু শাস্ত্র অগাধ পন্ডিত। আমার বিবেকবুদ্ধিও তাঁর কথায় সায় দিল। তবু বললুম, 'কিন্তু আপনি আবার কবে থেকে আমান-উল্লার খায়ের খাঁ হলেন?'

মীর আসলাম আরো জোর হুঙ্কার দিয়ে বললেন, 'আমি যা বলেছি, তা সম্পূর্ণ নেতিবাচক। আমি বলি, আমানউল্লা কাফির নয়। তার বিরুদ্ধে বিদ্রোহ না-জায়িজ—অশাস্ত্রীয়।'

নাস্তিক রাশান রাজদুতাবাসে গিয়ে শুনী সেখানেও ঐ মত। দেয়দফকে বললুম, 'রেভলিউশন আরম্ভ হয়েছে।' তিনি বললেন, 'না, রেবেলিয়ন।' আমি শূধালুম, 'তফাতটা কি?' বললেন, 'রেভলিউশন প্রগতিকামী, রেবেলিয়ন প্রগতিপরিপন্থী।'

ভাবলুম মীর আসলামকে এ-খবরটা দিলে তিনি খুশী হবেন। বড়ো উল্টে গম্ভীর হয়ে বললেন, 'সমরকন্দ-বুখারার মুসলিমদের উচিত রুশের বিরুদ্ধে বিদ্রোহ করা। রুশ সরকার তাদের মক্কার হজ করতে যেতে দেয় না।'

খামখেয়ালী ছোটলাটের আশু আগমন সংবাদ শুনে যে রকম গায়ের পন্ডিত হতবুদ্ধি হয়ে যান, মৌলানা আর আমি সেই রকম একে অন্যের মুখের দিকে ফ্যাল ফ্যাল করে তাকাই। মৌলানার বউ যে-বড়লাটকে নিমন্ত্রণ করে বসে আছেন, তিনি কোন্ দিন কোন্ গাড়িতে কি কায়দায় আসবেন, তাঁকে কে অভ্যর্থনা করবেন, তিনি এলে তাঁকে কোথায় রাখতে হবে, কি খাওয়াতে পরাতে হবে, সে সম্বন্ধে কোনো প্রকারের অভিজ্ঞতা সঞ্চার করবার সুযোগ আমাদের কারো হয়নি—মৌলানার বউও কিছুই জানেন না; তাঁর এই প্রথম বাচ্চা হচ্ছে।

শুনেছি আফগান মেয়েরা ক্ষেতের কাজ খানিকক্ষণের জন্য ক্ষান্ত দিয়ে গাছের আড়ালে গিয়ে সন্তান প্রসব করে—আসন্নপ্রসবার জন্য আফগান

পণ্যবাহিনীও নাকি প্রতীক্ষা করে না। সে নাকি বাচ্চা কোলে করে একটু পা চালিয়ে পণ্যবাহিনীতে আবার যোগ দেয়। মৌলানার বউ মধ্যবিত্ত ঘরের মেয়ে; তাঁর কাছ থেকে এরকম কসরৎ আশা করা অন্যায্য। লক্ষণ দেখেও আমরা ঘাবড়ে গেলুম। কিছু খেতে পারেন না, রাস্তিরে ঘুম হয় না, সমস্ত দিন ঢুলুঢুলু চোখ, মৌলানাকে এক মিনিটের তরে সেই ঢুলুঢুলু চোখের আড়াল হতে দেন না।

অন্যের প্রাণহরণ করা ব্যবসা হলেও নিজের প্রাণ দেবার বেলা সব মানুষের একই আচরণ। ডাক্তার কিছুতেই বাড়ি ছেড়ে রাস্তায় বেরতে রাজী হয় না। সেদিন তাকে যা সাধ্যসাধনা করেছিলুম, তার অর্ধেক তোষামোদে কালো ভঙ্গ মেয়ের জন্য বিনাপণে নিকষ্য নটবর বর মেলে। বাড়ি ফেরবার সময় সেদিন মনে মনে প্রতিজ্ঞা করেছিলুম যে, মৌলানার যদি ছেলে হয়, তবে তাকে ডাক্তারি পড়াব—শ্মশান-বৈরাগ্যের মত এ হল শ্মশান-প্রতিজ্ঞা।

সিভিল সার্জন যে রকম গরীব রোগীর অর্থ-সামর্থ্যের প্রতি দুঃক্ষেপ না করে আড়াই গজী প্রেসক্রিপশন ঝেড়ে যান, কাবুলী ডাক্তার তেমনি পথ্যের ফিরিস্তি আউড়ে গেলেন। শব্দে ভর পেয়ে মৌলানা আর আমি খাটের তলায় আশ্রয় নিলুম। চারদিন ধরে খাচ্ছি রুটি, দাল আর বিন-দুধ চা—এ দুর্দিনে স্বয়ং আঘানউল্লা ওসব ফেন্সি পথ্য যোগাড় করতে পারবেন না। দুধ! আঙ্গুর!! ডিম!!! বলে কি? পাগল, না-মাথা-খারাপ?

আবদুর রহমান সর্বিনয় নিবেদন করল, সন্ধ্যার সময় তাকে একটা রাইফেল আর দু'ঘন্টার ছুটি দিলে সে চেষ্টা করে দেখতে রাজী আছে। ডাকাতিতে আমার মরাল অবজেকশন নেই—যিস্মান দেশে যদাচার, তদুপরি প্রবাসে নিয়মনাস্তি—কিন্তু সব সময় সব ডাকাত তো আর বাড়ি ফেরে না। যদি আবদুর রহমান বাড়ি না ফেরে? তবে বাড়ি অচল হয়ে যাবে।

এখনও মাঝে মাঝে স্বপ্ন দেখি বাচ্চারে সকাও যেন ডাক্তারের বেশ পরে স্ট্রিথস্কেপ গলার ঝুলিয়ে নাস্তা তলোয়ার হাতে করে আমাকে বলছে, 'হয় দাও আঙ্গুর, না হয় নেব মাথা।'

সাঁইত্রিশ

চারদিনের দিন আবদুর রহমান তার দৈনিক বুলেটিনের এক বিশেষ সংস্করণ প্রকাশ করে খবর জানালো, বাচ্চা মাইল দশেক হটে গিয়েছে। দিন দশেকের ভিতর শহরের ইস্কুল-কলেজ, আফিস-আদালত খুলল।

আমানউল্লা দম ফেলবার ফুরসত পেলেন।

কিন্তু বাচ্চাকে তাড়াতে পেরেও তিনি ভিতরে ভিতরে হার মেনেছেন। দেৱেশির আইন নাকচ করে দেওয়া হয়েছে, মেয়ে-স্কুল বন্ধ করা হয়েছে আর রাস্তা-ঘাট থেকে ফ্লক-ব্লাউজ সম্পূর্ণ অদৃশ্য হয়ে গিয়েছে। যে সব মেয়েরা এখন রাস্তায় বেরন তারা পেরন সেই তাম্বু ধরণের বোরকা। হ্যাট পরার সাহস আর পুরুষ-স্ট্রীলোক কারো নেই—হয় পাগড়ি, নয় পশমের টুপি। যেসব স্কুল-কলেজের ছাত্রেরা এই ডামাডোলের বাজারে পালিয়েছিল তাদের ধরে আনবার কোনো চেষ্টা করা হল না—করার উপায়ও ছিল না কারণ পুলিশের দল তখনো 'ফেরার', আসামী ধরবে কে ?

মৌলানা বললেন, 'সবসুদ্ধ মিলিয়ে দেখলে বলতে হবে ভালোই হয়েছে। আমানউল্লা যদি এ যাত্রা বেঁচে যান তবে বন্ধুতে পারবেন যে দেৱেশি চাপানো, পর্দা তুলে দেওয়া আর বৃহস্পতিবারে ছুটির দিন করা এই অননুভূত দেশের সবচেয়ে প্রয়োজনীয় সংস্কার নয়। বাকী রইল শিক্ষাবিস্তার আর শিল্পবাণিজ্যের প্রসার—এবং এ দুটোর বিরুদ্ধে এখনো কেউ কোনো আপত্তি তোলেনি। বিপদ কাটার পর আমানউল্লা যদি এই দুটো নিয়ে লেগে যান তবে আর সব আপনার থেকেই হয়ে যাবে।'

মীর আসলম এসে বললেন, 'অবস্থা দেখে বিশেষ ভরসা পাওয়া যাচ্ছে না। শিনওয়ারীরা এখনো মারমুখো হয়ে আছে। আমানউল্লার সঙ্গে তাঁদের সন্ধির কথাবার্তা চলছে। তার ভিতরে দুটো শত' হচ্ছে, তুর্কী থেকে কাবুলী মেয়ে ফিরিয়ে আনা আর রানী সুরাইয়াকে ভালাক দেওয়া। রানী নাকি বিদেশে পরপুরুষের সঙ্গে অবাধ মেলামেশা করে মান-ইজ্জৎ খুইয়ে এসেছেন।'

আমরা বললুম, 'সে কি কথা ? সমস্ত পৃথিবীর কোথাও তো রানী সুরাইয়া সম্বন্ধে এ রকম বদনাম রটেনি। ভারতবর্ষের লোক পর্দা মানে, তারা পর্ষন্ত রানী সুরাইয়ার প্রশংসা ভিন্ন নিন্দা করেনি। শিনওয়ারীরা এ আজগুবি খবর পেলে কোথেকে আর রটাচ্ছে কোন লজ্জায় !'

মীর আসলম বললেন, 'শিনওয়ারী মেয়েরা বিনা পর্দায় খেতের কাজ করে বটে কিন্তু পরপুরুষের দিকে আড়নয়নে তাকালেও তাদের কি অবস্থা হয় সে কথা সকলেই জানে—আমানউল্লাও জানেন। তবে বল দেখি, তিনি কোন বুদ্ধিতে সুরাইয়াকে বল্ নাচে নিয়ে গেলেন ? জলালাবাদের মত জংগী শহরেও দু'একখানা বিদেশী খবরের কাগজ আসে—তাতে ছবি বেরিয়েছে রানী পরপুরুষের গলা ধরে দাঁড়িয়ে আছেন। সমস্ত ব্যাপারটা যে কতদূর মারাত্মক আমানউল্লা এখনো ঠিক বন্ধে উঠতে পারেননি—তাঁর

মা পেরেছেন, তিনি আমানউল্লাকে পীড়াপীড়ি করছেন সুরাইয়াকে তালুক দেবার জন্য।’

রানী মার প্রতি আমার অগাধ ভক্তি। উল্লসিত হয়ে বললুম, ‘রানী-মা ফের আসরে নেমেছেন? তাহলে আর ভাবনা নেই; শিনওয়ারী, খুদিয়ানী, বাচ্চা, কাচ্চা সবাইকে তিনি তিনদিনের ভিতর চাটনি বানিয়ে দেবেন।’

মীর আসলম বললেন, ‘কিন্তু আমানউল্লা তাঁর উপদেশে কান দিচ্ছেন না।’

শুনে অত্যন্ত নিরাশ হলুম। মীর আসলম যাবার সময়ে বললেন, ‘তোমাকে একটা প্রাচীন ফার্সি প্রবাদ শিখিয়ে যাই। রাজ্য চালনা হচ্ছে, সিংহের পিঠে সওয়ার হয়ে জীবন কাটানো। ভেবে চিন্তেই বললুম, ‘জীবন কাটানো’—অর্থাৎ সে-সিংহের পিঠ থেকে এক মূহূর্তের জন্য নামবার উপায় নেই। যতক্ষণ উপরে আছ, সিংহ তোমার কোনো কতি করতে পারবে না, কিন্তু তোমাকেও অহরহ সজাগ থাকতে হবে। আমানউল্লা সন্ধির কথাবার্তা তুলেছেন, অর্থাৎ সিংহের পিঠ থেকে নেবে দু’দন্ড জিরোতে চান—সেটি হবার জো নেই। শিনওয়ারী-সিংহ এইবার আমানউল্লাকে গিলে ফেলবে।’

আমি চুপ করে কিছুক্ষণ ভেবে বললুম, ‘কিন্তু আমার মনে হয় প্রবাদটার জন্মভূমি এদেশে নয়। ভারতবর্ষেই তথ্যকে ‘সিংহাসন’ বলা হয়। আফগানিস্থানে কি সিংহ জানোয়ারটা আছে?’

এমন সময় আবদুর রহমান এসে খবর দিল পাশের বাড়ির কর্নেল এসেছেন দেখা করতে। যদিও প্রতিবেশী তবু তাঁর সঙ্গে আমার আলাপ পরিচয় হয়নি। খাতির-যত্ন করে বসাতেই তিনি বললেন যে, লড়ায়ে যাবার পূর্বে আমাদের আশীর্বাদ মঙ্গল-কামনা ভিক্ষা করতে এসেছেন। মীর আসলম তৎক্ষণাৎ হাত তুলে দোয়া (আশীর্বাদ কামনা) পড়তে আরম্ভ করলেন, আমরাও দু’হাত তুলে ‘আমেন, আমেন’ (তথাস্তু, তথাস্তু) বললুম। আবদুর রহমান তামাক নিয়ে এসেছিল, সেও মাটিতে বসে প্রার্থনার যোগ দিল।

কর্নেল চলে গেলেন। মীর আসলম বললেন, ‘পাড়া-প্রতিবেশীর আশীর্বাদ ও ক্ষমা ভিক্ষা করে যুদ্ধযাত্রা করা আফগানিস্থানের রেওয়াজ।’

আক্রমণের প্রথম ধাক্কা বাচ্চা কাবুল শহরের উত্তর প্রান্তে শহর-আরাম চুকতে পেরেছিল। সেখানে হবীবিয়া ইন্সকুল। ডাকাতদের অগ্রভাগ—বাঙলা ‘আগডোম বাগডোম’ ছড়ার তারাই ‘অগ্রডোম’ বা ‘ভ্যানগার্ড’—ইন্সকুলের হস্টেলে প্রথম রাত কাটায়। বেশীর ভাগ ছেলেই ভয়ে

পালিয়েছিল, শূধু, বাচ্চার জন্মস্থান কুহিন্তানের ছেলেরা 'দেশের ভাই, শূধুর মুহম্মদের' প্রতীকার আগুন জ্বলে তৈরী হয়ে বসেছিল। ডাকাতরা হস্টেলের চালচর্বি দিয়ে পোলাও রাঁধে, ইস্কুলের বেঞ্চিটেবিল, স্টাইনগাস ভলান্টনের মোটা মোটা অভিধান, ছেলেদের ক্লাসের পাঠ্যবই খাতাপত্র দিয়ে উনুন জ্বালায়। তবে সবচেয়ে তারা নাকি পছন্দ করেছিল ক্যান্ডিস আর কাঠের তৈরী রোল করা মানচিত্র।

আমানউল্লা 'কাফির,' পৃথিবী 'কাফিরী,' চেয়ার টেবিল 'কাফিরী' সরঞ্জাম—এসব পুড়িয়ে নাকি পুণ্যসংঘ হয়েছিল।

ডাকাতেরও ধর্মজ্ঞান আছে। হস্টেলের ছেলেরা যদিও 'কাফির' আমানউল্লার তালিম পেয়ে 'কাফির' হয়ে গিয়েছে তবু, তারা তাদের অভ্যুত্ত রাখেনি। শূধু, খাওয়ার সময় একটু অতিরিক্ত উৎসাহের চোটে তাদের পিঠে দু'চারটে লাথি চাঁটি মেরেছিল। বাচ্চার দূর সম্পর্কের এক ভাগ্নে নাকি হস্টেল-বাসিন্দা ছিল; সে মাঝার হয়ে ফপরদালাল করেছে; তবে বাচ্চার পলারনের সময় অবস্থাটা বিবেচনা করে 'কাফিরী তালিম' ভাগ করে পালিয়ে গিয়ে 'গাজী' লাভ করেছে।

বাড়ি ফেরার সময় দেখলুম ছোট ছোট ছেলেরা রাস্তা থেকে বুলেটের খোসা কুড়োচ্ছে।

খবর পেলে, ব্রিটিশ রাজদূত স্যার ফ্রান্সিস হামফ্রিসের মতে কাবুল আর বিদেশীদের জন্য নিরাপদ নয়। তাই তিনি আমানউল্লার সঙ্গে সাক্ষাৎ করে তাদের এদেশ থেকে সরিয়ে ফেলবার বন্দোবস্ত করেছেন। আমানউল্লা সহজেই সম্মতি দিয়েছেন, কারণ তিনিও চাননি যে, বিদেশীরা আফগানিস্তানের এই ঘরোয়া ব্যাপারে অনর্থক প্রাণ দেয়। কাবুল বাকী পৃথিবী থেকে তখন সম্পূর্ণ বিচ্ছিন্ন বলে অ্যারোপ্লেনের বন্দোবস্ত করা হয়েছে।

অ্যারোপ্লেন এল। প্রথমে মেয়েদের পালা। ফরাসী গেল, জার্মান গেল, ইতালিয় গেল, পোল গেল—এক কথায় দুনিয়ার অনেক জাতের অনেক স্ত্রীলোক গেল, শূধু ভারতীয় মেয়েদের কথা কেউ শূধালো না। অ্যারোপ্লেন গুলো ভারতীয় অর্থে কেনা, পাইলটরা ভারতীয় তনখা খায়। অথচ সবচেয়ে বিপন্ন ভারতীয় মেয়েরাই—অন্যান্য স্ত্রীলোকেরা আপন আপন লিগেশনের আশ্রয়ে ছিল, কিন্তু ভারতীয়দের দেখে কে? প্রফেসর, দোকানদার, ড্রাইভারের বউকে ব্রিটিশ লিগেশনে স্থান দিলে স্যার ফ্রান্সিস বিদেশী সমাজে মুখ দেখাবেন কি করে? বামুনের জাত গেলে প্রায়শ্চিত্ত আছে, আর মুসলমানের তো জাত যায় না। কিন্তু ইংরেজের জাতিভেদ বড় ভয়ঙ্কর জিনিস। তার দেশে ঘেরকম কাগজে-কলমে লেখা, আইনে বাঁধা কমসিটিটুশন নেই ঠিক তেমনি তার জাতিভেদ প্রথা কোনো বাইবেল

প্রেয়ার বুককে আগুবাফা হিসেবে লিপিবদ্ধ করা হয়নি। অথচ সে জাতি ভেদ রবীন্দ্রনাথের ভূতের কানমলা মত—‘সে কানমলা না যায় ছড়ানো, তার থেকে না যায় পালানো, তার বিরুদ্ধে না চলে নালিশ, তার সম্বন্ধে না আছে বিচার।’ দর্শন অঙ্কশাস্ত্রে সুপন্ডিত হোন, মাক’সিজমের দিগ্বিদ্যুৎ কৌটিল্যই হোন, অথবা কল্পনার খনির মজদুরই হোন, এই কানমলা সর্দীকার করে করে হোস অব লর্ডসে না পেঁপঁছানো পর্যন্ত দর্শন মিথ্যা, মাক’সিজম ভুল, শ্রমিকসংঘের দেওয়া সম্মান ভন্ডুল। যে এই কানমলা সর্দীকার করে না ইংরেজের কাছে সে আধপাগল। তার নাম বার্নার্ডশ।

বাড়াবাড়ি করছি? মোটেই না। বান ভানতে শিবের গীত? তাও নয়। বিপ্লব-বিদ্রোহ রক্তপাত-রাহাজানি মাত্রই রুদ্দের তান্ডব নৃত্য—এতক্ষণ সে কথাই হাঁড়িল, এখন তাঁর নন্দীভৃঙ্গী-সম্বাদের পালা।

ইংরেজের এই ‘আভিজাত্য’, এই ‘স্নবারি’ ছাড়া অন্য কোনো কিছু দিয়ে ব্রিটিশ রাজদত্তের মনোবৃত্তির বৃদ্ধিবৃদ্ধ অর্থ করা যায় না। ব্রিটিশ লিগেশনের যা আকার তাতে কাবুলের বাদবাকী সব ক’টা রাজদত্তাবাস অন্যরাসে ঢুকে যেতে পারে। একখানা ছোটখাট শহর বললেও অতু্যক্তি হয় না—নিজের জলের কল, ইলেকট্রিক পাওয়ার-হোস, এগন কি ফারার বিগ্রেড পর্যন্ত মৌজুদ। শীতকালে সায়েব-সুবোদের খেলাধুলোর জন্য চা-বাগানের পাতাশুকোবার ঘরের মত যে প্রকান্ড বাড়ী থাকে তারই ভিতরে সমস্ত ভারতীয় আশ্রয়প্রার্থিনীর জায়গা হতে পারত। আহারাদি? ব্রিটিশ লিগেশন কাবুল থেকে পালিয়ে আসার সময় যে টিনের খাদ্য ফেলে এসেছিল তাই দিয়ে মেয়েদের পাকা ছ’মাস চলতে পারত।

ফেব্রু লিগেশনের যে মিনিষ্টারকে বেনওয়া সায়েব রসিকতা করে ‘সিনিষ্টার অব দি ফেব্রু লিগেশন’ বলতেন তিনি পর্যন্ত আশ্রয়প্রার্থী ফরাসীদের মন চাঙ্গা করার জন্য ভান্ডার উজাড় করে শ্যাম্পেন খাইয়েছিলেন।

ভান্ডার আসে না, অন্ন জুটছে না, পথ্যের অভাব, দাই নেই, আসন্নপ্রসবার আশ্রয় জুটছে না; তাকে ফেলে রেখে ভারতীয় পরসার কেনা হাওয়াই জাহাজ ভারতবর্ষে যাচ্ছে ইংরেজ, ফরাসী, জর্মন, সকল জাতের মেম সায়েবদের নিয়ে। হে দ্রৌপদী শরণ, চক্রধারণ, এ দ্রৌপদী যে অন্তঃসত্ত্বা!

উত্তরদিকে থেকে কাবুল শহর আক্রমণ করতে হলে ব্রিটিশ রাজদত্তাবাস অতিক্রম করে আরো একমাইল ফাঁকা জায়গা পেরতে হয়। বাচ্চা তাই করে শহর-আরা হস্টেলে পেঁপঁচেছিল। সুবে আফগানিস্থান জানে সে সময় পাকা চারদিন ব্রিটিশ রাজদত্তাবাস তথা মহামান্য স্যার ফ্রান্সিসের জীবন বাচ্চার হাতের তেলোর পুঁটি মাছের মত এক গন্ডুষ জলে খাবি খাচ্ছিল।

বাচ্চা ইচ্ছে করলেই যে কোনো মূহুর্তে' লিগেশনকে কচু-কাটা করতে পারত—একটু ঔদাসীন্য দেখালেই তার উদগ্রীব সঙ্গীরা সবাইকে কতল করে বাদশাহী লর্ড পেত, কিন্তু জলকরকবাহীর তস্করপদ্র অভিজাত তনয়ের প্রাণ দান করল। তবে, দস্যুদত্ত করুণালক্ক সে-প্রাণ বিপন্ন্য নারীর দৃংখে বিগলিত হল না।

গল্প শুনোছি, জর্জ ওয়াশিংটন তাঁর নাটিকে নিয়ে ঘোড়ায় চড়ে বেড়াতে বেড়িয়েছিলেন। পথে এক নিগ্রো হ্যাট তুলে দূ'জনকে নমস্কার করল। ওয়াশিংটন হ্যাট তুলে প্রতিনমস্কার করলেন, কিন্তু নাতি নিগ্রোকে তাচ্ছল্য করে নমস্কার গ্রহণ করল না। জর্জ ওয়াশিংটন নাটিকে বললেন, 'নগণ্য নিগ্রো তোমাকে ভদ্রতায় হার মানালো।'

দরী দাক্ষিণ্যে, করুণা ধর্মে মহাগান্য সন্ন্যাসের অতিমান্য প্রতিভু হিঞ্জ একসেলেন্স লেফটেনেন্ট কর্নেল স্যার ফ্রান্সিসকে হার মানালো ডাকুর বাচ্চা !

চিরকুট পেলুম, দেমিদফ লিখেছেন রাশান এমেদসীতে যেতে। এ রকম চিঠি আর কখনো পাইনি, কারণ কোনো কিছুর দরকার হলে তিনি নিজেই আমার বাড়িতে উপস্থিত হতেন।

চেহারা দেখেই বললুম কিছু একটা হয়েছে। দোরের গোড়াতেই বললুম, 'কি হয়েছে, বলুন।' দেমিদফ কোনো উত্তর না দিয়ে আমাকে ঘরে এনে বসালেন। মূখোমূখি হয়ে বসে দূ'হাত দূ'জানুর উপর রেখে সোজা মূখের দিকে তাকিয়ে বললেন, 'বলশফ মারা গিয়েছেন।'

আমি বললুম, 'কি?'

দেমিদফ বললেন, 'আপনি জানতেন যে, বিদ্রোহ আরম্ভ হতেই বলশফ নিজের থেকে আমানউল্লার কাছে উপস্থিত হয়ে বাচ্চায়ে সকাওয়ার দলের উপর অ্যারোপ্নেন থেকে বোমা ফেলার প্রস্তাব করেন। কাল বিকেলে—'

আমি ভাবছি, বলশফ কিছুরতেই মরতে পারে না, অবিশ্বাস্য।

'—কাল বিকেলে অন্য দিনের মত বোমা ফেলে এসে এমেদসির ক্লাব ঘরে দাবা খেলতে বসেছিলেন। ব্রিচেসের পকেটে ছোট্ট একটি পিস্তল ছিল; বাঁ হাত দিয়ে ঘূ'টি চালাচ্ছিলেন, ডান হাত পকেটে রেখে পিস্তলের ঘোড়াটা নিয়ে খেলা করছিলেন,—জানেন তো, বলশফের সদ্ভাব, কিছু একটা নাড়াচাড়া না করে বসতে পারতেন না। হঠাৎ ট্রিগারে একটু বেশী চাপ পড়াতেই গুলী পেটের ভিতর দিয়ে হৃৎপিণ্ডের কাছ পর্যন্ত চলে যায়। ঘন্টা ছয়েক বেংচে ছিলেন, ডাক্তার কিছু করতে পারলেন না।'

আমার তখনও কিছুরতেই বিশ্বাস হচ্ছে না বলশফের মত বটগাছ কি

করে বিনা ঝড়ে পড়ে যেতে পারে। এত লড়াই লড়ে, এত জখম কাটিয়ে উঠে শেষে নিজের হাতে—?

দেমিদফ বললেন, 'আপনার খুব লাগবে আমি জানতুম তাই সংক্ষেপে বললুম; আর যদি কিছু জানতে চান—?' আমি বললুম, 'না।'

'চলুন দেখতে যাবেন।'

আমি বললুম, 'না।' বাড়ি যাবার জন্য উঠলুম। মাদাম তাড়াতাড়ি আমার সামনে পথ বন্ধ করে বললেন, 'এখানে খেয়ে যান।'

আমি বললুম, 'না।'

টেনিস কোর্টের পাশ দিয়ে বেরবার সময় হঠাৎ যেন শূন্যে পেলুম বলশফের গলা, 'জব্বাস্, ভুইয়িতে, মই প্রিয়াতেল—এই যে বন্ধ, কি রকম?' চমকে উঠলুম। আমার মন তখনো বিশ্বাস করছে না, বলশফ নেই। এই টেনিস কোর্টেই তাঁর সঙ্গে প্রথম আলাপ হয়েছিল আর এই যে দেউড়ি দিয়ে বেরিচ্ছি এরই ভিতর দিয়ে কতবার তাঁর সঙ্গে বেড়াতে বেরিয়েছি।

বাড়ি এসে না খেয়ে ঘুমিয়ে পড়লুম। সকালে ঘুম ভাঙতেই দেখি আমার অজানতে মন সমস্ত রাত বলশফের কথা ভেবেছে। ঘুম ভাঙতেই যেন শূন্য সচেতন হলুম। মনে পড়ল তাঁর সঙ্গে শেষ কথাবার্তা। ঠাট্টা করে বলেছিলুম, 'বলশফ তুমি আমানউল্লার হয়ে লড়ছ কেন? আমান-উল্লা রাজা, বাচ্চার দল প্রলেতারিয়েস্ট অব দি প্রলেতারিয়া। তোমার উচিত বাচ্চার দলে যোগ দিয়ে লড়া।'

বলশফ বলেছিল, 'বাচ্চা কি করে প্রলেতারিয়া হল? সেও তো রাজার মুকুট পরে এসেছে। রাজার রাজার লড়াই। এক রাজা প্রগতিপন্থী, আরেক রাজা প্রগতির শত্রু। চিরকাল প্রগতির জন্য লড়েছি, এখনো লড়াছি, তা সে ব্রহ্মস্কির নেতৃত্বেই হোক আর আমানউল্লার আদেশেই হোক।'

আমানউল্লার সেই চরম দুর্দিনে সব বিদেশীর মধ্যে একমাত্র বলশফের কতৃৎসে রাশান পাইলটরাই তাঁকে সাহায্য করেছিল, বাচ্চা জিতলে তাদের কি অবস্থা হবে সে সম্বন্ধে একদম পরোয়া না করে!

দিন পনেরো পরে খবর পেলুম, অ্যারোপ্লেন কাবুল থেকে বিদেশী সব স্ত্রীলোক কাচ্চা বাচ্চা ঝেঁটিয়ে নিয়ে গিয়েছে; বিদেশী বলতে এখন বাকী শূন্য ভারতীয়। তিন লক্ষ ব্রিটিশ লিগেশনে উপস্থিত হয়ে মোলানার বউয়ের কথাটা সকাতির সবিনয় নিবেদন করলুম। ব্রিটিশের দয়া অসীম। ভারতবাসিনী-লাদাই উড়োজাহাজের প্রথম ক্ষেপেই তিনি স্থান পেলেন। পুনরপি তিন লক্ষ বাড়ি পেঁাছে আঙ্গিনা থেকেই চিৎকার করে বললুম, 'মোলানা, কেব্লা ফতেহ, সীট পেয়ে গিয়েছি। বউকে বলো তৈরী হতে। এখন ওজন করাতে নিয়ে যেতে হবে,—কতারা ওজন জানতে চান।'

মৌলানা নিরন্তর। আমি অবাক। শেষটায় বললেন যে, তাঁর বউ নাকি একা যেতে রাজী নন, বলছেন, মরবার হলে এদেশে সদামীর সঙ্গেই মরবেন। আমি শূধালুম, 'তুমি কি বলছ?' মৌলানা নিরন্তর। আমি বললুম, 'দেখ মৌলানা, তুমি পাঞ্জাবী, কিন্তু শান্তিনিকেতনে থেকে থেকে আর গুরুদেবের মোলায়েম গান গেয়ে গেয়ে তুমি বাঙালীর মত মোলায়েম হয়ে গিয়েছ। 'বাঁধন, যে রাখি-টাঁখি' এখন বাদ দাও।' মৌলানা তবু নিরন্তর। চটে গিয়ে বললুম, 'তুমি হিন্দু হয়ে গিয়েছ, তাও আবার ১৮১০ সালের—সতীদাহে বিশ্বাস করো। কিন্তু জানো, যে গুরুদেবের নাম শূনে অজ্ঞান হও, তাঁরই ঠাকুর্দা দ্বারকানাথ ঠাকুর টাকা দিয়ে সতীদাহের বিরুদ্ধে বিলেতে মোকদ্দমা লড়িয়েছিলেন। মৌলানা নিরন্তর। এবারে বললুম, 'শোনো ব্রাদার, এখন ঠাট্টামস্করার সময় নয়, কিন্তু ভেবে দেখো, তোমার বউয়ের কবে বাচ্চা হবে, তার হিসেব-টিসেব রাখো—না হয় বন্দি পেলুম, ধাই পেলুম, কিন্তু যদি বাচ্চা হওয়ার পর তোমার বউয়ের—' বার তিনেক গলা খাঁকারি দিয়ে বললুম—'তাহলে আমি দুধ যোগাড় করব কোথা থেকে? বাজারে ফের কবে দুধ উঠবে, তার তো কোনো ঠিক-ঠিকানা নেই।'

মৌলানা বউয়ের কাছে গেলেন। আমি বাইরে দাঁড়িয়ে অল্প অল্প কান্নার শব্দ শূনতে পেলুম। মৌলানা বেরিয়ে এসে বললেন, 'রাজী হচ্ছেন না।'

তখন মৌলানাকে বাইরে রেখে ভিতরে গেলুম। বললুম, 'আপনি যে মৌলানাকে ছেড়ে যেতে চাইছেন না, তার কারণ যে আমি বৃদ্ধিতে পারিছিনে তা নয়; কিন্তু ভেবে দেখুন তো, আপনার না যাওয়াতে তাঁর কোনো অসুবিধা হচ্ছে না তো? আপনি যদি চলে যান, তবে তিনি যেখানে খুশী কোনো ভাল জায়গায় গিয়ে আশ্রয় নিতে পারবেন; শূধু তাই নয়, অবস্থা যদি আরো খারাপ হয়, তবে হয়ত তাঁকেও এদেশ ছাড়তে হবে। আপনি না থাকলে তখন তাঁর পক্ষে সব কিছূই অনেক সহজ হয়ে যাবে। এসব কথা তিনি আপনাকে কিছূই বলেননি, কারণ এখন তিনি নিজের কথা আদপেই ভাবছেন না, ভাবছেন শূধু আপনার মজলের কথা। আপনি তাঁর স্ত্রী, আপনার কি এদিকে খেয়াল করা উচিত নয়?'

ওকালতি করছি আর ভাবছি মৌলানার যদি ছেলে হয়, তবে তাকে ব্যারিস্টারী পড়াব। মেয়ে হলে আমানউল্লাহ মায়ের হাতে সপে দেব।

ওষুধ ধরল। ভারত নারীর শাশানিচিকিৎসা সদামীর সদার্থের দোহাই পাড়া।

পরদিন সকালবেলা মৌলানা বউকে নিয়ে অ্যারোড্রোমে গেলেন। বিপদ-আপদ হলে আবদুর রহমানের-কাঁধ কাজে লাগবে বলে সেও সঙ্গে

গেল। আমি রইলুম বাড়ি পাহারা দিতে। দিন পরিষ্কার ছিল বলে ছাতে দাঁড়িয়ে দেখলুম, পূব থেকে প্রকান্ড ভিকারস বমার এল, নাগল, ফের পূব দিকে চলে গেল। মাটিতে আধ ঘণ্টার বেশী দাঁড়ানি—কাবুল নিরাপদ স্থান নয়।

জিয়াউদ্দীন ফিরে এসে মুখ কামর করে উপরে চলে গেলেন। আবদুর রহমান বললো, 'মৌলানা সাহেবের বিবির জামা-কাপড় দেখে পাইলট বলল যে, আরোপেন যখন আসমানে অনেক উপরে উঠবে, তখন ঠান্ডায় তাঁর পা জমে যাবে। তাই বোধ হয় তারা সঙ্গে খড় এনেছিল—'মৌলানা সাহেব সেই খড় দিয়ে তাঁর বিবির দু'পা বেশ করে পেঁচিয়ে দিলেন—দেখে মনে হল যেন খড়ে জড়ানো বিলিতী সিরকার বোতল। সব মেয়েদেরই পা একরকম কায়দায় সফর-দুরন্ত করতে হল।'

আমরা দেউড়িতে দাঁড়িয়ে কথাবার্তা বলছিলাম। এমন সময় আমাদের সামনে দিয়ে একটা গড়া নিয়ে কয়েকজন লোক চলে যাচ্ছে দেখে আবদুর রহমান হঠাৎ কথাবার্তা বন্ধ করে তাদের সঙ্গে যোগ দিল। ভারবাহীরা আমার প্রতিবেশী কর্নেলের বাড়ির সামনে গিয়ে দাঁড়াল। আবদুর রহমান কড়া নাড়ল। দরজা খোলার সঙ্গে সঙ্গেই নারীকন্ঠের তীক্ষ্ণ, আত' কন্দনধ্বনি যেন তাঁরের মত বাতাস ছিঁড়ে আমার কানে এসে পেঁছিল—গড়া দরজা দিয়ে বাড়িতে ঢোকাতে যতক্ষণ সময় লাগল, ততক্ষণ গলার পর গলা সে আত'নাদে যোগ দিতে লাগল। চিৎকারে চিৎকারে মানুষের বেদনা যেন সপ্তম স্বর্গে ভগবানের পায়ের কাছে পেঁছিতে চাইছে।

কান্না যেন হঠাৎ কেউ গলা টিপে বন্ধ করে দিল—গড়া বাড়িতে ঢোকানো হয়েছে, দরজা বন্ধ করে দেওয়া হয়েছে। সেই নিস্তরতা তখন যেন আমাকে কান্নার চেয়ে আরো বেশী অভিভূত করে ফেলল। আমি ছুটে গিয়ে মৌলানার ঘরে ঢুকলাম। আবদুর রহমান এসে খবর দিল, 'কর্নেল লড়াইয়ে মারা গিয়েছেন।'

মৌলানা দু'হাত তুলে দোয়া পড়তে আরম্ভ করলেন। আবদুর রহমান আর আমি যোগ দিলাম। দোয়া শেষে মৌলানা বললেন, 'লড়াইয়ে যাওয়ার আগে কর্নেল আমাদের দোয়া মাঙতে এসেছিলেন, আমাদের উপর এখন তাঁর হুকু আছে!' তারপর মৌলানা ওজু করে কুরান শরীফ পড়তে আরম্ভ করলেন।

দুপুরবেলা মৌলানার ঘরে গিয়ে দেখি, কুরান পড়ে পড়ে তাঁর চেহারা অনেকটা শান্ত হয়ে গিয়েছে। আসন্নপ্রসবা স্ত্রীর বিরহ ও তাঁর সম্বন্ধে দর্শিচিন্তা মন থেকে কেটে গিয়েছে।

কর্নের প্রতি আমার মনে শ্রদ্ধা জাগল। কোনো কোনো মানুষ মরে গিয়েও অন্যের মনে শান্তির উপলক্ষ্য হয়ে যান।

কিন্তু আমার মনে খেদও জেগে রইল। যে-মানুষটিকে পাঁচ মিনিটের জন্য চিনেছিলুম তাঁর মৃত্যুতে মনে হল যেন একটি শিশু-সন্তান অকালে মারা গেল। আমাদের পরিচয় তার পরিপূর্ণতা পেল না।

আটত্রিশ

আফগান প্রবাদ 'বাপ-মা যখন গদ গদ হয়ে বলেন, 'আমাদের ছেলে বড় হচ্ছে' তখন একথা ভাবেন না যে, ছেলের বড় হওয়ার সঙ্গে সঙ্গে তাঁরাও গোরের দিকে এগিয়ে চলেছেন।' আমানউল্লা শূধু তাঁর প্রিয় সংস্কার-কর্মের দিকেই নজর রেখেছিলেন, লক্ষ্য করেননি যে, সঙ্গে সঙ্গে তাঁর রাজত্বের দিনও ফুরিয়ে আসছে। কিন্তু শূধু আমানউল্লাকে দোষ দিয়ে লাভ নেই—তাঁর উজির-নাজির সঙ্গী-সাথী ও রাস্তার আর পাঁচজন বাচ্চার পালিয়ে যাওয়াতে অনেকটা আশ্বস্ত হয়ে দৈনন্দিন জীবনে ফিরে যাবার চেষ্টাতে ছিল।

বাচ্চার আক্রমণের ঠিক একমাস পরে—জানুয়ারীর কঠোর শীতের মাঝামাঝি—একদিন শরীর খারাপ ছিল বলে লেপমুড়ি দিয়ে শূধু আছি, এমন সময় এক পাঞ্জাবী অধ্যাপক দেখা করতে এলেন। শহর তখন অনেকটা স্নানভাবিক হয়ে এসেছে, দিনের বেলা চলাফেরা করাতে বিশেষ বিপদ নেই।

জিজ্ঞেস করলেন, 'খবর শূধুনেছেন?'

আমি শূধুধালুম, 'কি খবর?'

বললেন, 'তাহলে জানেন না, শূধুদুন। এরকম খবর আফগানিস্থানের মত দেশেও রোজ রোজ শোনা যায় না।'

ভোরবেলা চাকর বলল, রাজপ্রাসাদে কিছূ একটা হচ্ছে, শহরের বহু-লোক সেদিকে যাচ্ছে। গিয়ে দেখি প্রাসাদে আফগানিস্থানের সব উজির, তাদের সহকারী, ফৌজের বড় বড় অফিসার এবং শহরের কয়েকজন মাতব্বর ব্যক্তিও উপস্থিত। সন্ধ্যার মাঝখানে মুইন-উস-সুলতানে ইনায়েতউল্লা খান ও তাঁর বড় ছেলে দাঁড়িয়ে আছেন। কিন্তু আশ্চর্য হয়ে দেখি যে, শহরের এত বড় মজলিসের মাঝখানে আমানউল্লা নেই। কাউকে জিজ্ঞেস করবার আগেই এক ভদ্রলোক—খুব সম্ভব রসই-ই-শূধুরাই (প্রেসিডেন্ট অব দি কৌন্সিল) হবেন—একখানা ফরমান পড়তে আরম্ভ

করলেন। দূরে ছিলুম বলে সব কথা স্পষ্ট শুনতে পাইনি; কিন্তু শেষের কথাগুলো পাঠক বেশ জোর দিয়ে চেঁচিয়ে পড়লেন বলে সন্দেহের কোনো অবকাশ রইল না। আমানউল্লা সিংহাসন ত্যাগ করেছেন ও বড় ভাই মুইন-উস-সুলতানে ইনায়েতউল্লাকে সিংহাসন গ্রহণ করতে অনুরোধ করেছেন।’

আমি উত্তেজিত হয়ে জিজ্ঞেস করলুম, ‘হঠাৎ? কেন? কি হয়েছে?’

‘শুনুন; ফরমান পড়া শেষ হলে কাবুলের এক মাতব্বর ব্যক্তি আফগানিস্থানের পক্ষ থেকে ইনায়েতউল্লাকে সিংহাসন গ্রহণ করতে অনুরোধ করলেন। তখন ইনায়েতউল্লা অত্যন্ত শান্ত এবং নিজীব কন্ঠে যা বললেন, তার অর্থ মোটামুটি এই দাঁড়ায় যে, তিনি কখনও সিংহাসনের লোভ করেননি—দশ বৎসর পূর্বে যখন নসরউল্লা আমানউল্লার রাজ্য নিয়ে প্রতিদ্বন্দ্বিতা হয়, তখনও তিনি অবস্থা রক্তক্ষয়ের সম্ভাবনা দেখে আপন অধিকার ত্যাগ করেছিলেন।’

অধ্যাপক দম নিয়ে বললেন, ‘তারপর ইনায়েতউল্লা যা বললেন সে অত্যন্ত খাঁটি কথা। বললেন, ‘দেশের লোকের মঙ্গলচিন্তা করেই আমি একদিন ন্যায্য সিংহাসন গ্রহণ করিনি; আজ যদি দেশের লোক মনে করেন যে, আমি সিংহাসন গ্রহণ করলে দেশের মঙ্গল হবে তবে আমি শঙ্কু সেই কারণেই সিংহাসন গ্রহণ করতে রাজী আছি।’

আমি বললুম, ‘কিন্তু আমানউল্লা?’

অধ্যাপক বললেন, ‘তখন খবর নিয়ে শুনলুম, আমানউল্লার ফৌজ কাল রাতে লড়াই হেরে গিয়ে পালিয়েছে। খবর ভোরের দিকে আমানউল্লার কাছে পৌঁছয়; তিনি তৎক্ষণাৎ ইনায়েত উল্লাকে ডেকে সিংহাসন নিতে আদেশ করেন। ইনায়েত নাকি অবস্থাটা বুঝে প্রথমটার রাজী হননি—তখন নাকি আমানউল্লা তাঁকে পিস্তল তুলে ভয় দেখালে পর তিনি রাজী হন।

‘আমানউল্লা ভোরের দিকে মোটরে করে কান্দাহার রওয়ানা হয়েছেন। যাবার সময় ইনায়েতউল্লাকে আশ্বাস দিয়ে গিয়েছেন, পিতৃপিতামহের দুররানী ভূমি কান্দাহার তাঁকে নিরাশ করবে না। তিনি শীঘ্রই ইনায়েতউল্লাকে সাহায্য করার জন্য সৈন্য নিয়ে উপস্থিত হবেন।’

আমানউল্লা তাহলে শেষ পর্যন্ত পালালেন। চূপ করে অবস্থাটা হৃদয়ঙ্গম করার চেষ্টা করতে লাগলুম।

অধ্যাপক হেসে বললেন, ‘আপনি তো টেনিস খেলায় ইনায়েতউল্লার পার্টনার হন। শুনছি, তিনি তাঁর বিরাট বপু, নাড়াচাড়া করতে পারেন না বলে আপনি কোর্টের বারোআনা জমি সামলান—এইবার

আপনি আফগানিস্তানের বারোআনা না হোক অন্তত দু'চারআনা চেয়ে
নিں।'

আমি বললাম, 'ভাতো বটেই। কিন্তু বাচ্চার বুলেটের অন্তত দু'চার-
আনা ঠেকাবার ভার তাহলে আমার উপর পড়বে না তো?'

অধ্যাপক বললেন, 'তওবা, তওবা। বাচ্চা এখন আর লড়বে কেন,
বলুন। তার কাছে ইত্যবসরে শোরবাজারের হজরত আর সর্দার ওসমান
খান ইনায়তউল্লাহর পক্ষ থেকে খবর নিয়ে গিয়েছেন যে, 'কাফির' আমান-
উল্লা যখন সিংহাসন ত্যাগ করে পালিয়েছে তখন আর যুদ্ধ বিগ্রহ করার
কোনো অর্থ হয় না। বাচ্চা যেন বাড়ি ফিরে যান—তার সঙ্গে ইনায়ত-
উল্লাহর কোনো শত্রুতা নেই।'

অধ্যাপক চলে গেলে পর আমি বাড়ি থেকে বেরিয়ে আকের দিকে
চললাম।

এবারে শহরের দৃশ্য আরো অদ্ভুত। বাচ্চার প্রথম ধাক্কার পর তবু
কাবুল শহরে রাজা ছিলেন, তিনি দুর্বল না সবল সাধারণ লোকে জানত
না বলে রাজদন্ডের মর্ষাদা তখনো কিছু, কিছু ছিল কিন্তু এখন যেন
আকাশে বাতাসে অরাজকতার বিজয়লাঞ্ছন অঙ্কিত। যারা রাস্তা দিয়ে
চলেছে তারা স্পষ্টত কাবুলবাসিন্দা নয়। তাদের চোখে মুখে হত্যা-
লুণ্ঠনের প্রতীক্ষা আর লুক্কায়িত নয়। এরা সব দল বেঁধে চলেছে—
কেউ কোথাও একবার আরত্ত করলে এদের আর ঠেকানো যাবে না।

ঘন্টাখানেক ঘোরাঘুরি করলাম কিন্তু একটিমাত্র পরিচিত লোককেও
দেখতে পেলুম না। তখন ভালো করে লক্ষ্য করলাম যে, প্রায় সবাই দল
বেঁধে চলেছে, ভিখারী-আতর ছাড়া একলা একলি আর কেউ বেরোয়নি।

খাঁটি খবর দিতে পারে এমন একটি লোক পেলুম না। আভাসে
আন্দাজে বুললাম, ইনায়তউল্লাহ আকের ভিতর আগ্রয় নিয়ে দুর্গ বন্ধ
করেছেন। আমানউল্লাহর কি পরিমাণ সৈন্য ইনায়তউল্লাহর বশ্যতা সর্দীকার
করে দুর্গের ভিতরে আছে তার কোনো সন্ধান পেলুম না।

দোস্ত মুহাম্মদ আমানউল্লাহর হয়ে লড়তে গিয়েছেন জানতুম, তাই এক-
মাস ধরে তার বাড়ি বন্ধ ছিল। ভাবলাম এবার হয়ত ফিরেছেন, কিন্তু
সেখানে গিয়েও নিরাশ হতে হল। বাড়ি ফিরে দেখি মৌলানা তখনো
আসেননি, তাই পাকাপাকি খবরের সন্ধানে মীর আসলামের বাড়ি গেলুম।

বুড়ো আবার সেই পুরোনো কথা বাদ দিয়ে আরত্ত করলেন, যখন
কোনো দরকার নেই তখন এই বিপজ্জনক অবস্থায় ঘোরাঘুরি করি কেন?

আমি বললাম, 'সামলে কথা বলবেন, স্যার। জানেন, বাদশা আমার
পার্টনার। চাটুখানি কথা নয়। আপনার কি চাই বলুন, যা দরকার
বাদশাকে বলে করিয়ে দেব।'

মীর আসলাম অনেকক্ষণ ধরে হাসলেন। তারপর বললেন, 'ফার্সীতে একটা প্রবাদ আছে, জানো,

'রাজত্ববধূরে যেই করে আলিঙ্গন
তীক্ষ্ণ-ধার অসি পরে সে দেয় চুম্বন।'

'কিন্তু তোমার বাদশাহ অদ্ভুত ! সাধারণ বাদশাহ কামানবন্দুক চালিয়ে অন্ততঃপক্ষে পিস্তলের ভয় দেখিয়ে সিংহাসন দখল করে, তোমার বাদশাহ ইনায়েতউল্লা পিস্তলের ভয় পেয়ে কাঁপতে কাঁপতে সিংহাসনের উপরে গিয়ে বসলেন !'

আমি বললাম, 'কিন্তু দেখুন, শেষ পর্যন্ত সিংহাসনে যার হক ছিল তিনিই বাদশাহ হলেন। কাবুলের লোকজন তো আর ভুলে যাবেনি যে, ইনায়েতউল্লা শহীদ বাদশাহ হবীবউল্লার বড় ছেলে।'

মীর আসলাম বললেন, 'সে কথা ঠিক কিন্তু হকের মাল এত দেরীতে পেঁচেছে যে, এখন সে মালের উপর আরো পাঁচজনের নজর পড়ে গিয়েছে। শূনেছ বোধ হয় শোরবাজারের হজরত বাচ্চাকে ফেরাতে গিয়েছেন। তোমার কি মনে হয় ?'

আমি বললাম, 'ইনায়েতউল্লা তো আর 'কাফির' নন। 'বাচ্চা ফিরে যাবে।'

মীর আসলাম বললেন, 'শোরবাজারের হজরতকে চেন না—তাই একথাটা বললে। তিনি আফগানিস্থানের সবচেয়ে বড় মোল্লা। আমান-উল্লা বিদ্রোহের গোড়ার দিকেই তাঁকে জেলে পুরেছিলেন, সাহস সঞ্চয় করে ফার্সী দিতে পারেননি। আজ শোরবাজার সর্বাধীন, কিন্তু ইনায়েত-উল্লা বাদশাহ হলে তাঁর লাভ ? আজ না হয় তিনি বিপদে পড়ে শোরবাজারের হাতে-পায়ে ধরে তাঁকে দ্রুত করে পাঠিয়েছেন। কিন্তু বাচ্চা যদি ফিরে যায় তবে দু'দিন বাদে তাঁর শক্তি বাড়বে; সিংহাসনে কায়ম হয়ে বসার পর তিনি আর শোরবাজারের দিকে ফিরেও তাকাবেন না। রাজার ছেলে রাজা হলেন, তিনি রাজত্ব চালাতে জানেন, শোরবাজারকে দিয়ে তাঁর কি প্রয়োজন ?

'পক্ষান্তরে বাচ্চা যদি ইনায়েতউল্লাকে তাড়িয়ে দিয়ে রাজা হতে পারে তবে তাতে শোরবাজারের লাভ। বাচ্চা ডাকাত, সে রাজ্যচালনার কি জানে ? যে মোল্লাদের উৎসাহে বাচ্চা আজ লড়ছে সেই মোল্লাদের মনুকুটমণি শোরবাজার তখন রাজ্যের কর্ণধার হবেন।'

'কিন্তু তারো চেয়ে বড় কারণ রয়েছে, বাচ্চা কেন ফিরে যাবে না। তার যে-সব সঙ্গী-সাথীরা এই একমাস ধরে বরফের উপর কখনো দাঁড়িয়ে

কখনো শব্দে লড়ল, বাচ্চা তাদের শব্দহাতে বাড়ি ফেরাবে কি করে ? কাবুল লুটের লালস দেখিয়েই তো বাচ্চা তাদের আপন ব্যান্ডার তলায় জড়ো করেছে।’

আমি বললাম, ‘বাঃ ! আপনিই তো সেদিন বললেন, বাচ্চা মহল্লা-সদরীদের কথা দিয়েছে যে, কাবুলীরা যদি আমানউল্লাহ হয়ে না লড়ে তবে সে কাবুল লুট করবে না।’

মীর আসলাম বললেন, ‘এরই নাম রাজনীতি। ইংরেজ বেরকম লড়াইয়ের সময় আরবদের বলল তাদের প্যালেস্টাইন দেবে, ইহুদীদের বলল তাদেরও দেবে।’

বাড়ি ফিরে এসে দেখি পাঞ্জাবী অধ্যাপকরা দল বেধে মৌলানাকে বাড়ি পেঁছে দিতে এসে অজ্ঞা জমিয়েছেন। আমাকে নিয়ে অনেক হাসি-ঠাট্টা করলেন, কেউ বললেন, ‘দাদা, আমার ছ’মাসের ছুটির প্রয়োজন’, কেউ বললেন, ‘পাঁচ বছর ধরে প্রমোশন পাইনি, বাদশাহকে সেই কথাটা স্মরণ করিয়ে দেবেন।’ মৌলানা আমার হলে উত্তর দিয়ে বললেন, ‘সবুজেই যদি পোলাও খাবেন তবে ঘি ঢালতে কঞ্জুসি করছেন কেন ? যা চাইবার দরাক-দিলে চেয়ে নিন।’

দেখলাম, এদের সকলেরই বিশ্বাস বাচ্চা শব্দ-হাতে বাড়ি ফিরে যাবে আর কাবুলে ফের হারুন-অর-রশীদদের রাজত্ব কায়েম হবে।

সন্ধ্যার দিকে আবদুর রহমান বুলেটিন ঝেড়ে গেল, ‘বাচ্চা ফিরতে নারাজ’ বলছে, ‘যে-তাজ পাঁচজন আমাকে পরিয়েছেন, সে তাজ আমার শিরোধারী।’ বুললাম, মীর আসলাম ঠিকই বলেছেন, ‘রাজা হওয়ার অর্থ’ সিংহের পিঠে সওয়ার হওয়া—একবার চড়লে আর নামবার উপায় নেই।’

সে রাতে বাড়িতে ডাক হানা দিল। আবদুর রহমান তার রাইফেল ব্যবহার করতে পেয়ে ষত না গুলী ছুঁড়ল তার চেয়ে আনন্দে লাফাল বেশী। ফিচকে ডাকাতই হবে, আবদুর রহমানের রণনাদ শব্দে পালাল।

আবদুর রহমান তার বুলেটিনের মাল-মসলা সংগ্রহ করে দেউড়িতে দাঁড়িয়ে। রাস্তা দিয়ে যে যায় তাবাই ভেকে পই পই করে নানা রকম শব্দ জিজ্ঞেস করে—আমানউল্লাহ চলে বাওয়াল তার শেষ ডর ভয় কেটে গিয়েছে। তবে এখন বাচ্চায়ে সকাও না বলে সম্মানভরে হবীবউল্লাহ খান বল।

দুপুরবেলার বুলেটিনের খবর ইনায়েতউল্লাহ খান আক’ দুর্গের ভিতর বসে আমানউল্লাহ কাছ থেকে সাহায্যের প্রতীক্ষা করছেন। বাচ্চা তাঁকে আত্মসমর্পণ করতে আদেশ দিয়েছে। না হলে সে কাবুল শহরের কাউকে জ্যান্ত রাখবে না—ঘরবাড়ি পুঁড়িয়ে দেবে। ইনায়েতউল্লাহ উত্তর দিয়েছেন,

‘কাবুলবাসীদের প্রচুর রাইফেল আর অপৰ্যাপ্ত বুলেট আছে, তাই দিয়ে তারা যদি আত্মরক্ষা না করতে পারে তবে এসব ভেড়ার পালের মরাই ভালো।’

মৌলানা বললেন, ‘বাচ্চা এখন আর কাবুলের মহল্লা-সদারদের কেয়ার করে না।’ তারপর আবদুর রহমানকে পার্লামেন্টে কারদার সপ্লিমেন্টের শূধালেন, ‘আকে কি পরিমাণ খাদ্যদ্রব্য আছে? সৈন্যরা টিকতে পারবে কতদিন?’ আবদুর রহমান কাঁচা ডিপ্লোমেট—নোটসের হুমকি দিল না। বলল, ‘অন্তত ছয় মাস।’

তৃতীয় দিনের বুলেটিন, ‘বাচ্চা বলেছে, ইনায়েতউল্লা যদি আত্মসমর্পণ না করেন তবে যে-সব আমীর-ওমরাহ সেপাই-সান্ত্রী তাঁর সঙ্গে আকে আশ্রয় নিয়েছেন, তাঁদের স্ত্রীপুত্রপরিবারকে সে খুন করবে। ইনায়েত-উল্লা উত্তর দিয়েছেন, ‘কুছ পরোয়া নেই।’

ফালতো প্রশ্ন, ‘বাচ্চা দুর্গ আক্রমণ করছে না কেন?’

অবজ্ঞানচক উত্তর, ‘রাইফেলের গুলী দিয়ে পাথরের দেয়াল ভাঙ্গা যায় না।’

সে সন্ধ্যায় ব্রিটিশ লিগেশনের এক কেরানী প্রাণের ভয়ে আমার বাড়িতে আশ্রয় নিলেন। শহরে এসেছিলেন কি কাজে; বাচ্চার ফৌজ দলে দলে শহরে ঢুকছিল বলে লিগেশনে ফিরে যেতে পারেননি। রাতে তাঁর মুখে শুনলুম যে, দুর্গের ভিতরে বন্ধ আমীর-ওমরাহদের স্ত্রী-পুত্রপরিবার দুর্গের বাইরে। ইনায়েতউল্লার পরিবার দুর্গের ভিতরে। আমীরগণ ও বাদশাহের সদার্থ এখন আর সম্পূর্ণ এক নয়। আমীরগণ তাঁদের পরিবার বাঁচাবার জন্য আত্মসমর্পণ করতে চান। ইনায়েতউল্লা নাকি নিরাশ হয়ে বলেছেন, যে-সব আমীর-ওমরাহদের অনুরোধে তিনি অনিচ্ছায় রাজা হয়েছিলেন, তাঁদের ইচ্ছার বিরুদ্ধে এখন তিনি আর দুর্গ রক্ষা করতে রাজী নন।

আবদুর রহমান সভাস্থলে উপস্থিত ছিল। বলল, ‘আমি শুনছি, সেপাইরা দুর্গ রক্ষা করতে রাজী, যদিও তাদের পরিবার দুর্গের বাইরে। তারা বলেছে, ‘বউবাচ্চার জান আমানত দিয়ে তো আর ফৌজে ঢুকিনি।’ ভয় পেয়েছেন অফিসার আর আমীর-ওমরাহদের দল।’

কেরানী বললেন, ‘আমিও শুনছি, কিন্তু কোনটা খাঁটি কোনটা ঝুটা বুঝবার উপায় নেই। মোন্দা কথা, ইনায়েতউল্লা সিংহাসন ত্যাগ করতে তৈরী, তবে তাঁর শতঃ কোনো তৃতীয়পক্ষ যেন তিনি আর তাঁর পরিবারকে নিরাপদে আফগানিস্থানের বাইরে নিয়ে যাবার জিম্মাদারী নেন। স্যার ফ্রান্সিস রাজী হয়েছেন।’

আমরা আশ্চর্য হয়ে জিজ্ঞেস করলাম, 'স্যার ফ্রান্সিসের কাছে প্রথমেটা পাড়ল কে?'

'বলা শব্দ। শোরবাজার, ইনায়েতউল্লা, বাচ্চা—থুড়ি—হবীবউল্লা খান—তিনজনের একজন, অথবা সকলে মিলে। এখন সেই কথাবার্তা চলছে।'

সেরায়ে অনেকক্ষণ অবাধি মৌলানা আর কেরানী সারয়েবেতে আফগান রাজনীতি নিয়ে আলোচনা, তর্কবিতর্ক হল।

সকালবেলা আবদুর রহমান হাতে-সেঁকা রুটি, নুন আর বিনা দুধ চিনিতে চা দিয়ে গেল। আমাদের অভ্যাস হয়ে গিয়েছে কিন্তু ভদ্রলোক কিছুই স্পর্শ করতে পারলেন না। প্রবাদ আছে, 'কাজীর বাড়ির বাঁদীও তিন কলম লিখতে পারে।' বুদ্ধিতে পারলাম, 'ব্রিটিশ রাজদুতাবাসের কেরানীও রাজভোগ খায়—এই দুর্ভিক্ষেও।'

দুপুরের দিকে কেরানী সারয়েবের সঙ্গে শহরে বেরলাম। বাচ্চার সেপাইয়ে সমস্ত শহর ভরে গিয়েছে। আকের পাশের বড় রাস্তায় তাঁর কাছ থেকে বিদায় নিচ্ছি—তিনি লিগেশনে যাবেন, আমি বাড়ি ফিরব—এমন সময় বলা নেই কওয়া নেই এক সঙ্গে শ'খানেক রাইফেল আমাদের চারপাশে গর্জন করে উঠল। সঙ্গে সঙ্গে দেখি, রাস্তার লোকজন বাহ্যজ্ঞান-শূন্য হয়ে যে যেদিকে পারে সেদিকে ছুটেছে। আশ্রয়ের সন্ধানে নিশ্চয়ই, কিন্তু কে কোন দিকে যাচ্ছে তার প্রতি লক্ষ্য না করে। চতুর্দিকে বাচ্চার ডাকাত, তাই সবাই ছুটেছে দিশেহারা হয়ে।

বাচ্চার প্রথম আক্রমণের দিনে শহরে যা দেখেছিলাম তার সঙ্গে এর তুলনা হয় না। সেদিনকার কাবুলী ভয় পেয়েছিল যেন বাঘের ডাক শুনে, এবারকার গ্রাস হঠাৎ বাঘের খাবার সামনে পড়ে যাবার। কেরানী সারয়েব পেশাওয়ারের পাঠান। সাহসী বলে খ্যাতি আছে। তিনি পর্যন্ত আমাকে টেনে নিয়ে ছুটে চলেছেন—মুশবিল-আসানই জানেন কোন দিক দিয়ে। পাশ দিয়ে গা ঘেঁষে একটা ঘোড়া চলে গেল। নয়ানজুলিতে পড়তে পড়তে তাকিয়ে দেখি, ঘোড়সওয়ারের পা জিনের পাদানে বেঁধে গিয়ে মাথা নিচের দিকে ঝুলছে আর ঘোড়ার প্রতি গ্যালপের সঙ্গে সঙ্গে মাথা রাস্তার শানে ঠোকর খাচ্ছে।

ততক্ষণে রাস্তার দুর্-রিয়ালিস্টিক ছবিটার এলোপাতাড়ি দাগ আমার মনে কেমন যেন একটা আবছা আবছা অর্থ এনে দিয়েছে। কেরানী সারয়েবের হাত থেকে হ্যাঁচকা টান দিয়ে নিজেকে খালাস করে দাঁড়িয়ে গেললাম। ছবিটার যে জিনিস আমার অবচেতন মন ততক্ষণে লক্ষ্য করে একটা অর্থ খাড়া করেছে, সে হচ্ছে যে ডাবুরা কাউকে মারার মতলবে,

কোনো 'কংলে আম্' বা পাইকারী কচু-কাটার ভালে নয়—তারা গুলী ছুঁড়েছে আকাশের দিকে। কেরানী সার্নেবের দৃষ্টিও সোঁদিকে আবর্ষণ করলুম।

ততক্ষণে রাস্তার উপর দাঁড়িয়ে শুধু বাচ্চার ডাকাত দল, কেরানী সায়েব আর আম্; বাদবাকী নয়ানজর্দিতে, দোকানের বারান্দায়, না হয় কাবুল নদীর শক্ত বরফের উপর উঁচু পাড়ির গা ঘেঁষে।

তিন চার মিনিট ধরে গুলী চলল—আমরা কানে আঙুল দিয়ে দাঁড়িয়ে রইলুম। তারপর আবার সবাই এক একজন করে আগ্রয়স্থল থেকে বেরিয়ে এল। ডাকাতের দল ততক্ষণে হা হা করে হাসতে আরম্ভ করেছে—'তাদের 'শাদিয়ানা' শুনে কাবুলের লোক এরকম ধারা ভয় পেয়ে গেল।' 'কিসের 'শাদিয়ানা?' 'জানো না খবর, ইনায়েতউল্লা তখৎ ছেড়ে দিয়ে হাওয়াই জাহাজে করে হিন্দুস্থান চলে গিয়েছেন। তাই বাচ্চা—থুড়ি—বাদশাহ হবীবউল্লা খান হুকুম দিয়েছেন রাইফেল চালিয়ে 'শাদিয়ানা' বা বিজয়োল্লাস প্রকাশ করার জন্য।'

জিন্দাবাদ 'বাদশাহ' 'গাজী' হবীবউল্লা খান।

বর্ষরদেশে নতুন দলপতি উদ্বুদ্ধে বসলে নরবলি করার প্রথা আছে। আফগানিস্থানে এরকম প্রথা থাকার কথা নয়, তবু অর্নিচ্ছায় গোটা পাঁচেক নরবলি হয়ে গেল। 'শাদিয়ানা'র হাজার হাজার বুলেট আকাশ থেকে নামার সময় যাদের মাথায় পড়ল তাদের কেউ কেউ মরল—পুরু, মীর আসলমী পাগড়ি মাথায় প্যাঁচানো ছিল না বলে।

পাগড়ি নিয়ে হেলাফেলা করতে নেই। গরীব আফগানের মামুলী পাগড়ি নিয়ে টানাহ্যাঁচড়া করতে গিয়ে আমানউল্লার রাজমুকুট খসে পড়ল।

উনচল্লিশ

ডাকাত সেটা কুড়িয়ে নিয়ে মাথায় পড়ল।

মোল্লারা আশীর্বাদ করলেন।

পরদিন ফরমান বেরলো। তার মূল বক্তব্য, আমানউল্লা কাফির, কারণ সে ছেলেদের এলজেরা শেখাত, ভূগোল পড়াত, বলত পৃথিবী গোল। বিংশ শতাব্দীতে এ রকম ফরমান বেরতে পারে সে কথা কেউ সহজে বিশ্বাস করবেন না, কিন্তু বাচ্চার মত ডাকাত এখন তখৎ-নশীন হতে পারে তখন এরকম ফরমান আর অবিশ্বাস করার কোনো উপায় থাকে

না। শব্দ, তাই নয়, ফরমানের তলায় মোল্লাদের সেই ছাড়াও দেখতে পেলুম সেই রয়েছে আমানউল্লাহর মশরীফের।

মীর আসলাম বললেন, 'পেটের উপর সঙ্গীণ ঠেকিয়ে সেইগুলো আদার করা হয়েছে। না হলে বলো, কোন সন্থ লোক বাচ্চাকে বাদশাহী দেবার ফরমানে নাম সেই করতে পারে?' রাগের চোটে তাঁর চোখ-মুখ তখন লাল হয়ে গিয়েছে, দাড়ি ডাইনে-বাঁয়ে ছড়িয়ে পড়েছে। গর্জন করে বললেন, 'ওয়াজিব-উল-কৎল—প্রত্যেক মুসলমানের উচিত যাকে দেখা মাত্র কতল করা সে কিনা বাদশাহ হল!'

আমি বললুম, 'আপনি যা বলছেন তা খুবই ঠিক; কিন্তু আশা করি এসব কথা যেখানে সেখানে বলে বেড়াচ্ছেন না।'

মীর আসলাম বললেন, 'শোনো, সৈয়দ মুজতবা আলী, আমানউল্লাহর নিন্দা যখন আমি করেছি তখন সকলের সামনেই করেছি; বাচ্চায়ে সকাওয়ার বিরুদ্ধে যা বলবার তাও আমি প্রকাশ্যে বলি। তুমি কি ভাবছ কাবুল শহরের মোল্লারা আমাকে চেনে না, ফরমানের তলায় আমার সেই লাগাতে পারলে ওরা খুশী হয় না? কিন্তু ওরা ভালো করেই জানে যে, আমার বাঁ হাত কেটে ফেললেও আমার ডান হাত সেই করবে না। ওরা ভালো করেই জানে যে, আমি ফতোয়া দিয়ে বসে আছি, "বাচ্চায়ে সকাও ওয়াজিব-উল-কৎল—অবশ্য বধ্য।"

মীর আসলাম চলে যাওয়ার পর মোলানা বললেন, 'যতদিন আফগানিস্থানে মীর আসলামের মত একটি লোকও বেঁচে থাকবেন ততদিন এ দেশের ভবিষ্যৎ সম্বন্ধে নিরাশ হওয়ার কোনো কারণ নেই।'

আমি সায় দিয়ে বললুম, 'হক কথা, কিন্তু আমাদের ভবিষ্যতের ভাবনা এই বেলা একটু ভেবে নিলে ভালো হয় না?'

দু'জনে অনেকক্ষণ ধরে ভাবলুম : কখনো মূখ ফুটে কখনো যার যার আপন মনে। বিষয় : বাচ্চা তার ফরমানে আমানউল্লাহ যে কাফির সে কথা সপ্রমাণ করে বলেছে, "এবং যেসব দিশী-বিদেশী মাস্টার প্রফেসর আমানউল্লাহকে এ সব কথায় সাহায্য করতো, তাদের ডিসমিস করা হল; স্কুল-কলেজ বন্ধ করে দেওয়া হল।"

শেষটায় মোলানা বললেন, 'অজ ভেবে কন্দু হবে। আমরা ছাড়া আরো লোকও তো ডিসমিস হয়েছে—দেখাই যাক না তারা কি করে।' মোলানার বিশ্বাস দশটা গাধা মিললে একটা ঘোড়া হয়।

কিন্তু এসব নিতান্ত ব্যক্তিগত কথা।

আবু হোসেন নাটক যাঁরা দেখেছেন, তাঁরা হয়ত ভাবছেন যে, কাবুলে তখন জোর রগড়। কিন্তু ভবিষ্যতের ভাবনায় তখন আমীর ফকির সকলেরই রসকষ কাবুল নদীর জলের মত জমে গিয়ে বরফ হয়ে গিয়েছে।

বাচ্চাও শহরবাসীকে সন্দেহের দোদুলদোলায় বেশীক্ষণ দোলালো না। হুকুম হলো আমানউল্লাহ মন্ত্রীদের ধরে নিয়ে এসো, আর তাদের বাড়ি লুণ্ঠ করো।

সে লুণ্ঠ কিস্তিতে কিস্তিতে হল। বাচ্চার খাস-পেরারারা প্রথম খবর পেয়েছিল বলে তারা প্রথম কিস্তিতে টাকা-পয়সা, গয়নাগাঁটী দামী টুকিটাকি ছোঁ মেরে নিয়ে গেল। দ্বিতীয় কিস্তিতে সাধারণ ডাকাতরা আসবাবপত্র, কাপেট, বাসন-কোসন, জামাকাপড় বেছে বেছে নিয়ে গেল, তৃতীয় কিস্তিতে আর সব ঝড়ের মূখে উড়ে গেল—শেষটার রাস্তার লোক কাঠের দরজা-জানালা পর্যন্ত ভেঙ্গে নিয়ে গিয়ে শীত ভাঙ্গালো।

মন্ত্রীদের খালি পায়ে বরফের উপর দাঁড় করিয়ে হরেক রকম সম্ভব অসম্ভব অত্যাচার করা হল গুরুপুত্র বের করার আশায়। তার বর্ণনা শুনে কাবুলের লোক পর্যন্ত শিউরে উঠেছিল—মোলানা আর আশ্রি শূধু, মূখ চাওয়া-চাওয়ি করেছিলুম।

তারপর আমানউল্লাহ ইয়ারবান্স, ফৌজের অফিসারদের পালা। বন্ধ দোর-জানালা ভেদ করে গভীর রাতে চিৎকার আসত—ডাকু পড়েছে। সে আবার সরকারী ডাকু—তার সঙ্গে লড়াই করার উপায় নেই, তার হাত থেকে পালাবার পথ নেই।

কিন্তু অভ্যাস হয়ে গেল—রাস্তার উপর শীতে জমে-যাওয়া রক্ত, উলঙ্গ মড়া, রাতে ভীত নরনারীর আত' চিৎকার সবই সহ্য হয়ে গেল। কিন্তু আশ্চর্য অভ্যাস হল না শূধু, শূধুকনো রুটি, নুন আর বিনা দুধ চিনিতে খাওয়ার। মায়ের কথা মনে পড়ল; তিনি একদিন বলেছিলেন, চা বাগানের কুলীরা যে প্রচুর পরিমাণে বিনা দুধ চিনিতে লিকার খায় সে পানের তৃপ্তির জন্য নয়, ক্ষুধা মারবার জন্য। দেখলুম অতি সত্যি কথা, কিন্তু শরীর অত্যন্ত দুর্বল হয়ে পড়ে। কাবুলে ম্যালেরিয়া নেই, থাকলে তারপর চা-বাগানের কুলীরা যা হয়, আমারও তাই হত এবং তার পরমা গতি কোথায়, বাঙালীকে বুঝিয়ে বলতে হয় না। মোলানাকে জিজ্ঞেস করলুম, 'না খেতে পেয়ে, বুলেট খেয়ে, ম্যালেরিয়ায় ভুগে, এ-তিন মার্গের ভিতর মরার পক্ষে কোনটা প্রশস্ততম বলো তো।'

মোলানা কবিতা আওড়ালেন আরেক মোলানার—কবি সাদীর—

চুন আহঙ্গে রফতন্, কুনদ, জানে পাক,
চি বর তখ্ৎ মুরদন্, চি বর, সরে থাক, ?

পরমায়, যবে প্রস্তুত হয় মহাপ্রস্থান তরে
একই মৃত্যু—সিংহাসনেতে অথবা ধূলির পরে।

বাচ্চার ফরমান জারির দিনসাতেক পরে ভারতীয়, ফরাসী, জার্মান শিক্ষক-অধ্যাপকেরা এক ঘরোয়া সভার স্থির করলেন, 'স্যার ফ্রান্সিসকে তাদের দুরবস্থা নিবেদন করে হাওয়াই জাহাজে করে ভারতবর্ষে' যাওয়ার জন্য বন্দোবস্ত ভিক্ষা করা।

অধ্যাপকরা বললেন, কাবুল থেকে বেরবার রাস্তা চতুর্দিকে বন্ধ; স্যার ফ্রান্সিস বললেন, হাঁ; অধ্যাপকেরা নিবেদন করলেন, কাবুলে কোনো ব্যাংক নেই বলে তাদের জমানো যা কিছু, সম্বল তা পেশাওয়ারে এবং সে পয়সা আনবার কোনো উপায় নেই; স্যার ফ্রান্সিস বললে, হুঁ; অধ্যাপকেরা কাতর অনুনয়ে জানালেন, স্ত্রী-পরিবার নিয়ে তাঁরা অনাহারে আছেন; সায়েব বললেন, অ; অধ্যাপকেরা মরীয়া হয়ে বললেন, এখানে থাকলে তিলে তিলে মৃত্যু; সায়েব বললেন, আ।

একদিকে ফুল্লরার বারমাসী, অন্যদিকে সারেবের অ, আ করে বর্ণমালা পাঠ। ক্রাস সিক্কের ছেলে আর প্রথম ভাগের খোকাবাবু যেন একই ঘরে পড়াশোনা করছেন।

বর্ণমালা বখন নিতান্তই শেষ হয়ে গেল তখন সায়েব বললেন, 'এখানকার ব্রিটিশ লিগেশন ইংলন্ডের ব্রিটিশ সরকারের মতপত্র। ভারতবাসীদের সুখসুবিধে রক্ষণাবেক্ষণের দায়িত্ব ব্রিটিশ লিগেশনের কর্তব্য নয়। আমি যদি কিছু করতে পারি, তবে সেটা 'ফেবার' হিসেবে করব, আপনাদের কোনো রাইট নেই।'

যাত্রাগানে বিস্তর দুর্ঘোষন দেখেছি। সারেবের চেহারার দিকে ভালো করে তাকিয়ে দেখি, না, কিছু কিছু গরমিল রয়েছে। দুর্ঘোষন 'ফেবার, রাইট' কোনো হিসেবেই পাঁচখানা গাঁ দিতে রাজী হননি, ইনি 'ফেবারেবল কনসিডারেশন' করতে রাজী আছেন।

এ অবস্থায় গ্রীকৃষ্ণ হলে হয়ত তিনি বগল বাজিয়ে সুখবর দেবার জন্য পান্ডব-শিবিরে ছুটে যেতেন, কিন্তু আমার মনে পড়ল যুধিষ্ঠিরের কথা। একটি মিথ্যে কথা বলবার জন্যে তাঁকে নরক দর্শন করতে হয়েছিল। ভাবলুম এদিকে দুর্ঘোষন, ওদিকে বাচ্চায়ে সকাও, এর মাঝখানে যদি সাহস সঞ্চার করে একটিবারের মত এই জীবনে সত্যি কথা বলে ফেলতে পারি তবে অন্তত একবারের মত সুদর্গ দর্শন লাভ হলে হতেও পারে। বললুম, 'হাওয়াই জাহাজগুলো ভারতীয় পয়সায় কেনা, পাইলটরা ভারতীয় তনখা খায়, পেশাওয়ারের বিমানঘাঁটি ভারতের নিজস্ব—এ অবস্থায় আমাদের কি কোনো হুকু নেই?' ব্রিটিশ লিগেশন যে ভারতীয় অর্থে' তৈরী, সায়েব যে ভারতীয় নিমক খান, সেকথা আর ভদ্রতা করে বললুম না।

সায়েব ভয়ংকর চটে গেলেন, অধ্যাপকরাও ভয় পেয়ে গেলেন।

বদলদুম, জীবনমরণের ব্যাপার—ভারতীয়েরা কোনো গতিকে দেশে ফিরে যেতে পেলে রক্ষা পান—‘মেহেরবানী, হক’ নিয়ে নাহক তর্ক করে কোনো লাভ নেই। বললুম, ‘আমি যা বলেছি, সে আমার ব্যক্তিগত মত। আমি নিজে কোনো ‘ফেবার’ চাইনে, কিন্তু আমার ইচ্ছা অনিচ্ছা যেন আর পাঁচজনের সন্ধার্থে আঘাত না করে।’

এরপর কথা কাটাকাটি করে আর কোনো লাভ নেই। আমার যা বক্তব্য সায়েব পরিষ্কার বুদ্ধিতে পেরেছেন, আর সায়েবের বক্তব্য ভারত-বাসীর কাছে কিছ, নতুন নয়—‘ফেবার’ শব্দ দরখাস্তে যিনি মত ইনিয়ে-বিনিয়ে লিখতে পারেন, তাঁকেই আমরা ভারতবর্ষ গেল এক শ বছর ধরে ইংরিজীতে সুপন্ডিত বলে সেলায় করে আসছি।

সেই সন্ধ্যায়ই খবর পেলুম, যে সব ভারতবাসী সদদেশে ফিরে যেতে চান, তাদের একটা ফিরিঙ্গি তৈরী করা হয়েছে। সায়েব সদহস্তে আমার ঢারা কেটে দিয়েছেন।

আবদুর রহমান এখন শূধ, আগুনের তদারকি করে। বাদাম নেই যে, খোসা ছাড়াবে, কালি নেই যে, জুতো পালিশ করবে। না খেয়ে খেয়ে রোগা হয়ে গিয়েছে, দেখলে দুঃখ হয়।

মৌলানা শূতে গিয়েছেন। আবদুর রহমান ঘরে ঢুকল। আমি বললুম, ‘আবদুর রহমান, সব দিকে তো ডাকাতির পাল রাস্তা বন্ধ করে আছে। পানিশিরে যাবার উপায় আছে?’

আবদুর রহমান আমার দু’হাত আপন হাতে তুলে নিয়ে শূধ, চুমো খায়; আর চোখে চেপে ধরে; বলে, ‘সেই ভালো হুজুর, সেই ভালো। চলুন আমার দেশে। এরকম শূকনো রুটি আর নুন খেলে দু’দিন বাদে আপনি আর বিছানা থেকে উঠতে পারবেন না। তার চেয়ে ভালো খাওয়ার জিনিস আমাদেরই বাড়িতে আছে। কিছ, না হোক, বাদাম, কিসমিস, পেস্তা, আঞ্জীর, মোলায়েম পনীর, আর হুজুর, আমার নিজের তিনটে দুমরা আছে। আর একটি মাস, জোর দেড় মাস, তারপর বরফ গলতে আরম্ভ করলেই আপনাকে নদী থেকে মাছ ধরে এনে খাওয়াব। ভেজে, পেকে, পুড়িয়ে যেরকম আপনার ভালো লাগে। আপনি আমাকে মাছের কত গল্প বলেছেন, আমি আপনাকে খাইয়ে দেখাব। আরামে শোবেন, ঘুমবেন, জানলা দিয়ে দেখবেন—’

আবদুর রহমানকে বাধা দিতে কষ্টবোধ হল। বেচারী অনেকদিন পরে আবার প্রাণ খুলে কথা বলতে আরম্ভ করেছে, পানিশিরের পুরানো সদপ্নে নতুন রঙ লাগিয়ে আমার চোখে চটক লাগাবার চেষ্টা করছে; তার মাঝখানে ভোরের কাকের ককর্শ কা-কা করে তার সুখ-সদপ্ন কেটে

ফেলতে অভ্যস্ত বাধো বাধো ঠেকল। বললুম, 'না, আবদুর রহমান, আমি যাব না, আমি বলছি, তুমি চলে যাও। জানো তো আমার চাকরী গেছে, তোমাকে মাইনে দেবার টাকা আমার নেই। তুমি বাড়ি চলে যাও, খুদা যদি ফের সর্দি দিন করেন, তবে আবার দেখা হবে।'

ব্যাপারটা বুঝতে আবদুর রহমানের একটু সময় লাগল। যখন বুঝল, তখন চুপ করে উঠে ঘর থেকে বেরিয়ে গেল। আমারও মন খারাপ হয়ে গেল কিন্তু করিই বা কি? আবদুর রহমানের সঙ্গে বহু সন্ধ্যা, বহু বামিনী কাটিয়ে বুঝতে পেরেছি যে, সে যদি নিজের থেকে কোনো জিনিস না বোঝে, তবে আমার যুক্তিতর্ক তার মনের কোনো কোণে ঠাই পায় না। আমার ব্যবস্থাটা যে তার আদপেই পছন্দ হয়নি, সেটা বুঝতে পারলুম, কিন্তু আমি আশা করেছিলুম, সে আপত্তি জানাবে, আমি তাহলে তর্কাতর্কি করে তাকে খানিকটা শায়েশ্তা করে নিয়ে আসব। দেখলুম তা নয়, সরল লোক আর সোজা সুপারি গাছে মিল রয়েছে; একবার পা হড়কালে আপত্তি-অজুহাতের শাখা-প্রশাখা নেই বলে সোজা ভূমিতলে অবতরণ।

খানিকক্ষণ পরে নিজের থেকেই ঘরে ফিরে এল। মাথা নিচু করে বলল, 'আপনি নিজের হাতে মেপে সকালবেলা দুমুঠো আটা দেবেন। আমার তাইতেই চলবে।'

কি করে লোকটাকে বোঝাই যে, আমার অজানা নয় সে মাসখানেক ধরে দুমুঠো আটা দিয়েই দুবেলা চালাচ্ছে। আর খাবারের কথাই তো আসল কথা নয়—আমার প্রস্তাবে যে সে অভ্যস্ত বেদনা অনুভব করেছে, সেটা লাঘব করি কি করে? যুক্তিতর্ক তো বৃথা—পূর্বেই বলেছি, ভাবলুম, মৌলানাকে ডাকি। কিন্তু ডাকতে হল না। আবদুর রহমান বলল, 'যখন সবকিছু পাওয়া যেত, তখন আমি এখানে যা খেয়েছি, আমার বাবা তার শ্বশুর বাড়িতেও সেরকম খায়নি।' তারপর বেশ একটু গলা চড়িয়ে বলল, 'আর আজ কিছ, জুটছে না বলে আমাকে খেদিয়ে দিতে চান? আমি কি এতই নিমকহারাম?'

অনেক কিছ, বলল। কিছুটা যুক্তি, বেশির ভাগ জীবনস্মৃতি, অল্প-বিস্তর ভৎসনা, সবকিছ, ছাপিয়ে অভিমান। কখনো বলে, 'দেরেশি করিয়ে দেননি', কখনো বলে, 'নতুন লেপ কিনে দেননি—কাবুলের কটা সর্দিরের ওরকম লেপ আছে, আমি গেলে বাড়ি পাহারা দেবে কে, আমাকে তাড়িয়ে দেবার হুক, আপনার সম্পূর্ণ আছে—আপনার আমি কি খেদমত করতে পেরেছি?'

যেন পানিশরের বরফপাত। গাদা-গাদা, পাঁজা-পাঁজা। আমি যেন রাস্তা হারিয়ে ফেলেছি, আর আমার উপর সে বরফ জমে উঠছে। আবদুর

রহমানই আমাদের প্রথম পরিচয়ের দিন বলেছিল, তখন নাকি সেই বরফ-আস্তরণের ভিতর বেশ গুম বোধ হয়। আমিও আরাম বোধ কুরলুম।

কিন্তু না খেতে পেয়ে আবদুর রহমানের পানিশরী ভাগদ মিমিয়ে গিয়েছে। সাতদিন ধরে বরফ পড়ল না—মিনিটখানেক বর্ষণ করেই আবদুর রহমান খেয়ে গেল। আমি বললুম, 'তা তো বটেই, তুমি চলে গেলে আমাকে বাঁচাবে কে? অতটা ভেবে দেখিনি।'

আবদুর রহমান তন্দ্রাভেদেই খুশ। সরল লোকলে নিয়ে এই হল মস্ত সুবিধে। উকুনি হাগিমুখে আগুনের তদারকিতে বসে গেল।

তারপর মন থেকে যে শেষ গ্লানিটুকু কেটে গিয়েছে সেটা পরিষ্কার বুদ্ধিতে পারলুম শুরুতে যাবার সময়। তোষকের তলার লেপ গুঁজে দিতে বলল, 'জানেন, সায়েব, আমি যদি বাড়ি চলে যাই তবে বাবা কি করবে? প্রথম আমার কাছ থেকে একটা বুলেটের দাম চেয়ে নেবে; তারপর আমাকে গুলী করে মারবে। কতবার আমাকে বলেছে, 'তোমার মত হতভাগাকে মারবার জন্য যে গাঁটের পয়সায় বুলেট কেনে সে তোমার চেয়েও হতভাগা।'

আমি বললুম, 'ও, তাই বৃষ্টি তুমি পানিশর ধেতে চাও না? প্রাণের ভয়ে?'

আবদুর রহমান প্রথমটার খতমত খেয়ে গেল। তারপর হাসল। আমারও হাসি পেল—যে আবদুর রহমান এতদিন ধরে শূষ্ক কাষ্ঠং তিষ্ঠতি অগ্রে রূপ ধারণ করে বিরাজ করত আমার আলবাল-সিঙনে সে যে একদিন রসবোধকিশলয়ে মুকুলিত হয়ে সরসতরুর হবে সে আশা করিনি।

আবদুর রহমান একখানা খোলা-চিঠি দিয়ে গেল; উপরে আমানউল্লার পলায়নের তারিখ।

'কমরত ব্ শিকনদ—

এতদিন বাদে মনস্কামনা পূর্ণ হয়েছে। আগা আহমদের মাইনের পাঁচবছরের জমানো তিন শ' টাকা আর তার ভাইয়ের রাইফেল লোপাট মেরে আফ্রিদী মুল্লুকে চললুম। সেখানে গিয়ে পিতৃ-পিতামহের ব্যবসা ফাঁদব। শুনতে পাই খাইবারপাসের ইংরেজ অফিসার পাকড়ে পাকড়ে খালাসীর পয়সা আদায় করার প্রাচীন ব্যবসা উপযুক্ত লোকের অভাবে অত্যন্ত দুরবস্থায় পড়েছে।

কিন্তু আচ্ছা ইংরিজী জাননেওয়াল। একজন দোভাষীর আমার প্রয়োজন—আমার ইংরিজী বিদ্যে তো জান! তোমার যদি কিছুমাত্র কান্ডজ্ঞান থাকে তবে পরপাঠ জলালাবাদের বাজারে এসে আমার অনুসন্ধান করো। মাইনে? কাবুলে এক বছরে যা কামাও, আমি এক

মাসে তোমাকে তাই দেব। কাবুলের ডাকাতের চাকর হওয়ার চেয়ে আমার বেরাদর হয়ে ইমান-ইনসাফে কামানো পয়সার বখরাদার হওয়া ঢের ভালো।

আমানউল্লা নেই—তবু ফী আমানিল্লা।*

দোস্ত মুহম্মদ

পুঃ। আগা আহমদ সঙ্গে আছে। কাধে আমানউল্লার বিলি করা একখানা উৎকৃষ্ট মাউজার রাইফেল।’

রাজা হয়ে ভিস্তিওয়ালার ডাকাত ছেলে ইচ্ছানিচ্ছায় রাজপ্রাসাদে কি রঙ্গরস করল তার গল্প আন্তে আন্তে বাজারময় ছড়াতে আরম্ভ করল। আধুনিক ঔপন্যাসে বালীগঞ্জের কাল্পনিক ডাইনিঙরুমে পাড়াগেয়ে ছেলে যা করে তারই রাজসংস্করণ। নতুন কিছ, নেই—তবে একটা গল্প আমার বড় ভালো লাগল। মৌলানার কপি রাইট।

আমানউল্লা লন্ডনে পঞ্চম জর্জের সঙ্গে যে রোলস-রয়েস চড়ে কুচকাওয়াজ পালাপরবে যেতেন রাজা জর্জ সেই বজরার মত মোটর আমানউল্লাকে বিদায়ভেট দেন। সে গাড়ি রাখসের মত তেল খেত বলে আমানউল্লা পালাবার সময় সেখানা কাবুলে ফেলে যান।

বাচ্চা রাজা হয়ে বিশেষ করে সেই মোটরই পাঠাল বাবুগাঁয়ে বউকে নিয়ে আসবার জন্য। বউ নাকি তখন বাচ্চার মাথার উকুন বাছছিল। সারা গাঁয়ের হুলস্থলের মাঝখানে বাচ্চার বউ নাকি ড্রাইভারকে বলল, ‘তোমার মনিবকে গিয়ে বলো, নিজে এসে আমাকে খুচরে বসিয়ে যেন নিয়ে যার।’

দিগ্বিজয় করে বুদ্ধদেব যখন কপিলবন্তু ফিরেছিলেন তখন যশোধরা এমনি ধারা অভিমান করেছিলেন।

চল্লিশ

ফরাসডাকার জরিপেড়ে ধূতি, গরদের পাঞ্জাবী আর ফুরফুরে রেশমী উড়ুনি পড়ে বসে আছি। কব্জিতে গোড়ে, গৌঁফে আতর। চাকর ট্যান্ডি আনতে গিয়েছে—বারস্কেপে যাব।

সত্যি নয়, তুলনা দিয়ে বলছি।

* ‘আমানউল্লা কথার অর্থ ‘আল্লার আমানত’ এবং ‘ফী আমানিল্লা’ কথার অর্থ (তোমাকে) ‘আল্লার আমানতে রাখলম।’

তখন যেমন ট্যান্ডার অপেক্ষা করা ভিন্ন অন্য কোনো কাজে মন দেওয়া যায় না আমাদের অবস্থা হল তখন তাই। তফাত শুধু এই, স্যার ফ্রান্সিসের হাতে হাওরাই ট্যান্ডার রয়েছে—কিন্তু সন্ধ্যারবেলা শিখ ড্রাইভার যে রকম মদমত্ত হয়ে 'চক্ষু দুইটা রাঙা কইরা, এড্ডা চিঠেকর দিয়া' বলে 'নহী জায়েঙ্গে', সায়েব তেমানি সর্বাধিকারপ্রমত্ত হয়ে বলছেন—চুগোয় থাকগে কি বলছেন।

অপেক্ষা করে করে একমাস কাটিয়ে দিয়েছি।

চা ফুরিয়ে গিয়েছে—ক্ষুধা মারবার আর কোনো দাওয়াই নেই। এখন শুধু রুটি আর নুন—নুন আর রুটি। রুটিতে প্রচুর পরিমাণ নুন দিলে শুধু রুটিতেই চলে কিন্তু ভোজনের পদ বাড়াবার জন্য আবদুর রহমান নুন রুটি আলাদা আলাদা করে পরিবেশন করত।

সপ্তাহ তিনেক হল বেনওয়ার সাহেব অ্যারোপ্লেন করে হিন্দুস্থান চলে গিয়েছেন। পূর্বেই বলেছি, তিনি শান্তিনিকেতনে থেকে থেকে বাঙালী হয়ে গিয়েছিলেন। কিন্তু তাহলে কি হয়। পাসপোর্টখানা তো ফরাসী দেশের—এবং তার রঙটা তো সাদা। তাই ভারতীয় বিমানে তিনি জায়গা পেলেন বিনা মেহনতে। আমাদের তাতে বিন্দুমাত্র দুঃখ নেই কিন্তু সব ফরাসীর জন্য তো আর এ রকম দরাজিদল হতে পারব না।

যাবার আগের দিন বেনওয়ার বাড়িতে এসে মৌলানা আর আমাকে গোপনে এক টিন ফরাসী তরকারী দিয়ে যান—সার্ডিন টিনের সাইজ। বহুকাল ধরে রুটি ভিন্ন অন্য কোনো বস্তু পেটে পড়েনি; মৌলানাতে আমাতে সেই তরকারী গো-গ্রাসে গোস্তুগেলার পদ্ধতিতে খেয়ে পেটের অসুখে সপ্তাহখানেক ভুগলুম। আমাদের ভুগন্তি অনেকটা গরীব চাষীর ম্যালেরিয়ার ভোগার মত হল। চাষী যে রকম ভোগার সময় বিলক্ষণ বৃষ্টিতে পারে কুইনিন কুইনিন কোনো কিছুই প্রয়োজন নেই, সাতদিন পেট ভরে খেতে পেলে দুনিয়ার কুলে জ্বর ঝেড়ে ফেলে উঠতে পারবে, আমরা তেমানি ঠিক জানতুম, তিনদিন পেট ভরে খেতে পেলে আমাদেরও পেটের অসুখ আমানউল্লাহ সৈন্যবাহিনীর মত কপূর হয়ে উবে যাবে।

সেই অনাহার আর অসুখের দরুন মৌলানা আর আমার মেজাজ তখন এমন তিরিষ্কি হয়ে গিয়েছে যে, বেরালটা কার্পেটের উপর দিয়ে হেপ্টে গেলে তার শব্দ লাফ দিয়ে উঠি (অথচ স্যার, জিনিসটা এমনি অসুত যে, বন্দুকগুলীর শব্দ আমাদের নিদ্রা ভঙ্গ হয় না), কথায় কথায় দু'জনাতে তর্ক লাগে, মৌলানার দিকে তাকালেই আমার মনে হয় ওরকম জঙ্গলী দাড়ি মানুষ রাখে কেন, মৌলানা আমার চেহারা সম্বন্ধে কি ভাবতেন জানিনে, তবে প্রকাশ করলে খুব সম্ভব খুনোখুনি হয়ে যেত। মৌলানা পাঞ্জাবী, কিন্তু আমিও তো বাঙাল।

মৌলানা লোকটা ভারী কুতূহল করে। আমি যা বললুম সে কথা তাৎক্ষণিক দূনিয়া সৃষ্টির আদিম কাল থেকে সন্দীকার করে আসছে। আমি বললুম, 'সর, চালের ভাত আর ইলিশ মাছ ভাজার চেয়ে উপাদেয় খাদ্য আর কিছই হতে পারে না।' মুখ বলে কিনা বিরয়ানি-কুর্মা তার চেয়ে অনেক ভালো। পাঞ্জাবীর সংকীর্ণমনা প্রাদেশিকতার আর কি উদাহরণ দিই বলুন। শাস্তিনিকেতনে থেকেও লোকটা মানুষ হল না। যে নরায়ণ ইলিশ মাছের অপমান করে তার মুখদর্শন করা মহাপাপ, অথচ দেখুন, বাঙালীর চরিত্র কী উদার, কী মহান;—আমি মৌলানার সঙ্গে মাত্র তিন দিন কথা বন্ধ করে ছিলাম।

আর শীতটা যা পড়েছিল। বারম্বার জ্বরের গরমের ছ'হাজার ফুটী বর্ণনা দেখা যায়, কিন্তু মারাত্মক শীতের বয়ান তার তুলনায় বহু কম। কারণ বায়োস্কেপ বানানো হয় প্রধানতঃ সায়েবসুবোদের জন্য আর তেনারা শীতের তকলিফ বাবতে ওকিবহাল, কাজেই সে-জিনিস তাঁদের দেখিয়ে বন্ধ-আপিস ভরবে কেন? আর যদি বা দেখানো হয় তবে শীতের সঙ্গে হামেশাই ঝড় বা ঝিঝাড জুড়ে দেওয়া যায়। কিন্তু আসলে যেমন কালবৈশাখী বিপজ্জনক হলেও তার সঙ্গে দিনের পর দিনের ১১২ ডিগ্রীর অত্যাচারের তুলনা হয় না, তেমনি বরফের ঝড়ের চেয়েও মারাত্মক দিনের পর দিনের ১০ ডিগ্রীর অত্যাচার।

জামা ধরে রোদ্দুরে শুকোতে দিলেন। জামার জল জমে বরফ হল, রোদ্দুরে সে জল শুকোনো দূরের কথা বরফ পর্যন্ত গলল না। রোদ্দু থাকলেই টেম্পারেচার ফ্রিজিঙের উপরে ওঠে না। জামাটা জমে তখন এমনি শক্ত হয়ে গিয়েছে যে, এক কোণে ধরে রাখলে সমস্ত জামাটা খাড়া হয়ে থাকে। ঘরের ভিতরে এনে আগুনের কাছে পর জামা চুবসে গিয়ে জ্বুথবু হয়।

বলবেন বানিয়ে বলছি, কিন্তু দেশ ভ্রমণের হলপ, দোতলা থেকে থুথু ফেললে সে-থুথু মাটি পেঁছবার পূর্বেই জমে গিয়ে পেঁজা বরফের মত হয়ে যায়। আবদুর রহমান একদিন দুটো পেঁয়াজ যোগাড় করে এনেছিল—খুদায় মালুম চুরি না ডাকাতি করে—কেটে দেখি পেঁয়াজের রস জমে গিয়ে পরতে পরতে বরফের গুড়ো হয়ে গিয়েছে।

সেই শীতে জ্বালানী কাঠ ফুরোল।

খবরটা আবদুর রহমান দিল বেলা বারোটোর সময়। বাইরের কড়া রৌদ্র তখন বরফের উপর পড়ে চোখ ধাঁধিয়ে দিচ্ছে, আমরা কিন্তু সে সংবাদ শুনে গিটুবন অধিকার দেখলুম। রোদ্দু সত্ত্বেও টেম্পারেচার তখন ফ্রিজিঙ পরেটের বহু নিচে।

সে রাতে গরম বানিয়ান, ফ্রান্সের শার্ট, পল-ওভার, কোর্ট, ইস্তক ও ওভারকোর্ট পরে শুলুম। উপরে দুখানা লেপ ও একখানা কাপেট। মৌলানা তাঁর প্রিয়তম গান ধরলেন,

‘দারুণ অগ্নিবাণে
হৃদয় তুষার হানে—’

আমি সাধারণতঃ বেসুরা পৌঁ ধরি। সে রাতে পারলুম না, আমার দাঁতে দাঁতে তরতাল বাজছে।

জানালার ফাঁক দিয়ে বাতাস ঢুকে পর্দা সরিয়ে দিল। আকাশ তারায় তারায় ভরা। রবীন্দ্রনাথ উপমা দিয়ে বলেছেন,

‘আমার প্রিয়া মেঘের ফাঁকে ফাঁকে
সন্ধ্যা তারায় লুকিয়ে দেখে কাকে,
সন্ধ্যাদীপের লুপ্ত আলো স্মরণে তার আসে।’

ফরাসী কবি অন্য তুলনা দিয়েছেন; আকাশের ফোঁটা ফোঁটা চোখের জল জমে গিয়ে তারা হয়ে গিয়েছে। আরেক নাম-না-জানা বিদেশী কবি বলেছেন; মৃত্যু ধরণীর কফিনের উপর সাজানো মোমবাতি গলে- যাওয়া জমে-ওঠা ফোঁটা ফোঁটা মোম তারা হয়ে গিয়েছে।

সব বাজে বাজে তুলনা, বাজে বাজে কাব্য।

হে দিগম্বর ব্যোমকেশ, তোমার নীলামবরের নীলকমল যে লক্ষ লক্ষ তারার ফুটোয় ঝাঁজরা হয়ে গিয়েছে। তাই কি তুমিও আমারই মতন শীতে কাঁপছ? কাবুলে যে শাসন জর্দালিয়েছ তার আগুন পোষাতে পারো না?

তিনদিন তিনরাত্তির লেপের তলা থেকে পারতপক্ষে বেরইনি। চতুর্থ দিনে আবদুর রহমান অনুনয় করে বলল, ‘ওরকম একটানা শূরে থাকলে শরীর ভেঙে পড়বে সায়েব; একটু চলাফেরা করুন, গা গরম হবে।’

আমাদের দেশের গরীব কেরানীকে যেরকম ডাক্তার প্রাতঃভ্রমণ করার উপদেশ দেয়। গরীব কেরানীরই মতন আমি ‘চি’ ‘চি’ করে বললুম, ‘বড় ক্ষিধে পায় যে। শূরে থাকলে ক্ষিদে কম পায়।’

ডাক্তার করলে আমি তাকে বাড়ি থেকে তাড়িয়ে দেব এ কথা আবদুর রহমান জানত বলেই সে তখনো রাইফেল নিয়ে রাজভোগের সন্ধ্যানে বেরোয়নি। আবদুর রহমান মাথা নিচু করে চুপ করে চলে গেল।

বেরাল পারতপক্ষে বাগুভিটা ছাড়ে না। তিনদিন ধরে আমার বেরাল দুটো না-পাত্তা। তার থেকে বুলুম, আমার প্রতিবেশীরা নিশ্চয়ই আমার চেয়ে ভালো খাওয়াদাওয়া করছে। তারা বিচক্ষণ, রাষ্ট্রবিপ্লবে ওকিবহাল। গোলমালের গোড়ার দিকেই সবকিছু কিনে রেখেছিল।

শীতের দেশে নাকি হাতী বেশীদিন বাঁচে না। ভবু আমানউল্লা শখ করে একটা হাতী পুষেছিলেন। কাবুলে কলাগাছ আনারসগাছ বনবাদাড় নেই বলে সে কালো হাতীকে পুষতে প্রায় সাদা হাতী পোষার খচাই লাগত। কাবুলে তখন কাঠের অভাব; তাই হাতী-ঘরে আর আগুন জ্বালানো হত না। বাচ্চার ডাকাত ভাই বেরাদরের শখ চেপেছে হাতী চাপার। সেই দুর্দান্ত শীতে তারা হাতীকে বের করেছে চড়ে নগরপ্রদক্ষিণ করার জন্য। তাকিয়ে দেখি হাতীর চোখের কোণ থেকে লম্বা লম্বা আইসিক্ল বা বরফের ছুঁচ ঝুলছে—হাতীর চোখের আর্দ্রতা জমে গিয়ে।

আমি জানতুম, হাতীটা ত্রিপুরা থেকে কেনা হয়েছিল। ত্রিপুরার সঙ্গে সিলেটের বিয়ে-সাদী লেন-দেন বহুকালের—সিলেটের জমিদার খুন করে ফেরারী হলে চিরকালই ত্রিপুরার পাহাড়ে টিপরাদের মধ্যে আশ্রয় নিয়েছে।

হাতীটার কণ্ঠ আমার বুকে বাজলো। তখন মনে পড়ল রেম্বাকের চাষা বন্দুকগুলী অগ্রাহ্য করে ট্রেণের ভিতর থেকে উঠে দাঁড়িয়েছিল, জখমী ঘোড়াকে গুলী করে মেরে তাকে তার যন্ত্রণা থেকে নিষ্কৃতি দেবার জন্য।

কুকুরের চোখেমুখে বেদনা সহজেই ধরা পড়ে। হাতীকে কাতর হতে কেউ কখনো দেখিনি, তাই তার বেদনাবোধ যখন প্রকাশ পায় তখন সে দৃশ্য বড় নিদারুণ।

আমানউল্লার বিস্তর মোটরগাড়ি ছিল। বাচ্চার সঙ্গীসাথীরা সেই মোটরগুলো চড়ে চড়ে তিনদিনের ভিতর সব পেট্রল শেষ করে দিল। শহরের সর্বত্র এখন দামী দামী মোটর পড়ে আছে—যেখানে যে-গাড়ির পেট্রল শেষ হয়েছে বাচ্চার ইয়াররা সেখানেই সে গাড়ি ফেলে চলে গিয়েছে। জানালার কাঁচ পর্যন্ত ভুলে দিয়ে যাননি বলে গাড়িতে বৃষ্টি বরফ ঢুকছে; পাড়ার ছেলোপিলেরা গাড়ি নিয়ে ধাক্কাধাক্কি করতে দু'একটা নদ'মায় কাত হয়ে পড়ে আছে।

আমাদের বাড়ির সামনে একখানা আনকোরা বীলুইক ঝলমল করছে। আবদুর রহমানের ভারী শখ গাড়িখানা বাড়ির ভিতরে টেনে আনার। বিদ্রোহ শেষ হলে চড়বার ভরসা সে রাখে।

আমানউল্লা তো সেই কোন্ ফরাসী রাজার মত 'আপ্রে মওয়া লা দেলুজ' (হম্ গরা জগ গয়া) বাল কান্দাহার পালালেন,—আবদুর রহমান বলে, 'আপ্রে লা দেলুজ, অতমবিল' (বন্যার পর পলিমার্টি)।

আমাদের কাছে যেমন সব ব্যাটা গোরার মুখ একরকম মনে হয়, আবদুর রহমানের-কাছে তেমন সব মোটরের এক চেহারা। কিছুতেই

স্বীকার করবে না যে, 'দৈল্যাজের' পর রাজবাড়ির লোক চোরাই-গাড়ির সন্ধানে বেরিয়ে গাড়িখানা চিনে নিয়ে সেখানা পুরবে গাড়ায়ে আর তাকে পুরবে জেলে।

অপ্টিমিস্ট।

কাবুলে প্রায়ই ভূমিকম্প হয়। অনেকটা শিলঙের মত। হলে সবাই ছুটে ঘর থেকে বেরোয়।

দুপুরবেলা জোর ভূমিকম্প হল। আমি আর মৌলানা দুই খাটে শয়ে ধুঁকছি। কেউ খট ছেড়ে বেরলুম না।

একচল্লিশ

যেন অসুস্থান মহাকাল ভ্যাজর ভ্যাজর করার পর এক ভাষণ-বিলাসী আপন বক্তৃতা শেষ করে বললেন, 'আপনাদের অনেক মূল্যবান সমগ্র অজ্ঞানতে নষ্ট করে ফেলোঁছি বলে মাপ চাইছি। আমার সামনে ঘড়ি ছিল না বলে সময়ের আন্দাজ রাখতে পারিনি।' শ্রোতাদের একজন চটে গিয়ে বলল, 'বিস্তু সামনের দেয়ালে যে ক্যালেন্ডার ছিল, তার কি? সেদিকে তাকালে না কেন?'

মৌলানা আর আমি বহুদিন হল ক্যালেন্ডারের দিকে তাকানো বন্ধ করে দিয়েছি। তবে জমে-যাওয়া হাড় ক্ষণে ক্ষণে স্মরণ করিয়ে দেয় যে, এখনো শীতকাল।

ইতিমধ্যে ফরাসী, জার্মান প্রভৃতি বিদেশী পুরুষেরা ভারতীয় প্রেনে কাবুল ত্যাগ করেছেন—স্ট্রীলোকেরা তো আগেই চলে গিয়েছিলেন। শেষটায় শুনলুম ভারতীয় পুরুষদের কেউ কেউ স্যার ফ্রান্সিসের ফেবারে সদদেশে চলে যেতে পেরেছেন। আমার নামে তো ঢোরা, কাজেই মৌলানাকে বললুম, তিনি যদি খেনে চাপবার মোকা পান তবে যেন পিছন পানে না তাকিয়ে যুঁধিষ্ঠরের মত সোজা পিতুলোক চলে যান। অনুরূপ যদি অনুরূপ হবার সুবিধে না পায় তবে তার জন্য অপেক্ষা করলে ফল পিতুলোকে প্রত্যাগমন না হয়ে পিতুলোকে মহাপ্রলাপই হবে। চাণক্য বলেছেন, উৎসরে ব্যসনে এবং রাষ্ট্রবিপ্লবে যে কাছে দাঁড়ায় সে বাস্কব। এস্থলে সে নীতি প্রযোজ্য নয়, কারণ, চাণক্য সদদেশে রাষ্ট্রবিপ্লবের কথাই ভাবছিলেন, বিদেশের চক্রব্যূহের খাঁচায় ইঁদুরের মত না থেয়ে মরবার উপদেশ দেননি।

অল্প অল্প জ্বরের অবচেতন অবস্থায় দেখি দরজা দিয়ে উর্দিপরা এক বিরাট মূর্তি ঘরে ঢুকছে। দুর্বল শরীর, মনও দুর্বল হয়ে গিয়েছে। ভাবলুম বাচ্চায়ে সকাওয়ারে জল্লাদই হবে; আমার সন্মানে এখন আর আসবে কে ?

নাঃ। জর্মন রাজদুতাবাসের পিয়ন। কিন্তু আমার কাছে কেন ? ওদের সঙ্গে তো আমার কোনো দহরম-মহরম নেই। জর্মন রাজদুত আমাকে এই দুর্দিনে নিমন্ত্রণই বা করবেন কেন ? আবার পইপই করে লিখেছেন, বড় জরুরী এবং পত্রপাঠ যেন আসি।

দু'মাইল বরফ ভেঙে জর্মন রাজদুতাবাস। যাই কি করে, আর গিয়ে হবেই বা কি ? কোনো কতি যে হতে পারে না সে-বিষয়ে আমি নিশ্চিত, কারণ আমি বসে আছি সিঁড়ির শেষ ধাপে, আমাকে লাথি মারলেও এর নিচে আমি নামতে পারি না।

শেষটার মৌলানার ধাক্কাধাক্কিতে রওয়ানা হলুম।

জর্মন রাজদুতাবাস যাবার পথ সুদিনে অভিসারিকাদের পক্ষে বড়ই প্রশস্ত—নির্জন, এবং বনবাঁধিকার ঘনপল্লবে মর্ম্মিত। রাস্তার একপাশ দিয়ে কাবুল নদী এংকেবেংকে চলে গিয়েছে; তারই রসে সিক্ত হয়ে হেথায় নব-কুঞ্জ, হোথায় পঞ্চ চিনার। নিতান্ত অরসিকজনও কল্পনা করে নিতে পারে যে লুকোচুরির রসকেলির জন্য এর চেয়ে উত্তম বন্দোবস্ত মানুষ চেষ্টা করেও করতে পারত না।

কিন্তু এ-দুর্দিনে সে-রাস্তা চোরডাকাতের বেহেশৎ, পদাতিকের গোরস্তান।

আবদুর রহমান বেরবার সময় ছোট পিস্তলটা জোর করে ওভারকোটের পকেটে পুরে দিয়েছিল। নিতান্ত ফিচেল চোর হলে এটা কাজে লেগে যেতেও পারে।

এসব রাস্তায় হাঁটতে হয় সগর্বে, সদস্তে ডাইনেবাঁয়ে না তাকিয়ে, মাথা খাড়া করে। কিন্তু আমার সে তাকত কোথায় ? তাই শিস দিয়ে দিয়ে চললুম এমনি কাগদায় যেন আমি নিত্যনিত্য এ-পথ দিয়ে যাওয়া আসা করি।

পথের শেষে পাহাড়। বেশ উচুতে রাজদুতাবাস। সে-চড়াই ভেঙে যখন শেষটার রাজদুতের ঘরে গিয়ে ঢুকলুম তখন আমি ভিজে ন্যাকড়ার মত নৈতিয়ে পড়েছি। রাজদুত মুখের কাছে রান্ডির গেলাশ ধরলেন। এত দুঃখেও আমার হাসি পেল, মুসলমান মরবার পূর্বে মদ খাওয়া ছাড়ে, আমি মরবার আগে মদ ধরব নাকি ? মাথা নাড়িয়ে অসম্মতি জানালুম।

জর্মনরা কাজের লোক। ভণিতা না করেই বললেন, 'বেনওয়া সায়েবের

মুখে শোনা, আপনি নাকি জর্মানিতে পড়তে বাবার জন্য টাকা কামাতে এদেশে এসেছিলেন ?’

‘হ্যাঁ।’

‘আপনার সব টাকা নাকি এক ভারতীয় মহাজনের কাছে জমা ছিল, এবং সে নাকি বিপ্লবে মারা যাওয়ায় আপনার সব টাকা খোয়া গিয়েছে ?’

আমি বললাম, ‘হ্যাঁ।’

রাজদূত খানিকক্ষণ ভাবলেন। তারপর জিজ্ঞাসা করলেন, ‘আপনি বিশেষ করে কেন জর্মানিতেই বেতে চেয়েছিলেন, বলুন তো।’

আমি বললাম, ‘শান্তিনিকেতন লাইব্রেরীতে কাজ করে ও বিশ্বভারতীর বিদেশী পণ্ডিতদের সংসর্গে এসে আমার বিশ্বাস হয়েছে যে, উচ্চশিক্ষার জন্য আমার পক্ষে জর্মানিই সবচেয়ে ভালো হবে।’

এ ছাড়া আরো একটা কারণ ছিল, সেটা বললে না।

রাজদূতেরা কখন খুশী কখন বেজার হব সেটা বোঝা গেলে নাকি তাঁদের চাকরী যায়। কাজেই আমি তাঁর প্রশ্নের কারণের ভাল ধরতে না পেরে, বাঁয়াতবলা কোলে নিয়ে বসে রইলাম।

বললেন, ‘আপনি ভাববেন না এই ক’টি খবর সঠিক জানবার জন্যই আপনাকে কণ্ট দিয়ে এখানে আনিয়েছি। আমি শুধু আপনাকে জানাতে চাই, আমা দ্বারা যদি আপনার জর্মনি যাওয়ার কোনো সুবিধা হয় তবে আমি আপনাকে সে সাহায্য আনন্দের সঙ্গে করতে প্রস্তুত। আপনি বলুন, আমি কি প্রকারে আপনার সাহায্য করতে পারি ?’

আমি অনেক ধন্যবাদ জানালুম। রাজদূত উত্তরের অপেক্ষায় বসে আছেন, কিন্তু আমার চোখে কোনো পছন্দই ধরা দিচ্ছে না। হঠাৎ মনে পড়ে গেল—খোদা আছেন, গুরু আছেন—বললাম, ‘জর্মনি সরকার প্রতি বৎসর দু’-একটি ভারতীয়কে জর্মানিতে উচ্চশিক্ষার জন্য বৃত্তি দেন। তারই একটা যদি যোগাড় করে দিতে পারেন তবে—’

বাধা দিয়ে রাজদূত বললেন, ‘জর্মনি সরকার যদি একটি মাত্র বৃত্তি একজন বিদেশীকেও দেন তবে আপনি সেটি পাবেন, আমি কথা দিচ্ছি।’

আমি অনেক ধন্যবাদ জানিয়ে বললাম, ‘পোর্টেট টেগোরের কলেজে আমি পড়েছি, তিনি খুব সম্ভব আমাকে সার্টিফিকেট দিতে রাজী হবেন।’

রাজদূত বললেন, ‘তাহলে আপনি এত কণ্ট করে কাবুল এলেন কেন? টেগোরকে জর্মানিতে কে না চেনে ?’

আমি বললাম, ‘কিন্তু পোর্টেট সবাইকে অকাতরে সার্টিফিকেট দেন। এমন কি এক তেল-কোম্পানীকে পর্যন্ত সার্টিফিকেট দিয়েছেন যে, তাদের তেল ব্যবহার করলে নাকি টাকে চুল গজায়।’

রাজদূত মৃদুহাস্য করে বললেন, 'টেগোর, বড় কবি জানতুম, কিন্তু এত সহৃদয় লোক সে-কথা জানতুম না।'

অন্য সময় হলে হয়ত এই খেই ধরে 'জর্মনিতে রবীন্দ্রনাথ' প্রবন্ধের মালমশলা যোগাড় করে নিতুম, কিন্তু আমার দেহ তখন বাড়ি ফিরে খাটে শোবার জন্য আঁকুবাঁকু লাগিয়েছে।

উঠে দাঁড়িয়ে বললুম, 'এ দুর্দিনে যে আপনি নিজের থেকে আমার অনুসন্ধান করেছেন তার জন্য আপনাকে ধন্যবাদ দেবার মত ভাষা আমি খুঁজে পাচ্ছি। বৃত্তি হলে ভালো, না হলেও আমি সরে নিতে পারব। কিন্তু আপনার সৌজন্যের কথা কখনো ভুলতে পারব না।'

রাজদূতও উঠে দাঁড়ালেন। শেকহ্যান্ডের সময় হাতে সহৃদয়তার চাপ দিয়ে বললেন, 'আপনি নিশ্চয়ই বৃত্তিটা পাবেন। নিশ্চিন্ত থাকুন।'

দুতাবাস থেকে বেরিয়ে বাড়িটার দিকে আরেকবার ভালো করে তাকালুম। সমস্ত বাড়িটা আমার কাছে যেন মধুময় বলে মনে হল। তাঁথের উৎপত্তি কি করে হয় সে-সম্বন্ধে আমি কখনো কোনো গবেষণা করিনি; আজ মনে হল, সহৃদয়তা, করুণা মৈত্রীর সন্ধান যখন এক মানুষ অন্য মানুষের ভিতর পায় তখন তাঁকে কখনো মহাপুরুষ কখনো 'অবতার' কখনো 'দেবতা' বলে ডাকে এবং তাঁর পাদপীঠকে জড় জেনেও পুণ্যতীর্থ নাম দিয়ে অঞ্জরামর করে তুলতে চায়। এবং সে-বিচারের সময় মানুষ উপকারের মাত্রা দিয়ে কে 'মহাপুরুষ' কে 'দেবতা' সে-কথা যাচাই করে না, তার স্পর্শকাতর হৃদয় তখন কৃতজ্ঞতার বন্যায় সব তর্ক সব বৃত্তি সব পরিপ্রেক্ষিত, সব পরিমাণজ্ঞান ভাসিয়ে দেয়।

শুধু একটি পরিমাণজ্ঞান আমার মন থেকে তখনো ভেসে যাবনি এবং কস্মিনকালেও যাবে না—

যে ভদ্রলোক আমাকে এই দুর্দিনে স্মরণ করলেন তিনি রাজদূত, স্যার ফ্রান্সিস হামফ্রিসও রাজদূত।

কিন্তু আর না। ভাবপ্রবণ বাঙালী একবার অনুভূতিগত বিষয়বস্তুর সন্ধান পেলে মূলে বক্তব্য বেবাক ভুলে যায়।

তিতিফু পাঠক, এস্থলে আমি করজোড়ে আপনার কাছে ক্ষমা চাইছি। জর্মন রাজদূতের সঙ্গে আমার যোগাযোগের কাহিনীটা নিতান্ত ব্যক্তিগত এবং তার বয়ান ভ্রমণ-কাহিনীতে চাপানো বৃত্তিযুক্ত কিনা সে-বিষয়ে আমার মনে বড় দ্বিধা রয়ে গিয়েছে। কিন্তু ব্যক্তিগত অভিজ্ঞতার যে হিরন্ময় পাত্রে সত্যস্বরূপ রস লুক্কায়িত আছেন তাঁর ব্যক্তি-হরণ আপন চাকচিক্য দিয়ে আমার চোখ এমনি ধাঁধিয়ে দিয়েছে যে, তাই দেখে

আমি মূর্খ, সে-পদুষণ কোথায় যিনি পাত্রখানি উন্মোচন করে আমার সামনে নৈর্ব্যক্তিক, আনন্দঘন, চিরন্তন রসসত্তা তুলে ধরবেন ?

বিপ্লবের একাদশী, ইংরেজ রাজদূতের বিদ্রোহ বর্বরতা, জার্মান রাজদূতের অবাচিত অনুগ্রহ অনায়াস বৈরাগ্যে নিরীক্ষণ করা তো আমার কর্ম নয়।

জার্মান রাজদূতাবাস থেকে বেরিয়ে মনে পড়লো, বারো বৎসর পূর্বে আফগানিস্থান যখন পরাধীন ছিল তখন আমীর হবীবউল্লা রাজা মহেন্দ্র-প্রতাপকে এই বাড়িতে রেখে অতিথি সংকার করেছিলেন। এই বাড়ির পাশেই হিন্দুস্থানের সম্রাট বাবুর বাদশার কবর। সে-কবর দেখতে আমি বহুবার গিয়েছি, আজ যাবার কোনো প্রয়োজন ছিল না। কিন্তু কেন জানিনে, পা দুখানা আমাকে সেই দিকেই টেনে নিয়ে গেল।

খোলা আকাশের নিচে কয়েকফালি পাথর দিয়ে বানানো অত্যন্ত সাদাসিধে কবর। মোগল সরকারের নগণ্যতম মুহুরিরের কবরও হিন্দুস্থানে এর চেয়ে বেশী জৌলুশ ধরে। এ কবরের তুলনার পুত্র হুমায়ূনের কবর তাজমহলের বাড়া। আর আকবর জাহাঙ্গীর যে-সব স্থাপত্য রেখে গিয়েছেন সে সব তো বাবুরের সদৃশও ছাড়িয়ে যায়।

বাবুরের আত্মজীবনী যাঁরা পড়েছেন তারা এই কবরের পাশে দাঁড়ালে যে অনুভূতি পাবেন সে-অনুভূতি হুমায়ূন বা শাহজাহানের কবরের কাছে পাবেন না। বাবুর মোগলবংশের পত্তন করে গিয়েছেন এবং আরো বহু, বহু, বীর বহু, বহু, বংশের পত্তন করে গিয়েছেন কিন্তু বাবুরের মত সুসাহিত্যিক রাজা-রাজড়াদের ভিতর তো নেই-ই সাধারণ লোকের মধ্যেও কম। এবং সাহিত্যিক হিসেবে বাবুর ছিলেন অত্যন্ত সাধারণ মাটির মানুষ এবং সেই তত্ত্বটি তাঁর আত্মজীবনীর পাতায় পাতায় বার বার ধরা পড়ে। কবরের কাছে দাঁড়িয়ে মনে হয় আমি আমারই মত মাটির মানুষ, যেন এক আত্মজনের সমাধির কাছে এসে দাঁড়িয়েছি।

আমাদের দেশের একজন ঐতিহাসিক সীজারের আত্মজীবনীর সঙ্গে বাবুরের আত্মজীবনীর তুলনা করতে গিয়ে প্রথমটির প্রশংসা করেছেন বেশী। তাঁর মতে বাবুরের আত্মজীবনী এশ্রণীর লেখাতে দ্বিতীয় স্থান পায়। আমি ভিন্ন মত পোষণ করি। কিন্তু এখানে সে তর্ক জুড়ে পাঠককে আর হররান করতে চাইনে। আমার বক্তব্য শুধু এইটুকু : দুটি আত্মজীবনীই সাহিত্যসৃষ্টি, নীরস ইতিহাস নয়। এর মধ্যে ভালোমন্দ বিচার করতে হলে ঐতিহাসিক হবার কোনো প্রয়োজন নেই। যে-কোনো রসজ্ঞ পাঠক নিজের মূখেই ঝাল খেয়ে নিতে পারবেন। তবে আপসোস শুধু এইটুকু, বাবুর তাঁর কেতাব জগতাই তুর্কীতে ও সীজার লাতিনে লিখেছেন বলে বই দু'খানি মূলে পড়া আমাদের পক্ষে সোজা

নয়। সান্ত্বনা এইটুকু যে, আমাদের লক্ষপ্রতিষ্ঠ ঐতিহাসিকও কেতাব
দু'খানা অনুবাদে পড়েছেন।

পূর্বেই বলেছি কবরটি অত্যন্ত সাদামাটা এবং এতই অলঙ্কারবির্জিত
যে, তার বর্ণনা দিতে পারেন শূন্য জবরদস্ত আলঙ্কারিকই। কারণ, বাবুর
তার দেহাঙ্গি কিভাবে রাখা হবে সে সম্বন্ধে এতই উদাসীন ছিলেন যে,
নূর-ই-জহানের মত

‘গরীব-গোরে দীপ জেদল না ফুল দিও না

কেউ ভুলে—

শামা পোকোর না পোড়ে পাখ, দাগা না পায়

বুলবুলে।’

(সত্যেন্দ্রনাথ দত্ত)

কবিত্ব করেননি, বা জহান-আরার মত

বহমূল্য আভরণে করিয়ে না সুসজ্জিত

কবর আমার

তৃণ শ্রেষ্ঠ আভরণ দীনা আত্মা জাহান-আরা

সম্রাট কন্যার।*

বলে পাঁচজনকে সাবধান করে দেবার প্রয়োজনও বোধ করেননি। তবে
একথা ঠিক, তিনি তাঁর শেষ শয্যা যেমন কর্মভূমি গ্রহণ করতে চাননি
ঠিক তেমনই জন্মভূমি ফরগনাকেও মৃত্যুকালে সমরণ করেননি।

যীশুখ্রীষ্ট বলেছেন—

“The foxes have holes and the birds of the air have nest ;
but the Son of man hath not where to lay his head.”

রবীন্দ্রনাথও বলেছেন—

বিশ্বজগৎ আমারে মাগিল

কে মোর আত্মপর ?

আমার বিধাতা আমাতে জাগিল

কোথায় আমার ঘর ?

জীবিতাবস্থায়ই যখন মহাপুরুষের আশ্রয়স্থল নেই তখন মৃত্যুর পর
তার জন্মভূমিই বা কি আর মৃত্যুস্থলই বা কি ?

ইংরিজী ‘সাভে’ কথাটা গুজরাতীতে অনুবাদ করা হয় ‘সিংহাব-
লোকন’ দিয়ে। ‘বাবুর’ শব্দের অর্থ সিংহ। আমার মনে হল এই উঁচু
পাহাড়ের উপর বাবুরের গোর দেওয়া সার্থক হয়েছে। এখান থেকে
সমস্ত কাবুল উপত্যকা, পূর্বে ভারতমুখী গিরিশ্রেণী, উত্তরে ফরগনা
বাবার পথে হিন্দুকুশ, সবকিছু ডাইনেবাঁয়ে ঘাড় ঘুরিয়ে সিংহাবলোকনে
দেখছেন সিংহরাজ বাবুর।

* অনুবাদের নাম ভুলে যাওয়ার তাঁর কাছে লজ্জিত আছি।

নেপোলিয়নের সমাধি-আস্তরণ নির্মাণ করা হয়েছে মাটিতে গর্ত' করে সমতলভূমির বেশ খানিকটা নিচে। স্থপাতিকে এরকম পরিকল্পনা করার অর্থ বোঝাতে অনুরোধ করা হলে তিনি উত্তরে বলেছিলেন, 'যে-সম্রাটের জীবিতাবস্থায় তাঁর সামনে এসে দাঁড়ালে সকলকেই মাথা হেঁট করতে হত, মৃত্যুর পরও তাঁর সামনে এলে সব জাতিকে যেন মাথা নিচু করে তাঁর শেষশয্যা দেখতে হয়।

ফরগনার গিরিশিখরে দাঁড়িয়ে যে-বাবুর সিংহাবলোকন দিয়ে জীবন-যাত্রা আরম্ভ করেছিলেন, যে-সিংহাবলোকনদক্ষতা বাবুরের শিরে হিন্দু-স্থানের রাজমুকুট পরিয়েছিল, সেই বাবুর মৃত্যুর পরও কি সিংহাবলোকন করতে চেয়েছিলেন ?

জীবনমরণের মাঝখানে দাঁড়িয়ে তাই কি বাবুর কাবুলের গিরিশিখরে দেহাস্থি রক্ষা করার শেষ আদেশ দিয়েছিলেন ?

কিন্তু কি পরস্পরবিরোধী প্রলাপ বকাছি আমি ? একবার বলছি বাবুর তাঁর শেষশয্যা সম্বন্ধে উদাসীন ছিলেন, আর তার পরকণ্ঠেই ভাবছি মৃত্যুর পরও তিনি তাঁর বিহারস্থলের সম্মোহন কাটিয়ে উঠতে পারেননি। তবে কি মানুষের চিন্তা করার কল মগজে নয়, সেটা কি পেটে ? না-খেতে পেয়ে সে যন্ত্র স্টিয়ারিং ভাঙা মোটরের মত চতুর্দিকে এলোপাতাড়ি ছুটোছুটি লাগিয়েছে ?

পিছন ফিরে শেষ বারের মত কবরের দিকে তাকাতে আমার মনের সব স্বপ্নের অবসান হল। বরফের শূন্য কমরলে ঢাকা ফকীর বাবুর খোদা-তালার সামনে সজ্জা (ভূমিষ্ঠ প্রণাম) নিয়ে যেন অন্তরের শেষ কামনা জানাচ্ছেন। কী সে কামনা ?

ইংরেজ-ধর্ষিত ভারতের জন্য মুক্তি-মোক্ষ-নজাত কামনা করছেন।

শিবাজী-উৎসবে গুরুদেব গেল্পেছিলেন,

'মৃত্যু সিংহাসনে আজি বসিয়াছে অমর মুরতি

সম্মুখত ভালে

যে রাজ কিরীট শোভে লুকাবে না তার দিব্যজ্যোতি

কভু কোনো কালে।

তোমারে চিনেছি আজি চিনেছি চিনেছি হে রাজন,

তুমি মহারাজ

তব রাজকর লয়ে আট কোটি বঙ্গের নন্দন

দাঁড়াইবে আজ ॥'

প্রথম সেটি আবৃত্তি করলুম; তারপর কুরান শরীফের আয়াত পড়ে, পরলোকগত আত্মার সদগতির জন্য মোনাজাত করে পাহাড় থেকে নেমে নিচে 'বাবুরশাহ' গ্রামে এলুম।

শুনেছি মানস-সরোবর বাবার পথে নাকি তীর্থযাত্রীরা অসহ্য কষ্ট সত্ত্বেও মরে না,—যে ফেরার পথে—শীত, বরফ, পাহাড়ের চড়াই-ওংরাই সহ্য হয়ে যাওয়া সত্ত্বেও। তখন নাকি তাদের সম্মুখে আর কোনো কাম্যবস্তু থাকে না বলে মনের ছোর একদম লোপ পেয়ে যায়। ফিরে তো যেতে হবে সেই আপন বাসভূমে, দেনানন্দন দুঃখযন্ত্রণা, আশা নিরাশার একটানা জীবনপ্রোতে। এ-বিরাট অভিজ্ঞতার পর সে-পতন এতই ভয়াবহ বলে মনে হয় যে, তখন সামান্যতম সংকটের সামনে তীর্থযাত্রী ভেঙে পড়ে আর বরফের বিছানায় সেই যে শুয়ে পড়ে তার থেকে আর কখনো ওঠে না।

আমার পা আর চলে না। কোমর ভেঙ্গে পড়ছে। মাথা ঘুরছে।

শীতে হাতপায়ের আঙ্গুলের ডগা জমে আসছে। কান আর নাক অনেকক্ষণ হল সম্পূর্ণ অচেতন হয়ে গিয়েছে। জোরে হেঁটে যে গা গরম করব সে শক্তি আমার শরীরে আর নেই।

নির্জন রাস্তা। হঠাৎ মোড় ঘুরতেই সামনে দেখি উল্টো দিক থেকে আসছে গোটা আন্টেক উদাঁপরা সেপাই। ভালো করে না তাকিয়েই বৃষ্টিতে পারলুম, এরা বাচ্চায়ে সকাওয়ার দলের ডাকাত—আমানউল্লাহ পলাতক সৈন্যদের ফেলে দেওয়া উদাঁপরে নয়। শাহানশাহ বাদশার ভূঁইফোঁড় ফৌজের গণ্যমান্য সদস্য হয়েছেন। পিঠে চকচকে রাইফেল ঝোলানো, কোমরে বুলেটের বেল্ট আর চোখেমুখে যে ক্রুর, লোলুপ ভাব, তার সঙ্গে তুলনা দিতে পারি এমন চেহারা আমি জেলের বাইরে ভিতরে কোথাও দেখিনি। জীবনের বেশীর ভাগ এরা কাটিয়েছে লোকচন্দুর অন্তরালে, হয় গোরস্তানে, নয় পর্বতগুহার আধাআলো-অন্ধকারে। পুঞ্জীভূত আশঙ্ক পুরীষস্তুপকে শূকর উল্টেপাশেট দিলে যে বীভৎস দুর্গন্ধ বেরোর, রাষ্ট্রবিপ্লবে উৎক্ষিপ্ত এই দস্যুদল আমার সামনে সেই রূপ সেই গন্ধ নিয়ে আত্মপ্রকাশ করল।

ডাকাতগুলোর গায়ে ওভারকোট নেই। সেই লোভেতেই তো তারা আমাকে খুন করতে পারে। নির্জন রাস্তায় নিরীহ পথিককে খুন করে তার সবকিছু লুটে নেওয়া তো এদের কাছে কোনো নতুন পুণ্যসঞ্চয় নয়।

আমার পালাবার শক্তি নেই, পথও নেই। তার উপরে আমি গাঁয়ের ছেলে। বাঘ দেখলে পালাই, কিন্তু বুনো শূয়োরের সামনে থেকে পালাতে কেমন যেন ঘেন্না বোধ হয়। পালাই অবশ্য দুই অবস্থাতেই।

আমার থেকে ডাকাতরা যখন প্রায় দশ গজ দূরে তখন তাদের সর্দার হঠাৎ হুকুম দিল 'দাঁড়া!' সঙ্গে সঙ্গে আটজন লোক ডেড হুন্ট করলো। দলপতি বলল, 'নিশান কর!' সঙ্গে সঙ্গে আটখানা রাইফেলের গোল ছ'গাদা আমার দিকে স্থিরদৃষ্টিতে তাকালো।

ততক্ষণে আমিও থমকে দাঁড়িয়েছি কিন্তু তারপর কি হয়েছিল আমার আর ঠিক ঠিক মনে নেই।

আমার স্মরণশক্তির ফিল্ম পরে বিশ্বর ডেভালাপ করেও তার থেকে এতটুকু আঁচড় বের করতে পারিনি। আমার চৈতন্যের শাটার তখন বিলকুল বন্ধ হয়ে গিয়েছিল বলে মনের সুপার ডবল এক্সও কোন ছবি তুলতে পারিনি।

আটখানা রাইফেলের অককোটর আমার দিকে তাকিয়ে আর আমি ঠার দাঁড়িয়ে, এ দৃশ্যটা আমি তারপর বারকয়েক স্বপ্নেও দেখেছি, কাজেই আজ আর হালপ করে বলতে পারব না কোন ঘটনা কোন চিন্তাটা সত্যি 'বাবুর শাহ' গ্রামের কাছে বাস্তবে ঘটেছিল আর কোনটা স্বপ্নের কল্পনা মাত্র।

আবছা আবছা শব্দ, একটি কথা মনে পড়ছে, কিন্তু আবার বলছি হালপ করতে পারব না।

আমার ডান হাত ছিল ওভারকোটের পকেটে ও তাতে ছিল আবদুর রহমানের গুঞ্জ দেওয়া ছোট পিস্তলটি। একবার বোধ করি লোভ হয়েছিল সেই পিস্তল বের করে অন্তত এক ব্যাটা বদমাইশকে খুন করার। মনে হয়েছিল, মরব যখন নিশ্চয়ই তখন স্বর্গে বাবার পুণ্যটাও জীবনের শেষ মূহুর্তে সঞ্চার করে নিই।

আজ আমার আর দুঃখের সীমা নেই, কেন সেদিন গুলী করলুম না।

'পাগলা বাদশা মুহম্মদ তুগলক তাঁর প্রজাদের ব্যবহারে, এবং প্রজারা তাঁর ব্যবহারে এতই তিতাবিরক্ত হয়ে উঠেছিল যে, তিনি যখন মারা গেলেন তখন তুগলকের সহচর ঐতিহাসিক জিয়াউদ্দীন বরনী বলেছিলেন, 'মৃত্যুর ভিতর দিয়ে বাদশা তাঁর প্রজাদের হাত থেকে নিষ্কৃতি পেলেন, প্রজারা বাদশার হাত থেকে নিষ্কৃতি পেল।'

সেদিন পুণ্যসঞ্চারের লোভে যদি গুলী চালাতুম তাহলে সংসারের পাঁচজন আমার হাত থেকে নিষ্কৃতি পেতেন, আমিও তাঁদের হাত থেকে নিষ্কৃতি পেতুম।

হঠাৎ শব্দই অটুহাস্য। 'তরসীদ', 'তরসীদ', সবাই চেঁচিয়ে বলছে, 'তরসীদ'—অর্থাৎ 'ভয় পেয়েছে, ভয় পেয়েছে, লোকটা ভয় পেয়েছে রে।' আর সঙ্গে সঙ্গে সবাই হেসে কুটকুটি। কেউ মোটা গলায় খক্ খক্ করে, কেউ বন্দুকটা বগলদাবায় চেপে খ্যাঁক খ্যাঁক করে, কেউ ড্রইংরুমবিহারিণীদের মত দু'হাত তুলে কলরব করে আর দু'-একজন আমার দিকে তাকিয়ে নিঃশব্দ মিটমিটিয়ে।

একজন হেঁড়ে গলায় বলল, 'এই মুরগিটাকে মারার জন্য আটটা বুলেটের বাজে খর্চা। ইয়া আল্লা !'

আমার দৈর্ঘ্যপ্রস্থের বর্ণনা দেব না, কারণ গড়পড়তা বাঙালীকে 'মুরগি' বলার হক্ এদের আছে।

'মুরগি' হই আর মোরগই হই আমি কসাইয়ের হাত থেকে খালাস পাওয়া মুরগির মত পালাতে বাচ্ছিলুম, কিন্তু পেটের ভিতর কি রকম একটা অস্বস্ত ব্যথা আরম্ভ হরে যাওয়াতে অতি আন্তে আন্তে বাড়ির দিকে চলতে আরম্ভ করলুম।

আফগান রসিকতা হাস্যরস না রুস্তরসের পর্যায়ে পড়ে সে বিচার আলংকারকেরা করবেন। আমার মনে হয় রসটা বীভৎসতা-প্রধান বলে 'মহামাংসের' ওজনে এটাকে 'মহারস' বলা যেতে পারে।

কিন্তু এই আমার শেষ পরীক্ষা নয়।

বাড়ি থেকে ফাল্গুনখানেক দূরে আরেকদল ডাকাতের সঙ্গে দেখা; কিন্তু এদের সঙ্গে নতুন ঝকমকে রুনিফর্ম-পরা একাটি ছোকড়া অফিসার ছিল বলে বিশেষ দৃষ্টিভঙ্গি হলাম না। দলটা যখন কাছে এসেছে, তখন অফিসারের মুখের দিকে তাকিয়ে তাকে চেনা চেনা বলে মনে হল। আরে! এ-তো দু'দিন আগেও আমার ছাত্র ছিল। আর পড়াশোনায় এতই উদনং এবং আকাটমুখ ছিল যে, তাকেই আমি আমার মাস্টারী জীবনে বকাঝকা করেছি সবচেয়ে বেশী।

সেই কথাটা মনে হতেই আমি আবার আটটা রাইফেলের চোঙা চোখের সামনে দেখতে পেলুম। ডাইনে গলি ছিল; বেয়াড়া ঘুড়ির মত গোস্তা খেয়ে সেদিকে ঢুঁ দিলুম। ছেলেটা যদি দাদ ভোলার তালে থাকে, তবে অক্লা না হোক কপালে বেইজ্জতি তো নিশ্চয়ই। হে মুরশীদ, কি কুঞ্জেই না এই দৃশ্যমনের পুরীতে এসেছিলুম। হে মৌলা আলীর মেহেরবান, আমি জোড়া বকরী—

পিছনে শূনি মিলিটারি বুটের ছুটে আসার শব্দ। তবেই হয়েছে। মুরশীদ, মৌলা সকলেই আমাকে ত্যাগ করেছেন। ইংরিজী প্রবাদেরই তবে আশ্রয় নিই—'ইভ্ন দি ওয়াম টার্নস।' ঘুরে দাঁড়ালুম। ছেলেটা চেঁচাচ্ছে 'মুআল্লিম সায়েব, মুআল্লিম সাহেব।' কাছে এসে আবদুর রহমানী কায়দায় সে আমার হাতদু'খানা তুলে ধরে বার বার চুমো খেল, কুশল জিজ্ঞেস করল এবং শেষটার বেমক্লা ঘোরাঘুরির জন্য মুরদুকির মত ঈষৎ তমদীও করল। আমি 'হে হে', বিলক্ষণ, বিলক্ষণ, তা আর বলতে আল্-হম্-দুলিল্লা, আল্-হম্-দুলিল্লা তওবা তওবা' বলে গেলুম—কখনো তাগ-মাফিক ঠিক জায়গায়, কখনো ভয়ের ধকল কাটাতে গিয়ে উল্টোপাল্টা।

ফাঁড়া কেটে যাওয়ায়, আমারও সাহস বেড়ে গিয়েছে। জিজ্ঞেস করলুম, 'এ বেশ কোথায় পেলে, বৎস?'

বাবুর-শাহ পাহাড়ের মত বুক উঁচু করে বৎস বলল, 'কর্নাইল শূদ্রম্,' অর্থাৎ আমি কর্নেল হয়ে গিয়েছি।

ইয়া আল্লা! উনিশ বছর বয়সে রাতারাতি কর্নেল। আমাদের সুরেশ বিহাস—চেনার মধ্যে তো উনিই আমাদের নীলমণি—তো এত বড় কসরৎ দেখাতে পারেননি। আমার লোভ বেড়ে গেল! শূদ্রালুম, 'জেনরাইল হবার দিল্লী কতদূর?'

গস্তীরভাবে বললে, 'দূর নীন্তু।'

খুদাতালা মেহেরবান, বিপ্লবটা বড়ই পয়গম্বু।

কর্নেল সায়েব বুর্বিয়ে বললেন, 'আমীর হবীবউল্লা খান আমার পিসির দেবরের মামাশুদুর।'

সম্পর্কটা ঠিক কি বলেছিল, আমার মনে নেই, তবে এর চেয়ে ঘনিষ্ঠ নয়। আমি অত্যন্ত গর্ব করলুম; ধন্য আমার মাস্টারি, ধন্য আমার শিষ্য, ধন্য এ বিপ্লব, ধন্য এ উপহাস। আমার শিষ্য রাতারাতি কর্নেল হয়ে গেল। রবীন্দ্রনাথও ঠিক এই অবস্থায়ই গিয়েছিলেন—

‘এতদিনে জানলেম, যে কাঁদন কাঁদলেম

সে কাহার জন্য,

ধন্য এ-জাগরণ, ধন্য এ-ক্রন্দন, ধন্য রে ধন্য !’

স্থির করলুম, ফুরসৎ পাওয়া মাত্রই 'প্রবাসী'তে 'বঙ্গের বাহিরে বাঙালী' পর্যায়ে আমার কীর্তি'র খবরটা পাঠাতে হবে।

বললুম, 'তাহলে বৎস, যদি অনুমতি দাও তবে বাড়ি যাই।'

মিলিটারি কন্স্টে বলল, 'আপনাকে বাড়ি পেঁাছিরে দিচ্ছি। রাস্তায় অনেক ডাকু।' বলে অজানায় সে আপন সঙ্গীদের দিকেই তাকালো। তাই সই। দান উল্টে গিয়েছে। এখন তুমি গুরু, আমি শিষ্য।

আমাকে বাড়িতে পেঁাছিরে দিয়ে আমার বসবার ঘরে কর্নেল দু'দু'ড রসালাপ করলেন, আমানউল্লাকে শাপমনি ও মোলানাকে মিলিটারি স্ট্র্যাটেজি সম্বন্ধে তালিম দিলেন।

আমার কাছ থেকে বিদায় নিয়ে যাবার সময় কর্নেল আবদুর রহমানের খাসকামরায় ঢুকল। কাবুলের ছাত্রেরা গুরুগৃহে ভৃত্যের সঙ্গে ধূমপান করে। কিন্তু আবদুর রহমান তো বিপদে পড়ল, বহুকাল থেকে তার তামাক বাড়ন্ত। লোকটা আবার ধাপ্পা দিতে জানে না,—আমার সঙ্গে এতদিন থেকেও। কিন্তু তাতে আশ্চর্য হবারই বা কি? বনমালীও গুরুদেবের সঙ্গে বাস করে কবিতা লিখতে শেখেনি।

মোলানা বললেন, 'সমস্ত সকাল কাটালুম ব্রিটিশ লিগেশন আর বাচ্চার পররাষ্ট্র-দফতরে। কান্নাকাটিও কম করিনি। দাঁড়িতে হাত রেখে শপথ করে বললুম, 'দু'মাস হল শূকনো রুটি ছাড়া আর কিছ, পেটে

পড়েনি। আসছে পরশু থেকে সে-রুটিও আর জুটবে না।' ব্রিটিশ লিগেশনে বললুম, 'কাবুলের পিঞ্জরা থেকে মুক্তি দাও।' পররাষ্ট্র-দফতরে বললুম, 'দু'মুঠো অন্ন দাও।'

আমি বললুম, 'পররাষ্ট্র-দফতর আর মন্দির দোকান এক প্রতিষ্ঠান নাকি? তোমার উচিত ছিল বলা—

'মু'রগে সইয়াদ তু, অম্ ইফতাদে অম্, দর দামে ইশ্ক্, ।
ইয়া ব্, কুশ্, ইয়া দানা দেহ্, অজ্ কফস আজাদ কুন ॥'

'পাখির মতন বাঁধা পড়ে গেছি কঠিন প্রেমের ফাঁদ।
হয় মেরে ফেলো, নয় দানা দাও, নয় খোলো এই বাঁধ ॥'

'ভূমি তো মাত্র দুটো পন্থা বাঙলালে : হয় দানা দাও, নয় খোলে বাঁধ। তৃতীয়টা বললে না কেন? নয় মেরে ফেলো। আপ্তবাক্যের বিকলাঙ্গ উদ্ধৃতি গোবধের ন্যায় মহাপাপ।'

মৌলানা বললেন, 'তাই সই। শিক-কাবাব করে খাবো।'

শীতে ধুঁকছি, ঘেন কম্প দিবে ম্যালেরিয়া জ্বর। মাঝে মাঝে তন্দ্রা লাগছে। কখনো মনে হয় খাট থেকে পড়ে যাচ্ছি। সঙ্গে সঙ্গে পা দুটো ঝাঁকুনি দিয়ে হঠাৎ সটান লম্বা হয়ে যায়। কখনো চীৎকার করে উঠি, 'আবদুর রহমান, আবদুর রহমান।' কেউ আসে না। কখনো দেখি আবদুর রহমান খাটের বাজুতে হাত দিয়ে মাথা নিচু করে বসে; কিন্তু কই, তাকে ভো ডাকিনি। শুনিনি, যে দু'চারটে সামান্য মন্ত্র সে জানে তাই বিড়বিড় করে পড়ছে।

তার সঙ্গে দুঃস্বপ্ন; অ্যারোপ্পেনে বসে আছি, বাচ্চার ডাকাতদল আটটা রাইফেল বাগিরে ছুটে আসছে, অ্যারোপ্পেন খাম্বার জন্য, এঞ্জিন স্টার্ট নিচ্ছে না। এক সাথে আটটা রাইফেলের শব্দ। ঘুম ভেঙ্গে যায়। শুনিনি সত্যিকার রাইফেলের আওয়াজ আর চিৎকার। পাড়ায় ডাকু পড়েছে।

আর দেখি মা ইলিশমাছ ভাজছেন।

মাগো।

অন্ধকার হয়ে আসছে। আবদুর রহমান সাঁঝের পিঁদিম দেখাচ্ছে না কেন? ওঃ, ভুলেই গিয়েছিলুম, কেরোসিন ফুরিয়ে গিয়েছে। আর কী-ই বা হবে তেল দিয়ে, জীবনপ্রদীপ যখন—। চুলোর যাক্গে কবিত্ব।

কিন্তু সামনে একি? প্রকান্ড এক বাদুড়ি। তার ভিতরে আটা, রওগন,

মটন, আল, পে'রাজ, মুরগি আরো কত কি ! তার সামনে বসে ভূই-ফোর্ড কর্নেল; মিটমিটিয়ে হাসছে। ভারী বেগাদব। আর আবদুর রহমানের মুখ এত পাণ্ডাশ কেন? আমার ঘুম ভাঙছে না দেখে ভয় পেয়েছে? নাঃ, এ তো ঘুম নয়, নদ্বন্দ্বও নয় !

আবদুর রহমান বলল, 'হুজুর, কর্নেল সায়েব সওগাত এনেছেন।'

একদিনে মানুষ কত উত্তেজনা সহিতে পারে ?

আবদুর রহমান আবার তাড়াতাড়ি বলল, 'হুজুর, আমাকে দোষ দেবেন না, আমি কিছুর বলিনি।'

কর্নেল বলল, 'হুজুর যে কত কষ্ট পেয়েছেন তা আপনার চেহারা থেকেই বুঝতে পেরেছি। কিন্তু সবই খুদাতালার মরজি। এখন খুদাতালার মরজিতেই আপনার সঙ্গে আমার দেখা হয়ে গেল ! আপনি যে আমাকে কত স্নেহ করতেন, সে-কথা কি আমি ভুলে গিয়েছি ?'

আমি বললুম, 'সে কি কথা। তোমাকেই তো আমি সবচেয়ে বেশী বকেছি।'

কর্নেল ভারী খুশী। 'হাঁ, হাঁ, হুজুর সেই কথাই তো হচ্ছে। আপনারও তা হলে মনে আছে। আমাকে সবচেয়ে বেশী স্নেহ না করলে সবচেয়ে বেশী বকলেন কেন ?' তারপর মৌলানার দিকে তাকিয়ে খুশীতে গদগদ হয়ে বলল, 'জানেন সায়েব, একদিন মদুআল্লিম সায়েব আমার উপর এমনি চটে গেলেন যে, আমাকে বললেন একটা বেত নিয়ে আসতে। ক্রাসের সবাই তাজ্জব হয়ে গেল। আমাদের দেশের মাস্টার বেত আনার কাপ্তেনকে দিয়ে, না হয় দু'শট ছেলের দু'শমনকে দিয়ে। সে তখন বেছে বেছে তেজ বেত নিয়ে আসে। আমি তখন কি করলুম জানেন? ভাবলুম, মদুআল্লিম সায়েব যখন আর কাউকে কখনো চাবুক মারেননি, তখন তাঁর বউনিতে কাঁকি দিলে আমার অমঙ্গল হবে। নিয়ে এলুম একখানা পয়লা নম্বরের বেত।' তারপর কর্নেল মৌলানার দিকে তাকিয়ে টোখ টিপে বলল, 'মদুআল্লিম সায়েব তখন কি করলেন, জানেন? বেত-খানা হাতে নিয়ে আমাকে জিজ্ঞেস করলেন, 'বেতের কাঁটাগুলো কেটে ফেলিসনি কেন?' ছেলেরা সবাই বলল, 'তাহলে লাগবে কি করে?'

মৌলানা বললেন, 'সেদিন মার খেয়েছিলে বলেই তো আজ কর্নেল হয়েছে।'

কর্নেল আপসোস করে বলল, 'না, মদুআল্লিম সায়েব মারেননি। আমি তো তাঁর ছিলুম। আমার হাতে বেত লাগে না।' বলে তার হাত দু'খানা মৌলানার সামনে ঘুরিয়ে ফিরিয়ে দেখাল।

চাষার ছেলের হাত। অস্পর্শ থেকে কুহিস্তানের (কুহ=পর্বত) শক্ত জমিতে হাল ধরে ধরে দু'খানা হাতে কড়া পড়ে গিয়ে চেহারা হয়েছে

মোষের কাঁধের মত। নখে চামড়ায় কোনো তফাত নেই, আর হাতের রেখা দেখে জ্যোতিষ শাস্ত্রের প্রতি আমার ভক্তি বেড়ে গেল। লাঙ্গলের ঘষায় হাতে অবশিষ্ট রয়েছে কুলে দেড়খানা রেখা। আরু রেখা তেলোর ইস্পার উস্পার, হেডলাইন নেই, আর হার্ট লাইন তেলোর মধ্যখানে এসে আর্চমিডতে 'মরুপথে হারালো ধারা।' বাস্। এই দেড়খানা লাইন নিয়ে সে সংসার চালাচ্ছে,—জুপিটার, ভিনাস, সলমনের মাউন্ট—রেখা কোনো কিছুর বালাই নেই। আর আঙ্গুলগুলো এমনি কুষ্ঠরোগীর মত এবড়ো-থেবড়ো যে, হাতের আকার জ্যোতিষ শাস্ত্রের কোনো পর্যায়েই পড়ে না। না পড়ারই কথা, কারণ ডাকাতগুণ্ডির ছেলে কর্নেল হয়েছে সবসুদ্ধ ক'টা, আর তাদের সংস্পর্শে এসেছেন ক'জন বরাহমিহির ক'জন কেইরো ?

আবদুর রহমান ঝড়ির সামনে মাথা নিচু করে বসে আছে।

মৌলানা কর্নেলকে ধন্যবাদ দিয়ে আবদুর রহমানকে ঝড়ি রান্নাঘরে নিয়ে যেতে বললেন। সে ঝড়ি নিয়ে উঠে দাঁড়াল, কিন্তু ঘর থেকে বেরল না। আমি নিরুপায় হয়ে কর্নেলকে বললাম, 'রাত্রে এখানেই খেয়ে যাও।'

আবদুর রহমান তৎক্ষণাৎ রান্নাঘরে চলে গেল।

কর্নেল বলল, 'আমাকে মাফ করতে হবে হুজুর। বাদশার সঙ্গে আমার রাত্রে খানা খাওয়ার হুকুম।'

মৌলানা শূন্যলেন, 'বাদশা কি খান ?'

কর্নেল বললেন, 'সেই রুটি পনির আর কিসমিস। কীচৎ কখনো দু'মুঠো পোলাও। বলেন, 'যে-খানা খেয়ে আমানউল্লা কাপুরুষের মত পালাল, আমি সে-খানা খেলে কাপুরুষ হয়ে যাব না ?' তারপর দু'টু-হাসি হেসে বলল, 'আমি ওসব কথায় কান দিই না। আমানউল্লার বাবুর্চী এখনো রাজবাড়িতে রাঁধে। আমি তাই পেট ভরে খাই।'

কর্নেল যাবার সময় বলে গেল, আমি যেন আহারাদি সম্বন্ধে আর দুশ্চিন্তা না করি।

দশ মিনিটের ভিতর আবদুর রহমান কর্নেলের আনা কাঠ দিয়ে ঘরে আগুন জেদলে দিল।

আমি সে-আগুনের সামনে বসে সর্বাঙ্গে মাংসে, রক্তে, হাড়ে, মজ্জায়, স্নায়ুতে স্নায়ুতে যে সঞ্জীবনী বহির অভিযান অনুভব করলাম, তার তুলনা বা বর্ণনা দিতে পারি এমনতরো শারীরিক অভিজ্ঞতা বা আলংকারিক ক্ষমতা আমার নেই। রোদে-ফাটা জমি যে রকম সেচের জল ফাটলে ছিদ্রে ছিদ্রে, কণায় কণায় শুষে নেয়, আমার শরীরের অণু-পরমাণু যেন ঠিক তেমনি আগুনের গরম শুষে নিল। আমার মনে হল, ভগীরথ যে-রকম জহুধারা নিয়ে সগররাজের সহস্র সন্তানের প্রাণদান করার

বিজয়অভিষানে বেরি রেছিলেন সদয়ং ধমবস্তার ঠিক সেইরকম সূক্ষ্ম-শরীর ধারণ করে বহিধারা সঙ্গে নিয়ে আমার সঙ্গে প্রবেশ করলেন।

মুদ্রিত নরনে শিহরণে শিহরণে অননুভব করলুম প্রতি ভস্মকণার জহুকণার স্পর্শ, আমার শিশির-বিন্দু অচেতন অগ্নিতে অগ্নিতে কুশান্দুর দীপ্ত স্পর্শের প্রাণপ্রতিষ্ঠার অভিষেক।

সমস্ত দেহমন দিয়ে বুকলুম আর্ষ ঐতিহ্য, ভারতীয় সভ্যতা। সনাতন ধর্মের প্রথম শব্দব্রহ্ম ঋগেদের প্রথম পদে কেন

‘অগ্নিমীড়ে পুরোহিতম্’

রূপে প্রকাশিত হয়েছেন।

এবং সেমিতি ধর্মজগতেও তো তাই। ইহুদী, খ্রীষ্ট, ইসলাম তিন ধর্মই সম্মিলিত কণ্ঠে সন্মতিকার করে, একমাত্র যানুষ যিনি পরমেশ্বরের সন্মুখীন হয়েছিলেন তিনি মুসা (মোজেস) এবং তখন পরমেশ্বর তাঁর প্রকাশের ইঙ্গিত দিয়েছিলেন রুদ্ররূপে বা ‘তজ্জলিতে’ মুসা অজ্ঞান হয়ে গিয়েছিলেন, যখন জ্ঞান ফিরে পেলেন, তখন দেখলেন তাঁর সাগনের সবকিছু ভস্মীভূত হয়ে গিয়েছে।

গ্রীক দেবতা প্রমিথিয়ুস ও দেবরাজ জুপিটারে কলহ হয়েছিল অগ্নি নিয়ে। মানব-সভ্যতা আরম্ভ হয় প্রমিথিয়ুসের কাছ থেকে পাওয়া সেই অগ্নি দিয়ে। নলরাজ ইন্ধন প্রজ্বালনে সূচতুর ছিলেন বলেই কি তিনি দেবতাদের ঈর্ষাভাজন হলেন? ‘নল’ শব্দের অর্থ ‘চোঙ’, প্রমিথিয়ুসও আগুন চুরি করেছিলেন চোঙার ভিতরে করে।

ভারতীয় আর্ষ, গ্রীক আর্ষ দুই গোষ্ঠী, এবং তৃতীয় গোষ্ঠী ইরানী আর্ষ জরথুস্ত্রী—সকলেই অগ্নিকে সন্মান করেছিলেন। হয়ত এঁরা সকলেই এককালে শীতের দেশে ছিলেন এবং অগ্নির মূল্য এঁরা জানতেন, কিন্তু সেমিতি ভূমি উষ্ণপ্রধান, সেখানে অগ্নিমাহাত্ম্য কেন? তবে কি মরুভূমির মানুষ সূর্যের একচ্ছ্রাধিপত্য সম্বন্ধে এতই সচেতন যে, বিশ্বরক্ষান্ডের একচ্ছ্রাধিপতির রুদ্ররূপ বা ‘তজ্জলিতে’ অগ্নিরই আভাস পায়?

আগুনের পরশমণির ছোঁয়া লেগে শরীর ক্ষণে ক্ষণে শিহরিত হচ্ছে আর ওদিকে মগজে হুশ হুশ করে থিয়োরির পর থিয়োরি গড়ে উঠছে; নিজের পাণ্ডিত্যের প্রতি এতই গভীর শ্রদ্ধা হল যে, ‘সাধু, সাধু’ বলে নিজের পিঠ নিজেই চাপড়াতে গিয়ে হাতটা মচকে গেল। এমন সময় হঠাৎ মনে পড়ে গেল, শরতান, ডেভিল, বিয়ালজিবাব, লুসিফার সবাই আগুনের তৈরী; তাঁরা আগুনের রাজ্য। নরকের আবহাওয়া আগুন দিয়ে ঠাসা, এঁদের শরীর আগুনে গড়া না হলে এঁরা সেখানে থাকবেন কি প্রকারে?

হার, হার, আমার বহু মূল্যবান থিয়োরিখানা শয়তানের পালায় পড়ে
নরকের আগুনে পুড়ে ছাই হয়ে গেল।

কোথার লাগে নরগিস, চামেলিয়াকে বাখানিয়া কবিতা লেখে কোন
মুখ! বিরয়ানি—কোমা—কাবাব—মুসল্লম থেকে যে খুশবাই বেরায় তার
কাছে সব ফুল হারতো মানেই। প্রিয়র চিকুরসুবাসও তার কাছে নাস্য।

চোখ মেলে দেখি, আবদুর রহমান বেনকুয়েট সাজিয়েছে। মৌলানা
ফপন্ন-দালার করছেন আর আমার বেরাল দুটো একমাস অজ্ঞাতবাস করে
ফের খানা-কামরায় এসে উন্মাসিক হয়ে মাইডিয়র মাইডিয়র আওয়াজ
বের করছে।

আবদুর রহমান আমাদের পরিচয়ের পরলা রান্তিরে যে ডিনার
ছেড়েছিল এ ডিনার সে মালেরই সিলেক বাঁধানো, প্রিয়জনের উপহারোপ-
যোগী, পুজোর বাজারের রাজ-সংস্করণ। জনটা তর হয়ে গেল। মৌলানা
হুঙ্কার দিয়ে উঠলেন,

‘জিন্দাবাদ গাজী আবদুর রহমান খান।’

আমি গলা এক পর্দা চড়িয়ে দোস্ত মুহম্মদী কারদায় বললুম,

‘কমরৎ বশিকনদ, খুদা তোরা কোর সাজদ, বপুন্দী, ব তরকী’ (তোরা
কোমর ভেঙ্গে দু’টুকরো হোক, খুদা তোরা দু’ চোখ কানা করে দিন, তুই
ফুলে ওঠে ঢাকের মত হয়ে যা, তারপর টুকরো টুকরো হয়ে ফেটে যা)।’

মৌলানা বজ্রাহত। গুণীলোক, এসব কটু-কাটখোর সঙ্কান তিনি
পাবেন কি করে? কিন্তু বালাই দূর করবার এই জনপদপন্থা আবদুর
রহমান বিলক্ষণ জানে।* অদৃশ্য সাবানে হাত কচলাতে কচলাতে বলল,
‘হাত ধুয়ে নিন সায়েব, গরম জল আছে।’

কি বললে? গরম জল! আ-হা-হা। কতদিন বাদে গরম জলের
সুখস্পর্শ পাব! কোথায় লাগে তার কাছে নববর্ষে স্তনাকরী বসন্তসেনার
জলাভিষেক, কোথায় লাগে তার কাছে মদুজ চারদুস্তের বিহুল প্রশস্তি।
বললুম, ‘বরাদর আবদুর রহমান, এই গরম জল দিয়ে তুমি যেন তোমার
ডিনারখানা সোনার ফ্রেমে বাঁধিয়ে দিলে।’

আবদুর রহমানের খুশীর অন্ত নেই। আমার কোনো কথা উত্তর দেয়
না, আর বেশী প্রশংসা করলে শুধু বলে, ‘অলহমদুলিল্লা’ অর্থাৎ
‘খুদাতালাকে ধন্যবাদ।’ যতক্ষণ এটা ওটা গুছোঁচ্ছিল আমার বার বার
নজর পড়ছিল তার হাত দু’খানা কি রকম শূন্যে গিয়েছে, আর বাসন-
বতর্ন নাড়াচাড়া করার সময় অল্প অল্প কাঁপছে।

* উনবিংশ অধ্যায় পশ্য।

মৌলানা আমাকে সাবধান করে দিলেন, প্রতি গ্রাস যেন বত্রিশবার চিবিয়ে খাই। কাজের বেলা দেখা গেল, ডাকগাড়ি থেকে নেমে গোরারা ষে-রকম রিফ্রেশমেন্টরুমে খানা খায় আমরা সেই তালেই খাচ্ছি। পেটের এক কোণ ভর্তি হতেই আমি আবদুর রহমানকে লক্ষ্য করে বললুম, 'এরকম রান্না পেলে আমি আরো কিছুদিন কাবুলে থাকতে রাজী আছি।' সে-দুর্দিনে এর চেয়ে বড় প্রশংসা আর কি করা যায়।

কিন্তু মৌলানা প্রোষিত-ভাষ! পেট খানিকটা ভরে বাওয়াল তাঁর বিরহ-যন্ত্রণাটা বেন মাথা খাড়া করে দাঁড়াল। বললেন, 'না,

সঙ্গে ওতন, অজ, তখতে সুলেমান বেশতর,
খারে ওতন, অজ, গুলে রেহান বেহতর,
ইউসুফ কি দর মিসর, পাদশাহী মীকরদ
মীগুফ 'গদা বদনে কিনান খুশতর।'

দেশের পাথর সুলেমান শার
তখতের চেয়ে সেরা
বিদেশের ফুল হার মেনে যায়
দিশী কাঁটা প্রাণ কাড়া।

মিশর দেশের সিংহাসনেতে
বসিয়া ইউসুফ রাজা
কহিত, 'হায়রে, এর চেয়ে ভালো
কিনানে ভিখারী সাজা।'

আমি সান্ত্বনা দিয়ে বললুম,

ইউসুফে গুম, গশ্তে বাজ, আয়দ ব, কিনান,
গম, ম, খুর,।
কুলবয়ে ইহজান, শওদ রুজি গুলিস্তান,
গম, ম, খুর, ॥

দুঃখ করো না হারানো ইউসুফ
কিনানে আবার আসিবে ফিরে।
দীলিত শব্দক এ মর, পুনঃ
হয়ে গুলিস্তা হািসিবে ধীরে ॥

(কাজী নজরুল ইসলাম)

কিন্তু বয়েত-বাজী বা কবির লড়াই বেশীক্ষণ চলল না। সাঁতারের সময় পয়লা দম ফুরিয়ে যাবার খানিকক্ষণ পরে মানুশ যে রকম দ্বসরা দম পায়, আমরা ঠিক সেই রকম খানিকক্ষণ ক্ষান্ত দিয়ে আবার মাথায় গামছা বেঁধে খেতে লেগেছি। এদিকে দেখি সবকিছু ফুরিয়ে আসছে—প্রথম পরিবেশনে কম মেকদারে দেওয়ার তালিম আবদুর রহমান আমার কাছ থেকেই পেয়েছে—কিন্তু আর কিছু আনছে না। থাকতে না পেরে বললুম, ‘আরো নিয়ে এস।’

আবদুর রহমান চুপ। আমি বললুম, ‘আরো নিয়ে এস।’ তখন বলে কিনা সবকিছু ফুরিয়ে গিয়েছে। মৌলানা আর আমি তখন যেন রক্তের স্রাব পেয়ে হন্যে হয়ে উঠেছি। আমি ভয়ঙ্কর চটে গিয়ে বললুম, ‘তোমার উপযুক্ত শিক্ষা হওয়ার প্রয়োজন। মাও, তোমার নিজের জন্য যা রেখেছ তাই নিয়ে এস। আবদুর রহমান যায় না। শেষটার বললে, সে সবকিছুই পরিবেশন করে দিয়েছে, নিজে রুটি পানির খাবে।’

আমি তার কঙ্গুরিস দেখে ক্ষিপ্ত প্রায়। উন্মাদ, মূখ, হস্তী হেন শব্দ নেই যা আমি গালাগালে ব্যবহার করিনি। মৌলানা শান্ত প্রকৃতির লোক, কড়া কথা মূখ দিয়ে বেরোয় না। তিনি পর্যন্ত আপন বিরক্তি সুস্পষ্ট ফার্সী ভাষায় জানিয়ে দিলেন। আবদুর রহমান চুপ করে সবকিছু শুনল। হাসল না সত্যি কিন্তু কই, মূখখানা একটু মলিনও হল না। আমি আরো চটে গিয়ে বললুম, ‘তোমাকে চাকর রাখার ঝকমারিটা বোঝাবার এই কি মোকা? এর চেয়ে তো শূকনো রুটি আর নুনই ভালো ছিল।’ কথা বতই বলছি চটে যাচ্ছি ততই বেশী। শেষটার বললুম, ‘আমি মরে গেলে আচ্ছা করে খানা রেঁধে—আর প্রচুর পরিমাণে, বড়লে তো?—মসজিদে নিয়ে গিয়ে আমার ফাতেহা বিলিয়ে।’ অর্থাৎ আমার পিন্ডি চটকিয়ে।

তখন মৌলানার দিকে তাকিয়ে বলল, ‘দু’লহমা সবদর করুন, পেট আপনার থেকেই ভরে যাবে।’

মৌলানা পর্যন্ত রেগে টং। পুরুষ্ঠ, পাঠার মত ঘোঁৎ ঘোঁৎ করে পান্ডী সায়বেরা গাঁয়ে ঢুকে ক্ষুধাতর চাষাকে এই রকম উপদেশ দেয় বটে। ‘সদর্গরাজ্য ফর্গরাজ্য’ কি সব বলে। কিন্তু আবদুর রহমান খালি পেটে উপদেশটা দিয়েছে বলে মৌলানা দাঁড়িয়ে হাত রেখে অভিসম্পাত দিতে দিতে থেমে গেলেন। আমি বললুম, ‘বিদ্রোহে কতলোক গুলী খেয়ে মরল, তোমার জন্য—’

ততক্ষণে আবদুর রহমান বেরিয়ে গিয়েছে। একেই বলে কৃতজ্ঞতা। যে আবদুর রহমানকে পাঁচ মিনিট আগে সুলেমানের তখতে বসবার জন্য ল্যাজারসে সিংহাসন অর্ডার দেব দেব করেছিলুম সেই আবদুর

রহমানকে তখন জাহান্নমে পাঠাবার জন্য টিকিট কাটবার বন্দোবস্ত করছি।

আবদুর রহমান নিশ্চয়ই ফলিত জ্যোতিষ জানে। দু'মিনিটের ভিতর ক্ষুধা গেল। পাঁচ মিনিট পরে পেটের ভিতর মহারানীর রাজত্ব—বিলকুল ঠান্ডা। কিন্তু তারপর আরম্ভ হল বিপ্লব। সে কি অসম্ভব হাঁচড়-পাঁচড় আর আইটাই। খাটে শূন্যে পড়েছি, অস্বস্তিতে এপাশ ওপাশ করছি আর গরমের চোটে কপাল দিয়ে ঘাম বেরচ্ছে। মৌলানারও একই অবস্থা। তিনিই প্রথম বললেন, 'বড় বেশী খাওয়া হয়ে গিয়েছে।'

প্রাণ যায় আর কি। আর বেশী খেলে দেখতে হত না। 'ও, আবদুর রহমান, এদিকে আর বাবা।'

আবদুর রহমান এসে বলল, 'আমার কাছে সুলেমানী নুন আছে, তারই খানিকটা দেব?'

এরকম গুণীর চান্নামেত্যা খেতে হয়, এর হাতের হজমী ডাঙ্গস হয়ে আমার পেটের বিপ্লব নিশ্চয়ই কাবু করে নিয়ে আসবে। বললুম, 'তাই দে, বাবা।' কিন্তু গিলতে গিয়ে দেখি, শ্রাকভোজনের পর আমাদের রান্নাঘের গুলি গিলতে গিয়ে যে-অবস্থা হয়েছিল আমারও তাই। শূন্যে অত্যধিক সংযম করে মূনি-খাষরা উর্ধ্ব-রেতা হন, আমিও অত্যধিক ভোজন করে উর্ধ্ব-ভোজ্য হয়ে গিয়েছি।

নুন খেয়ে আরাম বোধ করলুম। আবদুর রহমানকে আশীর্বাদ করে বললুম, 'বাবা তুমি দারোগা হও।' ইচ্ছে করেই 'রাজা হও' বললুম না,—কাবুলে রাজা হওয়ার কি সুখ সে তো চোখের সামনে স্পষ্ট দেখলুম।

উত্তেজনার শেষ নাই। আবদুর রহমানের পিছনে ঢুকল উর্দি-পরা এক মূর্তি। ব্রিটিশ রাজদূতাবাসের পিয়ন। দেখেই মনটা বিতৃষ্ণা ভরে গেল। মৌলানাকে বললুম, 'তদারক করো তো ব্যাপারটা কি?'

একখানা চিরকুট। তার মর্ম আগামীকলা দশটার সময় যে প্লেন ভারতবর্ষ যাবে তাতে মৌলানা ও আমার জন্য দুটি সীট আছে। আনন্দের আতিশয্যে মৌলানা সোফার উপর শূন্যে পড়লেন। আমাদের এমনই দুরবস্থা যে, পিয়নকে বখশিশ দেবার কড়ি আমাদের গাঁটে নেই।

'ফেবার' না 'রাইট' হিসেবে জায়গা পেলুম তার চূড়ান্ত নিশ্চিন্তি হল না। আবদুর রহমান ব্যাপারটা বুঝতে পেরেছে—চূপ করে চলে গেল। মৌলানার আনন্দ ধরে না। বিবি সম্বন্ধে তাঁর দুর্ভাবনার অন্ত ছিল না। বিয়ের অল্প কিছুদিন পরেই তিনি তাঁকে কাবুল নিয়ে এসেছিলেন বলে নতুন বউ বাড়ির আর পাঁচজনের সঙ্গে মেলামেশার সুযোগ পাননি। এখন অন্তঃসত্ত্বা অবস্থায় তিনি কি করে দিন কাটাচ্ছেন সে কথা ভেবে ভেবে ভুলোক দাড়ি পাকিয়ে ফেলিছিলেন।

আমিও কম খুশী হইনি। মা বাবা নিশ্চয়ই অত্যন্ত দুশ্চিন্তায় দিন কাটাচ্ছেন। বাবা আবার 'দি স্টেটসমেন' থেকে আরম্ভ করে 'প্রিন্টেড এন্ড পাবলিশ্‌ড বাই' পর্যন্ত খুঁটিয়ে খুঁটিয়ে কাগজ পড়েন। অ্যারোপ্লেনে করে ব্রিটিশ লিগেশনের জন্য ভারতীয় খবরের কাগজ আসত। তারই একখানা মৌলানা কি করে যোগাড় করেছিলেন এবং তাতে আফগান রাষ্ট্রবিপ্লব ও কাবুলের বর্ণনা পড়ে বুলবুল খবরের কাগজের রিপোর্টারের কম্পনাশক্তি সত্যকেও ছাড়িয়ে যেতে পারে। গাছে আর মাছে বানানো গল্প, পেশাওয়ারে বোতলের পাশে বসে লেখা। এ বর্ণনাটি বাবা পড়লেই হয়েছে আর কি। আমার খবরের আশায় ডাকঘরে থানা গাড়বেন।

মৌলানা চোখ বন্ধ করে শূন্যে আছেন। মানুষ যখন ভবিষ্যতের সুখ-সুদৃশ দেখে তখন কথা কয় কম।

ওদিকে এখনো কান্না খামেনি। পাশের বাড়ির দরজা খুললে এখনো মাঝে মাঝে কান্নার শব্দ আসে। আবদুর রহমান বলেছে, কনের বড়ী মা কিছুতেই শান্ত হতে পারছেন না। ঐ তাঁর একমাত্র ছেলে ছিলেন।

মাঝে মাঝে তফাত নেই। বীরের মা যে রকম ডুকরে কাঁদছে ঠিক সেই রকমই শূন্যে দেশে, চাষা মরলে।

ঘুমিয়ে পড়ব পড়ব, এমন সময় দেখি খাটের বাজুতে হাত রেখে নিচে বসে আবদুর রহমান। জিজ্ঞেস করলুম, 'কি বাচ্চা?'

আবদুর রহমান বলল, 'আমাকে সঙ্গে করে আপনার দেশে নিয়ে চলুন।'

'পাগল নাকি? তুই কোথায় বিদেশ যাবি? তোর বাপ মা, বউ?' কোনো কথা শোনে না, কোনো যুক্তি মানে না। 'অ্যারোপ্লেনে তোকে নেবে কেন? আর তারা রাজী হলেও বাচ্চার কড়া হুকুম রয়েছে কোনো আফগান যেন দেশত্যাগ না করে। তোকে নিলে বাচ্চা ইংরেজের গলা কেটে ফেলবে না? ওরে পাগল, আজ কাবুলের অনেক লোক রাজী আছে প্লেনে একটা সীটের জন্য লক্ষ টাকা দিতে।'

নিশ্চয়ই মাথা খারাপ হয়ে গিয়েছে। বলে, আমি রাজী হলে সে সকলের হাতে পায়ে ধরে এক কোণে একটু জায়গা করে নেবে।

কী মর্শকিল। বললুম, 'তুই মৌলানাকে ডাক। তিনি তোকে সবকিছু বন্ধিয়ে দেবেন।' আবদুর রহমান যায় না। শেষটার বলল, 'তিনি আমার কে?'

তারপর ফের অনুনয়বিনয় করে। তবে কি তার খেদমতে বড় বৈশী ঘুঁটি গলদ, না আমার বাপ মা তাকে সঙ্গে নিয়ে গেলে চটে যাবেন? আমার বিয়ের 'শাদিয়ানাতে' বন্দুক ছুঁড়বে কে?

আবদুর রহমান পানশির আর বরফ এই দুই বস্তু ছাড়া আর কোনো জিনিস গুঁছিয়ে বলতে পারে না। তার উপর সে আমার কাছ থেকে কোনো দিন কোনো জিনিস, কোনো অনুগ্রহ চায়নি। আজ চাইতে গিয়ে সে যেসব অনুন্নয়নবিনয়, কাকর্ষিতমিনতি করল সেগুলো গুঁছিয়ে বললে তো ঠিকঠিক বলা হবে না। ওদিকে তার এক একটা কথা, এক একটা অভিমান আমার মনের উপর এমনি দাগ কেটে যাচ্ছিল যে, আমিও আর কোনো কথা খুঁজে পাচ্ছিলুম না। আর বলবই বা কি ছাই। সমস্ত জিনিসটা এমনি অসম্ভব, এমনি অবিশ্বাস্য যে, তার বিরুদ্ধে আমি যুক্তি চালাবো কোথায়? ভৃত্যকে কি পিস্তলের গুলী দিয়ে মারা যায়?

আমি দুঃখে বেদনার ক্লাস্ত হয়ে চুপ করে গেলে আবদুর রহমান ভাবে সে বুদ্ধি আমাকে শায়েস্তা করে এনেছে। তখন দ্বিগুণ উৎসাহে আরো আবোল-তাবোল বকে। কথার খেই হারিয়ে ফেলে এক কথা পঞ্চাশ বার বলে। আমার মা বাপকে এমনি খেদমত করবে যে, তাঁরা তাকে গ্রহণ না করে থাকতে পারবেন না। আমি যদি তখন বলতুম যে, আমার মা গরীব কাবুলীওলাকেও দোর থেকে ফেরান না, তাহলে আর রক্ষে ছিল না।

আমারই বরাত। কি কুক্ষণে তাকে একদিন গুরুদেবের 'কাবুলীওয়ালার' গল্পটা ফাসাঁতে তর্জমা করে শুনিয়েছিলুম, সে আজ সেই গল্প থেকে নিজের তুলতে আরম্ভ করল। মিনি যখন অচেনা কাবুলীওয়ালাকে ভালবাসতে পারল, তখন আমার ভাইপো ভাইঝিরাই তাকে ভালবাসবে না কেন?

'সব হবে, কিন্তু তুমি যাবে কি করে?'

'সে আমি দেখে নেব।'

ছোট্ট শিশু মায়ের কাছে যে-রকম অসম্ভব জিনিস চায়। কোনো কথা শুনতে চায় না, কোনো ওজর আপত্তিতে কান দেয় না।

এত দীর্ঘকাল ধরে আবদুর রহমান আমার সঙ্গে কখনো কথা কাটাকাটি করেনি। আমি শেষটার নিরুপায় হয়ে বললুম, 'তোমাকে ছেড়ে যেতে আমার কি রকম কষ্ট হচ্ছে তুমি জানো, তুমি সেটা আর বাড়িয়ে না। তোমাকে আমার শেষ আদেশ, তুমি এখানে থাকবে এবং যে মদহুতে' পানশির যাবার সদুযোগ পাবে, সেই মদহুতে'ই বাড়ি চলে যাবে।'

আবদুর রহমান চমকে উঠে জিজ্ঞেস করল, 'তবে কি হুজুর আর কাবুল ফিরে আসবেন না?'

আমি কি উত্তর দিয়েছিলুম, সে কথা দয়া করে আর শূধাবেন না।

বিয়াল্লিশ

সকালবেলা ঘুম থেকে উঠেই মনে পড়ল, আবদুর রহমান। সঙ্গে সঙ্গে সে এসে ঘরে ঢুকল। রুটি, মমলেট, পনির, চা। অন্যদিন খাবার দিলে চলে যেত, আজ সামনে দাঁড়িয়ে কাপের্টের দিকে তাকিয়ে রইল। কী মশকিল।

মৌলানা এসে বললেন, ‘চিরকুটে লেখা আছে, মাথাপিছ, দশ পোর্ন্ড লগেজ নিয়ে যেতে দেবে। কি রাখি, কি নিয়ে যাই?’

আমি বললাম, ‘যা রেখে যাবে তা আর কোনোদিন ফিরে পাবে না। আমি আবদুর রহমানকে বলেছি পানিশির চলে যেতে। বাড়ি পাহারা দেবার জন্য কেউ থাকবে না, কাজেই সবকিছু লুট হবে।’

‘কারো বাড়িতে সবকিছু সমঝিয়ে দিয়ে গেলে হয় না?’

আমি বললাম, ‘এ পরিস্থিতিটা একদিন হতে পারে জেনে আমি ভিতরে ভিতরে খবর নিয়েছিলুম। শুনলাম, যখন চতুর্দিকে লুটতরাজের ভয়, তখন কাউকে মালের জিম্মাদারি নিতে অনুরোধ করা এ দেশের রেওয়াজ নয়। কারণ কেউ যদি জিম্মাদারি নিতে রাজীও হয়, তখন তার বাড়িতে ডবল মালের আশায় লুটের ডবল সম্ভাবনা। মালপত্র যখন সদর রাস্তা দিয়ে যাবে, তখন ডাকাতেরা বেশ করে চিনে নেবে মালগুলো কোন্ বাড়িতে গিয়ে উঠল।’

বলে তো দিলাম মৌলানাকে সবকিছু প্রাঞ্জল ভাষায় কিন্তু ঘরের মাঝখানে দাঁড়িয়ে যখন চারিদিকে তাকালুম, তখন মনে যে প্রশ্ন উঠল কোনো উত্তর নেই। নিয়ে যাব কি, আর রেখে যাব কি?

ঐ তো আমার দু’ভলুম রাশান অভিধান। এরা এসেছে মস্কো থেকে ট্রেনে করে তাশকন্দ, সেখান থেকে মোটরে করে আমুদরিগা, তারপর খেল্লা পেরিয়ে, খচ্চরের পিঠে চেপে সমস্ত উত্তর আফগানিস্তান পিছনে ফেলে, হিন্দুকুশের চড়াই-ওতরাই ভেঙে এসে পেঁচেছে কাবুল। ওজন পোর্ন্ড ছ’য়েক হবে।

আমি সাহিত্য সৃষ্টি করি না, কাজেই পান্ডুলিপির বালাই নেই—মৌলানার থেকে সেদিক দিলে আমার কপাল ভালো—কিন্তু শান্তিনিকেতনে গুরুদেবের ক্লাসে বলাকা, গেরা, শেলি, কীটস সমন্বয়ে যে গাদা গাদা নোট নিয়েছিলুম এবং মুরখের মত এখানে নিয়ে এসেছিলুম, বরফবর্ষণের দীর্ঘ অবসরে সেগুলোকে যদি কোনো কাজে লাগানো যায়, সেই ভরসায়, তার কি হবে? ওজন তো কিছু কম নয়।

আর সব অভিধান, ব্যাকরণ, মিন্দুদির দেওয়া 'পদরবী', বিনোদের দেওয়া ছবি, বন্ধুবান্ধবের ফটোগ্রাফ, আর এক বন্ধুর জন্য কাবুলে কেনা দুখানা বোথারা কাপেট? ওজন তিন লাশ।

কাপড়চোপড়? দেরেশি-পাগল কাবুলের লৌকিকতা রক্ষার জন্য স্মোকিঙ, টেল, মনিংসুট (কাবুলের সরকারী ভাষায় 'ব' জুর দেরেশি') এগুলোর জন্য আমার সিকি পয়সার দরদ নেই কিন্তু যদি জর্মনি যাবার সুযোগ ঘটে, তবে আবার নতুন করে বানাবার পয়সা পাব কোথায়?

ভুলেই গিয়েছিলুম। এক জোড়া চীনা 'ভাজা' পাতিনেবুর মত রং আর চোখ বন্ধ করে হাত বুলোলে মনে হয় যেন পাতিনেবুরই গায়ে হাত বুলোচ্ছি, একটু জোরে চাপ দিলে বৃষ্টি নখ ভিতরে ঢুকে যাবে।

কত ছোটোখাটো টুকটাকি। পৃথিবীর আর কারো কাছে এদের কোনো দাম নেই, কিন্তু আমার কাছে এদের প্রত্যেকটি আলাউদ্দীনের প্রদীপ।

সোক্রাতেসকে একদিন তাঁর শিষ্যের পাল শহরের সবচেয়ে সেরা দোকান দেখাতে নিয়ে গিয়েছিল। সে-দোকানে দুনিয়ার যত সব দামী দামী প্রয়োজনীয় অপ্রয়োজনীয় জিনিস, অদ্ভুত অদ্ভুত বিলাসসত্তার, মিশর বাবিলনের কলানিদর্শন, পাঁপিরসের বান্ডিল, আলকেমির সরঞ্জাম সবকিছুই ছিল। সোক্রাতেসের চোখের পলক পড়ে না। এটা দেখছেন, সেটা নাড়ছেন আর চোখ দুটো ছানাবড়ার সাইজ পেরিয়ে শেষটায় সনারের আকার ধারণ করেছে। শিষ্যেরা মহাখুশী-গুরু, যে এত কৃচ্ছসাধন আর ত্যাগের উপদেশ কপচান সে শুধু কোনো সত্যিকার ভালো জিনিস দেখেননি বলে—এইবার দেখা যাক, গুরু, কি বলেন। সদয়ং প্রাতো গুরুর বিশ্বল ভাব দেখে অসদ্বাস্তি অনুভব করছেন।

দেখা শেষ হলে সোক্রাতেস করুণকন্ঠে বলেন, 'হায়, হায়। দুনিয়া কত চিত্র বিচিত্র জিনিসে ভর্তি বার একটারও আমার প্রয়োজন নেই।'

আমার ঘরের মাঝখানে দাঁড়িয়ে আমি হৃদয়ঙ্গম করলুম, সোক্রাতেসে আমাতে মাত্র একটি সামান্য তফাত—এ ঘরের প্রত্যেকটি জিনিসেরই আমার প্রয়োজন। ব্যস—এ একটি মাত্র পার্থক্য। ডাবি' জিতেছে ৫৩৭৮৬ নম্বরের টিকিট। আমি কিনেছিলুম ৫৩৭৮৫ নম্বরের টিকিট। তফাতটা এমন কি হল?

মুসলমানের ছেলে, নিমতলা যাব না, যাবো একদিন গোবরা—অবশ্য যদি এই কাবুলী-গদি'শ কাটিয়ে উঠতে পারি। সেদিন কিছ, সঙ্গে নিয়ে যাব না, সেকথাও জানি; কিন্তু তারই জন্য কি আজ সবকিছ, কাবুলে ফেলে দেশে যেতে হবে? মল্ল করলে সব জিনিসই রপ্ত হয়, এই কি খুদাতালায় মতলব?

হ'্যা, হ'্যা কুণ্টায়ার লালন ফকির বলেন,

“মরার আগে ম'লে শমন-জ্বালা ঘুচে যায়।
জানগে সে মরা কেমন, মরুশীদ ধরে জানতে হয়।”

আবার আরো কে একজন, দাদা না কি, তিনিও তো বলেছেন,

“দাদা, মেরা বৈরী মৈ ম'ওয়া ম'বৈ ন,
মারে কোই।”

(“হে দাদা, আমার বৈরী 'আমি' মরে গিয়েছে, আমাকে কেউ মারতে পারে না”)।

কী ম'শকিল। সব গুণীরই এক রা। শেরালকে কেন ব'থা দোষ দেওয়া কবীরও তো বলেছেন,

“তজো অভিমানা সীখো জ্ঞানা
সতগুরু সঙ্গত তরতা হৈ।
কহৈ কবীর কোই বিরল হংস
জীবত হী জো মরতা হৈ ॥”

(“অভিমান ত্যাগ করে জ্ঞান শেখো, সৎগুরুর সঙ্গ নিলেই ব্রাণ। কবীর বলেন, 'জীবনেই মৃত্যুকে লাভ করেছেন সে রকম হংস-সাধক বিরল' ”)

কিন্তু কবীরের বচনে বাঁচাওতা রয়ে গিয়েছে। গোবরার গোরস্তানে যাবার পূর্বেই মৃতের ন্যায় সবকিছুর মায়া কাটাতে পারেন এমন পরম-হংস যখন 'বিরল' তখন সে কস্ত করার দায় তো আমার উপর নয়।

ডোম শেষ পর্যন্ত কোন্ বাঁশ বেছে নিয়েছিল আমাদের প্রবাদে তার হৃদয় মেলে না। বিবেচনা করি, সেটা নিজস্ব কাঁচা এবং গিঁটে ভিত্তি—না হলে প্রবাদটার কোনো মানে হয় না। এ-ডোম তাই শেষ পর্যন্ত কি দিয়ে দশ পৌন্ডের পুঁটুলি বেঁধেছিল, সেকথা ফাঁস করে দিয়ে আপন আহাম্মুখির শেষ প্রমাণ আপনাদের হাতে তুলে দেবে না।

কিন্তু সেটা পুরানো ধৃতিতে বাঁধা বেনের পুঁটুলিই ছিল—'লগেজ' বা সূটকেসের ভিতরে গোছানো মাল অন্য জিনিস—কারণ দশ পৌন্ড মালের জন্য পাঁচ পৌন্ডী সূটকেস ব্যবহার করলে মালের পাঁচ পৌন্ড গিয়ে রইবে হাতে সূটকেসটা। সুরুমার রায়ের কাক যে রকম হিসেব করতো 'সাত দুগুণে চোন্দর নামে চার, হাতে রইল পেন্সিল।'

অবশ্য জামা-কাপড় পরে নিলুম একগাদা—একপ্রস্ত না। কতারাও উপদেশ পাঠিয়েছিলেন যে, প্রচুর পরিমাণে গরম জামা-কাপড় না পরা থাকলে উপরে গিয়ে শীতে কষ্ট পাব এবং মোলানার বউয়ের পা খড় দিয়ে

কি রকম পেঁচিয়ে বিলিতী-সিরকার বোতল বানানো হয়েছিল, আবদুর রহমানের সে-বর্ণনাও মনে ছিল।

মৌলানা তাঁর এক পাঞ্জাবী বন্ধুর সঙ্গে আগেই বেরিয়ে পড়েছিলেন।

আবদুর রহমান বসবার ঘরে প্রাণভরে আগুন জ্বালিয়েছে। আমি একটা চেয়ারে বসে। আবদুর রহমান আমার পায়ের কাছে।

আমি বললুম, 'আবদুর রহমান, তোমার উপর অনেকবার খামকা রাগ করেছি, মাপ করে দিয়ো।'

আবদুর রহমান আমার দৃ'হাত তুলে নিয়ে আপন চোখের উপর চেপে ধরল। ভেজা।

আমি বললুম, 'ছিঃ আবদুর রহমান, এ কি করছ? আর শোনো, যা রইল সবকিছু, তোমার।'

আমি জানি আমার পাঠক মাগই অবিশ্বাসের হাসি হাসবেন, কিন্তু তবু আমি জোর করে বলব, আবদুর রহমান আমার দিকে এমনভাবে তাকাল যে, তার চোখে আমি স্পষ্ট দেখতে পেলুম লেখা রয়েছে,—

যেনাহং নামতা স্যাং কিমহং তেন কুবাং ?

রাস্তা দিয়ে চলেছি। পিছনে পুঁটুলি-হাতে আবদুর রহমান।

দৃ-একবার তার সঙ্গে কথা বলবার চেষ্টা করলুম। দেখলুম সে চুপ করে থাকাকাটাই পছন্দ করছে।

প্রথমেই ডানদিকে পড়ল রুশ রাজদৃ'তাবাস। দেমিদফ পরিবারকে কখনো ভুলবো না। বলশফের আত্মাকে নমস্কার জানালুম।

তারপর কাবুল নদী পেরিয়ে লব-ই-দারিয়া হয়ে আকের দিকে চললুম। বেশীর ভাগ দোকানপাট বন্ধ—তবু দৃ'র থেকেই দেখতে পেলুম পাঞ্জাবীর দোকান খোলা। দোকানদার বারান্দায় দাঁড়িয়ে। জিজ্ঞেস করলুম, 'দেশে যাবেন না? মাথা নাড়িয়ে নীরবে জানালো 'না।' তারপর বিদায়ের সালাম জানিয়ে মাথা নিচু করে দোকানের ভিতরে চলে গেল। আমি জানতুম, কারবার ফেলে এদের কাবুল ছাড়ার উপায় নেই, সবকিছু তৎক্ষণাৎ লুট হয়ে যাবে। অথচ এর চিত্ত এমনি বিকল হয়ে গিয়েছে যে, শেষ মুহূর্তে আমার সঙ্গে দৃ'টি কথা বলবার মত মনের জোর এর আর নেই।

বিশ কদম পরে বাঁ দিকে দোস্ত মুহম্মদের বাসা। অবস্থা দেখে বুঝতে বেগ পেতে হল না যে, বাসা লুট হয়ে গিয়েছে। কিন্তু তাতে তাঁর কণামাত্র শোক হওয়ার কথা নয়। এ-বাবতে তিনি সোক্রাতেসের ন্যায়—সোক্রাতেস যেমন তর্কচিন্তায় বৃ'দ হয়ে অন্য কোনো বস্তুর প্রয়োজন অনুভব করতেন না, দোস্ত মুহম্মদ ঠিক তেমনি রসের সন্ধানে, অল্পুতের

খোঁজে, গ্লোটস্কের (উদ্ভটের) পিছনে এমনি লেগে থাকতেন যে, অন্য কোনো বস্তুর অভাব তাঁর চিত্তচাঞ্চল্য ঘটাতে পারত না। পতঞ্জলিও ঠিক এই কথাই বলেছেন। চিত্তবৃত্তি নিরোধের পন্থা বাংলাতে গিয়ে তিনি ঈশ্বর, এবং বীতরাগ মহাপুরুষদের সম্বন্ধে ধ্যান করতে উপদেশ দিয়েছেন কিন্তু সর্বশেষে বলেছেন, 'যথাভিমতধ্যানান্না', 'যা খুশী তাই দিয়ে চিত্তচাঞ্চল্য ঠেকাবে।' অর্থাৎ ধ্যানটাই মূখ্য, ধ্যানের বিষয়বস্তু গৌণ। দোস্ত মুহম্মদের সাধনা রসের সাধনা।

আরো খানিকটে এগিয়ে বাঁ দিকে মেয়েদের ইস্কুল। বাচ্চার আক্রমণের কয়েক দিন পূর্বে এখানে কর্নেলের বউ তাঁর স্বামীর কথা ভেবে ডুকরে কেঁদেছিলেন। তিনি বেঁচে আছেন কিনা কে জানে। আমার পাশের বাড়ীর কর্নেলের মায়ের কান্না, ইস্কুলের কর্নেল-বউয়ের কান্না আরো কত কান্না মিশে গিয়ে অহরহ খুদাতালার তখতের দিকে চলেছে। কিন্তু কেন? কবি বলেছেন,

For men must work
And women must weep

অর্থাৎ কোনো তর্ক নেই, যুক্তি নেই, ন্যায় অন্যায় নেই, মেয়েদের কর্ম হচ্ছে পুরুষের আকাট মূর্খতার জন্য চোখের জল ফেলে খেসারতি দেওয়া। কিন্তু আশ্চর্য, এ-বেদনাটা প্রকাশও করে আসছে পুরুষই, কবিরূপে। শুনছি পাঁচ হাজার বৎসরের পুরোনো বাবিলনের প্রস্তরগায়ে কবিতা পাওয়া গিয়েছে—কবি মা-জননীদেব চোখের জলের উল্লেখ করে বুদ্ধের বিরুদ্ধে বুদ্ধ ঘোষণা করেছেন।

ইস্কুলের পরেই একখানা ছোটো বসতবাড়ি। আমানউল্লাহ বোনের বিয়ের সময় লঙ্কা থেকে যেসব গানেওয়ালী নাচনেওয়ালীদের আনানো হয়েছিল তারা উঠেছিল এই বাড়িতে। তাদের তত্ত্বাবধায় করার জন্য আমার কয়েকজন ভারতীয় তাদের কাছে গিয়েছিলুম। আমাদের সঙ্গে কথা কইতে পেয়ে সেই অনাত্মীয় নির্বাসনে তারা কী খুশীটাই না হয়েছিল। জানত, কাবুলে পান পাওয়া যায় না—আর পান না হলে মজলিস জমবে কি করে, ঠুংরি হয়ে যাবে ভজন—তাই তারা সঙ্গে এনেছিল বাসবোঝাই পান। আমাদের সেই পান দিয়েছিল অকুপণ হস্তে, দরাজ-দিলে। লঙ্কায়ের পান, কাশীর জর্দা, সেক্কাছাঁকা খয়ের তিনে মিলে আমার মুখের জড়তা এমনি কেটে দিয়েছিল যে, আমি তখন উদ্বেগে ছেড়েছিলুম একদম লখনওয়ী কায়দায়—বিস্তর 'মেহেরবানী', 'গরীব-পরওরী', 'বন্দা-নওয়াজী'র প্রপঞ্চ-ফোঁড়ন দিয়ে।

কাবুলের নিজসব উচ্চাঙ্গ সঙ্গীত নেই। ইরানের ঐতিহ্যও কাবুল

সদ্বীকার করে না। কাবুলে যে দেড় জন কলাবত আছেন তাঁরা গান শিখেছেন যুক্ত প্রদেশে। বাঈজীদের মজলিসে তাই সম্মানে ওয়ালার অভাব হতে পারে এই ভয়ে গানের মজলিসে উপস্থিত থাকার জন্য ভারতীয়দের সাড়ম্বর নিমন্ত্রণ ও সনির্বন্ধ অনুরোধ করা হয়েছিল। আমরা সামনে বসে বিস্তা মাথা নেড়েছিলাম আর ঘন ঘন 'শাবাশ' 'শাবাশ' চিংকারে মজলিস গরম করে তুলেছিলাম।

বাড়ি কিরে আহালাদির পর যখন শেষ পানটা পকেট থেকে বের করে খেয়ে জানলা দিয়ে পিক ফেললাম তখন আবদুর রহমান ভয়ে ভিরমি যায় আর কি। কাবুলে পানের পিক অজানা কিন্তু ষফিয়া অজানা বহু নয়।

তারপরই শিক্ষামন্ত্রীর দফতর। একসেলেন্সি ফয়েজ মুহম্মদ খানকে দোস্ত মুহম্মদ দুচোখে দেখতে পারতেন না। আমার কিন্তু মন্দ লাগত না। অত্যন্ত অনাড়ম্বর এবং বড়ই নিরীহ প্রকৃতির লোক। আর পাঁচজনের তুলনায় তিনি লেখাপড়া কিছু কম জানতেন না, কিন্তু শিক্ষামন্ত্রী হতে হলে যতটা দরকার ততটা হস্ত তঁর ঠিক ছিল না। বাচ্চা রাজা হয়ে আর তাবৎ মন্ত্রীদের উপর অত্যাচার চালিয়ে তাঁদের কাছ থেকে গুপ্তধন বের করবার চেষ্টা করেছে, কিন্তু শিক্ষামন্ত্রীকে নাকি, 'তুই যা, তুই তো কখনো ঘুঘ খাসনি' বলে নিষ্কৃতি দিয়েছিল। অথচ শিক্ষা বিভাগে টু পাইস্ কায়াবার যে উপায় ছিল না তা নয়। কাবুলে নাকি ঢেউ গোনার কাজ পেলেও—অবশ্য সে-কাজ সরকারী হওয়া চাই—দু'পয়সা মারা যায়।

লোকটিকে আমার ভালো লাগতো নিতান্ত ব্যক্তিগত কারণে। এই বেলা সেটা বলে ফেলি, হাওয়াই-জাহাজ কারো জন্য দাঁড়ায় না, উড়তে পারলেই বাঁচে।

চাকরীতে উন্নতি করে মানুষ হয় বুদ্ধির জোরে, নয় ভগবানের কৃপায়। বুদ্ধিমানকে ভগবানও যদি সাহায্য করেন তবে বোকাদের আর পৃথিবীতে বাঁচতে হত না। আমার প্রতি ভগবান সদয় ছিলেন বলেই বোধ করি শিক্ষামন্ত্রী প্রথম দিন থেকেই আমার দিকে নেকনজরে তাকিয়েছিলেন। তারপর এক বৎসর যেতে না যেতে অহেতুক একধাক্কায় মাইনে এক শ' টাকা বাড়িয়ে সব ভারতীয় শিক্ষকদের উপরে চড়িয়ে দিলেন।

পাঞ্জাবী শিক্ষকেরা অসন্তুষ্ট হয়ে তাঁর কাছে ডেপুটেশন নিয়ে গিয়ে বললেন, 'সৈয়দ মুজতবা আলীর ডিগ্রী বিশ্বভারতীয়, এবং বিশ্বভারতী রেকর্ডনাইজড্, রুনিভার্সিটি নয়।'

খাঁটি কথা। সদাশয় ভারতীয় সরকারের নেকনজরে আমার ডিগ্রী এখনো ব্রাত্য। আপনারা কেউ আমাকে চাকরী দিলে বিপদগ্রস্ত হবেন।

শিক্ষামন্ত্রী নাকি বলেছিলেন—আমি বয়ানটা শুনছি অন্য লোকের কাছ থেকে—সে কথা তাঁর অজানা নয়।

পাঞ্জাবীদের পাল থেকে হাওয়া কেড়ে নিয়ে শিক্ষামন্ত্রী বলেছিলেন, 'আপনার সনদ-সার্টিফিকেটে রয়েছে পাঞ্জাব গবর্নরের দস্তখত। আমাদের ক্ষুদ্র আফগানিস্থানেও গবর্নরের অভাব নেই। কিন্তু আগা মজতবা আলীর কাগজে দস্তখত রয়েছে মশহুর শাইর রবীন্দ্রনাথের। তিনি পৃথিবীর সামনে প্রাচ্যদেশের মুখ উজ্জ্বল করেছেন (চশ্ম, রশ্ম, করদে অন্দ)।'

ভদ্রলোকের তাঁর শখ ছিল গুরদেবকে কাবুলে নিমন্ত্রণ করার। তাঁর শব্দ, ভয় ছিল যে, দু'শ' মাইলের মোট ঝাঁকুনি খেয়ে কবি যদি অসুস্থ হয়ে পড়েন আর তাঁর কাব্যসৃষ্টিতে বাধা পড়ে তবে তাতে করে ক্ষতি হবে সমস্ত পৃথিবীর। কাবুল কবিকে দেখতে চায়, কিন্তু এমন দুর্ঘটনার নিমিত্তের ভাগী হতে বাবে কেন? আমি সাহস দিয়ে বলতুম, 'কবি ছ'ফুট তিন ইঞ্চি উঁচু, তাঁর দেহ সর্গঠিত এবং হাড়ও মজবুত।'

শেষটার তিনি আল্লা বলে কাবুলে পড়ছিলেন কিন্তু আমানউল্লা বিলেত যাওয়ার সে গ্রীষ্মে কবিকে আর নিমন্ত্রণ করা গেল না। শীতে বাচ্চা এসে উপস্থিত।

ষাক্‌গে এসব কথা।

বাঁদিকে মাইন-উস্-সুলতানের বাড়ি, খানিকটে এগিয়ে গিয়ে তাঁর টেনিস কোর্ট। আজ মাইন-উস্-সুলতানে ভাগ্যের হাতে টেনিস বল। কান্দাহার কাবুল তাকে নিয়ে লোফালুফি খেলছে।

এই তো মকতব-ই-হবীবিয়া। বাচ্চা আক্রমণের প্রথম ধাক্কার মকতবটা দখল করে টেবিলচেম্বার, বই ম্যাপ পুঁড়িয়ে ফেলেছিল। এ শিক্ষায়তন আবার কখন খুলবে কে জানে? এখানেই আমি পড়িয়েছি। শীতে পুকুর জমে গেলে ছেলেদের সঙ্গে তার উপর স্কেটিং করেছি। গাছতলায় বসে ফেরিওয়ালার কাছ থেকে আঙুর কিনে খেয়েছি। মীর আসলমের কাছ থেকে কত ভড়কথা শুনিয়েছি।

রাহুকবলিত কাবুল স্থান মন্থে দাঁড়িয়ে আছে। রাস্তায় লোক চলাচল কম। মকতব-ই-হবীবিয়ার বন্ধবার যেন সমস্ত আফগানিস্থানের প্রতীক। শিক্ষাদীক্ষা, শান্তিশৃঙ্খলা, সভ্যতাসংস্কৃতি বর্জন করে আফগানিস্থান তার দ্বার বন্ধ করে দিয়েছে।

শহর ছাড়িয়ে মাঠে নামলুম। হাওয়াই জাহাজের ঘাঁটি আর বেশী দূর নয়। পিছন ফিরে আরেকবার কাবুলের দিকে তাকালুম। এই নিরস নিরানন্দ বিপদসঙ্কুল পুরী ত্যাগ করতে কোনো সুস্থ মানুষের মনে কষ্ট হওয়ার কথা নয় কিন্তু বোধ হয় এই সব কারণেই যে কয়টি

লোকের সঙ্গে আমার হৃদয়তা জন্মেছিল তাঁদের প্রত্যেককে অসাধারণ আত্মজন বলে মনে হতে লাগল। এঁদের প্রত্যেকেই আমার হৃদয় এতটা দখল করে বসে আছেন যে, এঁদের সকলকে এক সঙ্গে ভাগ করতে গিয়ে মনে হল আমার সস্তাকে যেন কেউ বিখন্ডিত করে ফেলেছে। ফরাসীতে বলে ‘পার্তির সে তাঁ প্য গুরুর’, প্রত্যেক বিদায় গ্রহণে রয়েছে খন্ড মৃত্যু।

হাওয়াই জাহাজ এল। আমাদের বৃঁচকিগুলো সাড়ম্বরে ওজন করা হল। কারো পেঁটিলা দশ পোঁন্ডের বেশী হয়ে যাওয়ায় তাদের মস্তকে বজ্রাঘাত। অনেক ভেবেচিন্তে যে কর্টি সামান্য জিনিস নিয়ে মানুষ দেশত্যাগী হচ্ছে তার থেকে ফের জিনিস কমানো যে কত কঠিন সেটা সামনে দাঁড়িয়ে না দেখলে অনুমান করা অসম্ভব। একজন তো হাউমাউ করে কেঁদে ফেললেন।

ডোম যে কানা হয় তার শেষ প্রমাণও বিমান-ঘাঁটিতে পেলাম। এইটুকু ওজনের ভিতর আবার এক গুণী একখানা আসনা এনেছেন। লোকটির চেহারার দিকে ভালো করে তাকিয়ে দেখলাম, কই তেমন কিছ, খাপ-সুরং অ্যাপলো তো নন। ঘরে আগুন লাগলে মানুষ নাকি ছুটে বেরবার সময় কাঁটা নিয়ে বেরিয়েছে, এ কথা তাহলে মিথ্যা নয়।

ওরে আবদুর রহমান, তুই এটা এনেছিস কেন? দশ পোঁন্ডের পুঁটুলিটা এনেছে ঠিক কিন্তু বাঁ হাতে আমার টেনিস ব্যাকেটখানা কেন? আবদুর রহমান কি একটা বিড়বিড় করল। বুঝলাম, সে ঐ ব্যাকেটখানাকেই আমার সবচেয়ে মূল্যবান সম্পত্তি বলে ধরে নিয়েছিল, তার কারণ ও-জিনিসটা আমি তাকে কখনও ছুঁতে দিতুম না। আবদুর রহমান আমাদের দেশের ড্রাইভারদের মত। তার বিশ্বাস ঙ্গ, মাত্রই এমনভাবে টাইট করতে হয় যে, সেটা যেন আর কখনো খোলা না যায়। ‘অপটিমাম’ শব্দটা আমি আবদুর রহমানকে বোঝাতে না পেরে শেষটার কড়া হুকুম দিয়েছিলাম, ব্যাকেটটা প্রেসে বাঁধা দূরে থাক, সে যেন ওটার ছায়াও না মাড়ায়।

আবদুর রহমান তাই ভেবেছে, সায়েব নিশ্চয়ই এটা সঙ্গে নিয়ে হিন্দুস্থানে যাবে।

দেখি স্যার ফ্রান্সিস। নিতান্ত সামনে, বয়সে বড়, তাই একটা ছোটাসে ছোটো নড্ করলাম। সায়েব এগিয়ে এসে হাত বাড়িয়ে দিয়ে বললেন, ‘গুড মর্নিং, আই উইশ এ গুড জর্নি।’

আমি ধন্যবাদ জানালুম।

সায়েব বললেন, ‘ভারতীয়দের সাহায্য করবার জন্য আমি সাধ্য মত চেষ্টা করেছি। প্রয়োজন হলে আশা করি, ভারতবর্ষে সে কথাটি আপনি বলবেন।’

আমি বললুম, 'আমি নিশ্চয়ই সব কথা বলবো।'

সায়ের ভোঁতা, না ঘড়ের ডিপ্লোমেট, ঠিক বুদ্ধিতে পারলুম না।

বিদায় নেবার সময় আফগানিস্থানে যে চলে যাচ্ছে সে বলে 'ব্, আমানে খুদা'—'তোমাকে খোদার আমানতে রাখলুম', যে যাচ্ছে না সে বলে 'ব্, খুদা সপদ'মৎ'—'তোমাকে খোদার হাতে সোপদ' করলুম।'

আবদুর রহমান আমার হাতে চুমো খেল। আমি বললুম, 'ব্, আমানে খুদা, আবদুর রহমান', আবদুর রহমান মন্তোচ্চারণের মত একটানা বলে যেতে লাগল 'ব্, খুদা সপদ'মৎ, সায়ের, ব্, খুদা সপদ'মৎ, সায়ের।'

হঠাৎ শূনি স্যার ফ্রান্সিস বলেছেন, 'এ-দুর্দিনে যে টেনিস র্যাকেট সঙ্গে নিয়ে যেতে চায় সে নিশ্চয়ই পাকা স্পোর্টসম্যান।'

লিগেশনের এক কর্মচারী বললেন, 'ওটা দশ পোন্ডের বাইরে পড়েছে বলে ফেলে দেওয়া হয়েছে।'

সাহেব বললেন, 'ওটা পেনে তুলে দাও।'

ঐ একটা গুণ না থাকলে ইংরেজকে কাক-চিলে তুলে নিয়ে যেত।

আবদুর রহমান এবার চেঁচিয়ে বলছে, 'ব্, খুদা সপদ'মৎ, সায়ের, ব্, খুদা সপদ'মৎ।' প্রপেলার ভীষণ শব্দ করছে।

আবদুর রহমানের তারস্বরে চিৎকার পেনের ভিতর থেকে শূনতে পাচ্ছি। হাওয়াই জাহাজ জিনিসটাকে আবদুর রহমান বস্তু উরায়। তাই খোদাতালার কাছে সে বার বার নিবেদন করছে যে, আমাকে সে তাঁরই হাতে সঁপে দিয়েছে।

পেন চলতে আরম্ভ করেছে। শেষ শব্দ শূনতে পেলুম, 'সপদ'মৎ।' আফগানিস্থানে আমার প্রথম পরিচয়ের আফগান আবদুর রহমান; শেষ দিনে সেই আবদুর রহমান আমার বিদায় দিল।

উৎসবে, ব্যাসনে, দুর্ভিক্ষে, রাষ্ট্রবিপ্লবে এবং এই শেষ বিদায়কে যদি শূশান বলি তবে আবদুর রহমান শূশানেও আমাকে কাঁধ দিল। সন্ধ্যা চাণক্য যে ক'টা পরীক্ষার উল্লেখ করে আপন নিষ্পত্তি শেষ করেছেন আবদুর রহমান সব ক'টাই উত্তীর্ণ হল। তাকে বাস্তব বলবো না তো কাকে বাস্তব বলব ?

বন্ধু, আবদুর রহমান, জগৎকু তোমার কল্যাণ করুন।

মৌলানা বললেন, 'জানালা দিয়ে বাইরে তাকাও।' বলে আপন সীটটা আমার ছেড়ে দিলেন।

তাকিয়ে দেখি দিকদিগন্তবিস্তৃত শূদ্র বরফ। আর অ্যারফিন্ডের মাঝখানে, আবদুর রহমানই হবে, তার পাগড়ির ন্যাজ মাথার উপর তুলে দুর্লিয়ে দুর্লিয়ে আমাকে বিদায় জানাচ্ছে।

বহুদিন ধরে সাবান ছিল না বলে আবদুর রহমানের পাগড়ি ময়লা। কিন্তু আমার মনে হল চতুর্দিকের বরফের চেয়ে শূদ্রতর আবদুর রহমানের পাগড়ি, আর শূদ্রতম আবদুর রহমানের হৃদয়।

পরিশিষ্ট

আমানউল্লাহ হতসিংহাসন উদ্ধার না করতে পেরে আফগানিস্থান ত্যাগ করতে বাধ্য হন। ইতালির রাজা তাঁকে সুরাজ্যে আশ্রয় দেন। মুইন-উস্-সুলতানে ইরানে আশ্রয় গ্রহণ করেন।

আমানউল্লাহর হয়ে যে সেনাপতি ইংরেজের সঙ্গে আফগান সন্ধিচুক্তির জন্য লড়েছিলেন তাঁর নাম নাদির শাহ। তিনি বিপ্লবের সময় ফ্রান্সে ছিলেন। পরে পেশাওয়ার এসে সেখানকার ভারতীয় বণিকদের অর্থ সাহায্যে এবং আপন শেখ-বীখ দ্বারা কাবুল দখল করে বাদশাহ হন। বাচ্চাকে সঙ্গী দিগে মারা হয়—পরে ফাঁসিকাঠে ঝোলানো হয়।

এসব আমি খবরের কাগজে পড়েছি।

দেশে এসে জানতে পেলুম, আমার আঞ্জীয় কেন্দ্রীয় পরিষদের সদস্য মরহুম মৌলবী আবদুল মতিন চৌধুরীর উৎসাহ দর্শনে ভারত-সরকার স্যার ফ্রান্সিসকে আদেশ (বা অনুরোধ) করেন আমাকে দেশে পাঠাবার বন্দোবস্ত করে দেবার জন্য।

আমি কাবুল ছাড়ার কয়েক দিন পরেই ব্রিটিশ লিগেশন বহু অসহায় ভারতীয়কে কাবুলে ফেলে ভারতবর্ষে চলে আসেন।

এই 'বীরত্বের' জন্য স্যার ফ্রান্সিস অল্পদিন পরেই খেতাব ও প্রমোশন পেয়ে ইরাক বদলি হন।

মৌলানা জিয়াউদ্দিন ভারতবর্ষে ফিরে শান্তিনিকেতনে অধ্যাপকের কর্ম গ্রহণ করেন। তিনি বহু গবেষণামূলক প্রবন্ধ লেখেন (ফার্সীতে লেখা রজভাষার একখানা প্রাচীন ব্যাকরণ প্রকাশ তার অন্যতম,) এবং গুরুদেবের অনেক কবিতা উত্তম ফার্সীতে অনুবাদ করেন।

অত্যন্ত পরিতাপের বিষয় তিনি অল্পবয়সে মারা যান। তাঁর অকাল-মৃত্যু উপলক্ষে শান্তিনিকেতনে শোকসভায় গুরুদেবের আচার্যরূপে যা বলেন তার অনুলিপি 'প্রবাসীতে' প্রকাশিত হয়। রবীন্দ্র রচনাবলীর চতুর্বিংশ খণ্ডে অনুলিপিটি পুনর্মুদ্রিত হয়েছে। গুরুদেব রচিত 'মৌলানা জিয়াউদ্দিন' কবিতাটি এখানে বিশ্বভারতীর অনুমতি অনুসারে ছাপানোটা যুক্তিসঙ্গত মনে করলুম;—


মৌলানা জিয়াউদ্দিন

কখনো কখনো কোনো অবসরে
নিকটে দাঁড়াতে এসে;
'এই যে' বলেই তাকাতেম মুখে
'বোসো' বলিতাম হেসে।
দু-চারটে হত সামান্য কথা
ঘরের প্রশ্ন কিছ্,
গভীর হৃদয় নীরবে রহিত
হাসিতামাশার পিছ্।
কত সে গভীর প্রেম সুনিবিড়
অকথিত কত বাণী,
চিরকাল-তরে গিয়েছ যখন
আজিকে সে-কথা জানি।
প্রতি দিবসের তুচ্ছ খেলালে
সামান্য যাওয়া-আসা,
সেটুকু হারালে কতখানি যায়
খুঁজে নাহি পাই ভাষা।
তব জীবনের বহু সাধনার
যে পণ্য ভার ভারি
মধ্যদিনের বাতাসে ভাসালে
তোমার নবীন তরী,
যেমনি তা হোক মনে জানি তার
এতটা মূল্য নাই
যার বিনিময়ে পাবে তব স্মৃতি
আপন নিত্য ঠাই—
সেই কথা স্মরি বার বার আজ
লাগে ধিক্কার প্রাণে—
অজানা জনের পরম মূল্য
নাই কি গো কোনো খানে।
এ অবহেলার বেদনা বোঝাতে
কোথা হতে খুঁজে আনি

ছুরির আঘাত যেমন সহজ
তেমন সহজ বাণী।
কারো কবিত্ব, কারো বীরত্ব,
কারো অর্থের খ্যাতি—
কেহ-বা প্রজার সুহৃদ, সহায়,
কেহ-বা রাজার জ্ঞাতি—
তুমি আপনার বন্ধুজনে
মাধুর্যে দিতে সাড়া,
ফুরাতে ফুরাতে রবে তব, তাহা
সকল খ্যাতির বাড়া।
ভরা আঘাতের যে মালতীগুণি
আনন্দ মহিমায়
আপনার দান নিঃশেষ করি
ধূলার গিলায়ে যায়—
আকাশে আকাশে বাতাসে তাহারা
আমাদের চারি পাশে
তোমার বিরহ ছড়িয়ে চলেছে
সৌরভ নিঃশ্বাসে।

(নবজাতক)

তাম্রম শুদ



Deshe Bideshe by Syed Mujtoba Ali **[Part.3]**



For More Books & Music Visit www.MurchOna.com
MurchOna Forum : <http://www.murchona.com/forum>
suman_ahm@yahoo.com